

PROCEEDING OF THE SIXTH SESSION OF THE FOURTH MIZORAM
LEGISLATIVE ASSEMBLY FROM 15TH MARCH, 2000 TO 13TH APRIL
2000

FOR SIXTEENTH SITTING ON MONDAY APRIL 10, 2000
(Time 10:30 A.M. to 1:00 P.M. NAD 2:00 P.M. to 4:00 P.M.)

PRESENT

FU R.LALAWIA, Speaker, at the Chair, Chief Minister, 14
Ministers and 24 Members were present.

QUESTIONS

1. QUESTIONS entered in separate list to be asked and
oral answers given.

LEGISLATIVE BUSINESS
Bill for introduction

2. FU LALRINCHHANA, Minister to beg leave of the House
to introduce the Mizoram Tenancy And Government
Land Settlement Bill, 2000

ALSO
to introduce the Bill

*VOTING ON DEMAND

3. FU AICHHINGA, Minister to submit to the vote of the
House various Demands under his charge.
4. FU H.VANLALAUVA, Minister to submit to the vote of
the House various Demands under his charge.

S P E A K E R : "Rorelna dik takin titlu ula,
Mitinin an unaute chungah za-
ngaihna leh khawngaihna chhuah
hawh se: Hmeithai te emaw,
fahrah te, mi rethei te emaw hnehchhiah hek suh u. Tumah
rengin in thinlungah In unaute tana tha lo tur chu suang-
huah suh u, tiin.

(Zakaria 7:9-10)

Question kan la nghal ang a.
zawt turin Fu Lalrinzuala ilo sawm ang. A awm lo a,
Starred Question No. 229 zawt turin Fu J.Lalthangliana
i lo sawm ang.

PU J.LALTHANGLIANA : Pu Speaker, Starred Question 229-na Pu J.Lawmzuala nena kan zawhna chu hetiang hi a ni. FWD Minister chhan atan-

- a) FWD hian BRTF kawng khawi kawngte nge a lak leh dawn ?
- b) Lunglei - Tlabung Motor kawngpui hi BRTF in Mizoram FWD hnenah a Law Order tawh em ? Tunah bumboh leh hnim em em sawisa tur hian tunge mawh phur ?
- c) Helai kawng hi BRTF hian Mizoram FWD kutah hlan tawh nise a chei that nan cheng engzat nge ruahman a nih ?
- d) BRTF kutah la awm nise in hlanhhawn thuai tum na a awm em ? tih a ni e.

S P E A K E R : Chhang turin Pu R.Tlanghmingthanga, PWD Minister i sawm ang u.

PU R.TLANGHMINGTHANGA : Pu Speaker, Phuldungsei bial-MINISTER

tu leh Lunglei bialtu zawhna FWD hian BRTF atangin khawi kawngte nge an lak leh dawn? tih chhanna chu - heng a hnuai kawngte hi BRTF atangin PWD-in a lak leh turte an ni :- 1) Thenzawl - Bungmun, Bungtlang - Bungmun portion. 2) Champhai - N.Vanlaiphai - Balance Portion 3) Nalkawn - Chamdir road 4) Sukhan - Bagha road 5) Lengpui - Dapchhuah. (6) Lunglei -Tlabung Motor kawngpui hi BRTF in Mizoram FWD hnenah a 'Hand Over' tawh em ? tuna bumboh leh hnim em em chei tha tur hian tunge mawhphur ? chhanna :- Lunglei - Tlabung kawng hi BRTF in Mizoram FWD hnenah ni 25, January, 2000 ah a 'Hand Over' tawh a, amaherawhchu, Chief Minister Mizoram leh Defence Minister, Government of India inbiakna ni 14.2.2000 a neih angin BRTF hnena hlan let leh tura hmalak mek a ni. (c) Helai kawng hi BRTF hian Mizoram PWD kutah hlan tawh nise, a thei chat nan cheng engzat nge ruahman a nih ? Chhanna :- Hemi kawng hi BRTF ah hlan let leh tum mek a nih avangin chei that nan Mizoram PWD in ruahmahna a siam lo. d) BRTF kutah la awm nise, inhlanchhawn thuai tumna a awm em ? A chung a chhanna khi a dinhmun a ni e.

PU J.LALTHANGLIANA : Pu Speaker, ka zawhna hi a thui deuh hlek mai thei a. Hei kawng engemawzat BRTF a tang hian PWD-in kan la dawn ta a. Mizoram chhungah hian BRTF atangin PWD-in an khaw bul kawng an la dawn a ni tih an hriat hian Mizoram mipui tamtak hian pawl an ti tlat

mai a. A chhan nia lang chu PWD an thawh hian BRTF aiin tha lo dawnin mipuite hian an ngai a ni. BRTF Mizoram pawna mi Agency kan neihte ai hian Mizoram chhunga kan mithiam Engineer rualte hi mipuite hian kan ring lo zawk tlat ni hian a lang mai a. He rin lohna hi tibo turin Mizoram PWD hian nasa takin tan la in Mizoram mipuite ina PWD kan rin dan hi kan Minister zahawm tak hunchhung ngei hian a sawhsawn tir thei ang em ?

Ka hriatsual loh chuan W. Phaileng atanga Marpara khu BRTF - PWD hian an la mek niin a lang a. Nikum atang khan an la tawh e an ti si a. Nikum kumlai khan mipui mangangin kawng hnim lutuk kha hnatlangin an sam ringawt mai a. Khulai khuan BRTF hunlai atang tawh khan Km. 10 dawn lai metal loh a awm a. Khu khu furah chuan kan harsatna ber ani a. Bus a kal theih loh phah a, khulai khu PWD hian hma a la lo nge ni, khu khu kan harsatna ber a ni a. Furah chuan bus a kal theih loh phah a, khulai portion a khu PWD hian kumin hian engtingge tih a tum ? tihthat a tum em ? tih leh Mar lei khu dawh mek khu BRTF dawh nge ni a PWD dawh ? tih hi kan zawt belh duh a ni.

COL. LALCHUNGNUNGA : Pu Speaker, kan PWD in BRTF kawng tam tak hi a la tawh a, a la zel dawn pawhin a lang a, hemi handle tur hianin PWD hian infrastructure te leh sum te hi a nei tawh reng em aw ? Chuti anih loh chuan sawi tawh ang khan, kan kawng tam tak hi a chhia ang tih ava hlahawm em ! Khalaia kha min chhang thei sela ka duh hle mai.

PU R. TLANGHMINGTHANGA : Pu Speaker, Phuldungsei MINISTER bialtu rawn zawh belhna kha, BRTF atanga PWD in an lak dawn hian, a khaw bul vela mite hian lawm aiin an ui zawk lampang ani a, engvangnge ? Kan Engineer te hi kan ring tawh lo nge, engnge a chhan niawm ? tia a rawn sawi kha zawhna tha tak ani a. A chhanna pawh tam tak a awm thei a. A hmasain kan sawi duh chu, khami a fiah nan chuan BRTF hnathawh dan tlangpui ah chuan kawng hi a maintenance nan ringawt pawh BRTF hian cheng nuai hnih leh sing nga, Km. khat atan an hisap thin a. Mizoram PWD ve thung erawh chuan kan fund in a daih loh miao avangin, chu standard chu kan pha ve lova. Chuvang chuan BRTF ina an hman theih Rs.2,50,000/- Km. khatah anih lai khan keini chuan Rs.19,000/- chauh kan dah thei a. Khata tang khan

...400/-

thil awmdan chu a hriat theih mainn ka ring a. Tunah hian information zel atan pawh PWD hian kan kawng enkawl a hi Km.5200 ani a. Tin, BRTF hian 1200 Km. an enkawl a. Tin, kum thum leh kum li danah hian BRTF chuan re-surfacing hi an ti deuh ngei ngei zel a. PWD erawh chuan kum sawm danah pawh hian kan ti nawn hleitheih lova, sum a awm loh avangin chu chu kan kawng dinhmun inan lohna chhan ber a ni a. Tin, BRTF chuan maintenance fund a awm loh khan, "kan ti theih lo, hei hi chu fund a awm lo", an ti mai a. Chumi anih avang chuan an fund awm loh avangin "PWD hnenah kan hand over e", an ti leh mai thin a ni. Chuvang chuan khalaiia kha harsatna a awm a. Nei lo mah ila keini chuan kan kawng anih miau avangin an thawk tawh si loh chuan kan take-up a ngai lo theih lova, chuvangin kumin maiah pawh khan 200 Kms. zet BRTF ina an chhuahsan thut kan plan leh kan ruahmanna ah pawisa awm si lo. Kan enkawl zui ngai a awm a. Chu chu kan buai em avangin pawisa awm-sa a awm silo. Kan Chief Minister zahawm tak pawh kan Central Sorkar khulam Defence lam atanga fund a lo tawp avanga BRTF ina an enkawl theih loh avang khan hei hi chhunzawm leh turin a zuk ngen a. Chumi ang chuan kan kawng pahnih Lunglei -Tlabung leh Tuipuibari kawng hi BRTF chuan enkawl zui leh turin an ti ani a. Chuvang chuan keini chuan a bikin ruahmanna kan siam lo a ni.

Tin, khumi W.Phaileng -
Marpara road khu black top zawh lohva hnutchhiah an neih chhan kan hre lo a. Tun kumtir lam khan PWD in kan la ve chauh a. Mahse sum indaih lohna avangin khami black top chhe em ema kha duh angin kan ti theih lova, hei hi chu kan rilru min kap liantu tak a ni a, tuna ruahmanna kan neih tur kumthar pawisa in eng chen nge kan tih theih dawn tih erawh chu kan la sawi theih mai lova. Chu chu a awmdan tlangpui chu a ni.

S P E A K E R : Starred Question No.230-na
zawt turin Pu Lal Thanzuala
i lo sawm ang.

PU F.LAL THANZUALA : Pu Speaker, ka zawhna -
Higher & Technical Edu-
cation Minister chhan
atan - Myanmar ram
University ah khian eng University ber khi nge India
hian a pawm ?

S P E A K E R : Chhang turin Pu B.Lalthleng-
liana Minister in-charge
Higher & Technical Education
Department i lo sawm ang.

PU B.LALHLENGLIANA : Pu Speaker, Starred Question
MINISTER 230-na Hnahthial bialtu zah-
awm tak zawhna ; Myanmar
University ah khian eng Uni-
versity ber khi nge India hian a pawm ? tih chhanna chu-
Association of University kum 1979 atang khan Rangoon
University leh Mandalay University te a pawm.

PU F.LAL THANZUALA : Pu Speaker, zawh belhna -
Sorkar recognised University
nilo atanga Myanmar ram
atanga graduate te hi Mizoram
Sorkar Educational Institution ah hian graduate anga
rawih theih anni ve tho em ? tih ka zawh belh duh a.
Tin, chutianga rawih chu awm ta se Sorkarin a pawm
nghet zel dawn em ni ? tih ka zawt bawk a. Tin, pawm
nghet zel ni ta se recognised leh recognised loh neih
hi engnge a tangkaina tih ka zawt duh a.

Tin Pu Speaker, min hrethiam
la, ka zawhna chhan hi kan sawifiah lawk anga. Ka bialah
khian High School leh Middle School ah te Headmaster leh
zirtirtu ah te Myanmar mi an awm a. Heng recognised
University ami ni silo hi Zotawng an thiam lova, Sap-
tawng an thiam bawk lova, School ah namen lovin har-
satna kan tawk a, Science leh Mathematics ah an failed
deuh reng a. Chu chuan School dinhmun a tichhe vek a,
chuvang chuan hei hi ka zawt a ni a. Zawh tur zawk
tak hi ka zawt lo a ni maithei a, mahse ka zawhna
chhan chu, chu chu a ni e.

PU B.LALTHLEGLIANA : Pu Speaker, a zawh belhna kha
MINISTER : keini chuan Association of
University in Rangoon leh
Mandalay University a pawm
a hi helamah hna zawng an rawn awm a nih chuan, pawm
a nih angin kan lo ruai ve mai a , mahse school lama
thawk 1st degree nei chin an rawh lam erawh kha chu
kein in kan hriatpui lova, khalam kha chu School Edu-
cation chan tur niin ka ring a, keini Department
Higher & Technical, ah hi chuan Rangoon University leh
Mandalay University chhuak bawk rawh kan neih tun
thleng hi chuannkan la hre lo.

S P E A K E R : Engpawh nise, kha thil kha
thil pawimawh tak a ni a, in-
charge School Education lam
khan a theih chuan ngaihven
awm tak a ni, Starred Question No.231-na Pu J.Lalthang-
liana zawt turin i lo sawm ang.

PU J.LALTHANGLIANA : Pu Speaker, Vigilance Depart-
ment i/c Minister chhan atan
zawhna. Starred Question No.
231 chu tiang hi a ni a.
(a) Mizoram sorkar hnuaia Class I Officers leh a chung-
la m thubuai nei mek engzat nge awm ?
(b) Suspend lai mek engzat nge ?
(c) R.D atanga pawisa hman tur BDO hnena pek hmang dik-
lo sorkar hnathawk emaw, mimal emaw engzatnge Vigilance
Department hian a hrem tawh ?
(d) Hetiang development sum hmang diklote hi thubuai
siamsak engzat nge awm ?

S P E A K E R : Chhang turin Hon'ble Chief
Minister Pu Zoramthanga i
lo sawm ang.

PU ZORAMTHANGA : Pu Speaker, zawhna (a)-na
CHIEF MINISTER : member zahawm tak zawhna
kha Mizoram hnuaia Class I
Officers leh a chungla m thu-
byai nei mek engzat nge awm tih a ni a. A chhanna chu
mi 25 in thubuai an nei mek tih a ni a. Tin, (b)-na

kha, suspend mek engzat nge ? tih a ni a. Mi 4 kha kha class one Office leh a chunglam angah kan han dah phawt a, a chunglam zawhna in a ken telh ang deuhvah khan kan ngai ngawt a. Chutah chuan a chhanna chu mi 4 a nia. R.D. atanga pawisa hman tur BDO hnenah pek hmang dik lo Sorkar hnathawk emaw mimal emaw engzat nge Vigilance Department hian a hrem tawh tih a ni a. An awm lo tih a ni a, a chhanna chu. Tin, hetiang development sum hmang dik lo te hi thubuai siambak engzat nge awm tih a ni a. A chhanna chu an awm lo tih a ni.

PU J.LALTHANGLIANA

: Pu Speaker, chhanna lawmawm tak kan dawng a. BDO hnen atanga pawisa pek VLW tena emaw mimal hnenah pek emaw

sum tam tak a awm thin a. Chu chu hmang diklo an awm love, tih vawinah chhanna kan hmu a. Hei hi engtin nge a ngaihna ka hre löva, VLW te hian Master Roll an siam a, R.D. ah hi chuan chu chu mumal takin an lo en thin a ni ngei ang a, chung Muster Roll te chu a dik vek tur a ni a. Ka han zawh duh erawh chu kumin V/C inthlan dawna, cheng vaibelchhe khat leh maktaduai li leh nuai li leh singli BDO kaltlang a, MNF Unit President emaw bial VLW ten emaw hna an thawk anga lang, thawk silo nia kan hriatte hi Vigilance ah hian rawn sawi ta ila, chu chu min endik sak thei ang em ? tih kha kan zawhna a ni a. Tin, kha class-I Officer leh a chunglam thubuai neilai mek 25 an awm a, 4 suspend an ni a, tih te hi kan zawh duh a chu, kan Officer fel tak tak te hi Politics avang hian kan nemna lutuk chang a awm thin a. Kan duhzawng ti turin kan hrih a, an tihfel tawh lohvin kan hrem leh si thin a. Chuvang chuan tun ai hian kan Officers te hi Party Politics ah hian inrawhtir loh dan tur emaw party politics a hmanrua a hman loh dan emaw hi Sorkar in a zawng thei ang em ? tih chu ka'n zawhna anih chu, pahnih ka'n zawh belh a nih chu.

PU ZORAMTHANGA
CHIEF MINISTER

: Pu Speaker, kan member zahawm tak zawhna kha a tha khawp mai a. Party Politics a kan Officer te hman loh hi kan

tih tur tak pawh a ni a. Hun rei tak, mipui lam te, Sorkar lam te, Corner hrang hrang atangin duh aiin hman luihin an awm mah mah tih hi a kal rei tawh a. Vawh i leh khatah hian tih tawp thut hi a harsa a, amaherawh chu, hei hi chu ramdang, ram mumal deuhah te pawh, ram changkangah te pawh an hman loh dan angin, keini pawh hman loh zui zel kan tum ang a. Hei hi a dikin kan hria a. Sorkar pawhin theihtawp in tih loh kan tum a, Sorkar hnathawk an nihna dan ang takin kalse kan duh a ni.

Tin, pawisa hman dik lohna R.D. hnuai ami leh a dang ami te pawh Vigilance Department ah rawn thlen ta ila min endik sak thei ang em ? tih kha chu, 'Thei teh lul e' Vigilance Department a rawn thlen te chu endik zel a case rawn siam a te chu chhui tlak nia hriat chu chhui zel a ni a, amaherawhchu, a then chu hming lem leh engemaw intih mualpho duh vang mai mai a, chhui tlak loh a ti tu hming pawh hriat mang loh khatiang lehkha rawn lut naran avaiia tih chi loh. A awmze nei pangngai a lo kal a chu chhui zel a ni, tih kha ka'n sawi duh a. Tin, kan member zahawm tak khan a lo hriat atan a ka duh chu, helai zawhna (c)-na R.D. atanga pawisa hmantur B.D.O. hnena pek, hmang dik lo Sorkar hnathawk emaw mimal emaw engzat nge Vigilance Department hian a hrem tawh ? tih a ni a. Anihna takah chuan Vigilance Department hian a hrem emaw tih palh mai hi a awl a, A nihna ah chuan Vigilance Department hian mi a hrem ngai lova. Mi thil tisuai a puh ate kha an chhui Chiang a, an dik lohna an hmuh chhuah chuan charge sheet an siam a, Departmental proceeding draw turin Department ah an thawn a, tichuan an ti thin a ni a. Direct in Sorkar hnathawk chungah hian action la tu Vigilance Department hi an nilova. A chhuitu, a charge sheet siamtu a thawn tu an nihna tak a chu hei hi a ni a, hremtu ringawt an nilo tih kha in lo hriat atan a thain ka hria a. Chu chu kan sawi tel bawk a ni e.

S P E A K E R

: Starred Question No. 232-na
Fu J.Lawmzuala leh Fu Lal-
hmingthanga zawhna hi zawt
turin Fu J.Lawmzuala i lo
sawm ang.

FU J.LAWMZUALA

: Fu Speaker, kan zawhna te -

- a) SAG Centre leh Hostel siamna hmun hi Sorkarin a ngaihtuah tawh em ?
- b) Ngaihtuah tawh nise, khawilai hmun nge ?
- c) Mimal ram lei tumna a awm em ?
- d) Awm nise, tute ram nge ? Engzat a lei tur nge ?
- e) La ngaihtuah loh anih chuan enge a chhan ? Eng-tikah nge hmalak tum a nih ?
- f) Mizo nula leh tlangvalte Sports & Games Item chi hrang hrang a ram leh hnam ti hming mawi thei turte tan hian tun aia tha zawka enkawlina an dawn theihnan Sorkarin ruahmanna a siam em ?
- g) Siam anih chuan chungte chu engte nge ni ?

PU B. LALTHLENGLIANA : Pu Speaker, a chhanna chu -
MINISTER

- a) La ngaihtuah rih lo.
- b) Ngaihtuah tawh nise, khawilai hmun nge ? tih hi chu ngaihtuah a la nih rih loh avangin chhan a ngai lova.
- c) Mimal ram lei tumna a awm em ? tih chu Mimal ram hi lei tumna a awm rih lo, tih a ni a.
- d) Awm nise, tute ram nge ? Engzat a lei tur nge ? tih chu, chhan ngai lo a ni.
- e) La ngaihtuah loh anih chuan enge a chhan ? Engtikah nge hmalak tum anih ? tih chhanna chu Sorkar kumtawp leh Assembly inbuatsaih vel avangin a hman tur hi la ngaihtuah chhin a ni lova. Amaherawhchu, Aizawl leh Lunglei ah Central Sports Manager in min tiam ang Khan din a la ni ang. A hmun te tihfel anih hunah Central Sorkar ah Plan and Estimate thawn thlak a ni ang. Hemi hunah hian hmalak a ni ang, tih a chhanna a ni a.
- f) Mizo nula leh tlangval te, Sports and Games Items chi hrang hrang, ram leh hnam tihming mawi thei tur atan hian, tun aia tha zawka enkawlina an dawn theih nan Sorkarin ruahmanna a siam em ? Hei hi a chhanna chu, 'Siam e' tih a ni a.
- g) Siam anih chuan chungte chu engte nge ni ? Tunah hian a chhanna chu, tunah hian infiam miten an tel ve theihna chi hrang hrang, National Games South - Asian Federation Games, Asian Games Olympic Games a infiam mi tel ve ten Medal an lo lak pahn a Sorker thuan dan tur ruahman mek a ni a, Tin, an pocket money dawn dan tur te pawh ruahmanna siam mek a ni. B. D.A. rate pawh tunhma a Rs. 60/- ni thin kha tunah hian Rs. 100/- a tihsan a ni tih kha a chhanna a ni.

PU H. LALTANFUIA : Pu Speaker, zawh belhna -
Games and Sports, kan Youth
Services Department ah hian
kan zawh duh chu Pu Speaker,
hei Games chi hrang hrang a awm a, a tam a. Mizo tena
kan kal theihna kawng lampang individual items ah hian
priority list ang deuh te hi a siam ve em ? tih kha ka
zawt duh a.

Tih, a pahnihna atan chuan, National level ah Mizoram te min sawmna hi 1999 leh 2000 chhung khan tih hlawhtlin loh kan nei em ? participate loh kan nei em ? National Games National level a infiam na ah hian sawmna kan hmuh chin hi tih kha a pahnihna atan chuan ka'n zawt duh a ni e.

FU B.LALTHLENGLIANA : Fu Speaker, chhanna - Hemi
MINISTER Sports hnuai discipline 28
Association kan neih zingah
hian priority siam a ni em ?
tih a niin ka hria a. Helai ah hian priority siam a ni n
hran lova. A bikin heng participation kan han neih a,
lawmman kan lak theihna deuh contact Sports lam hi tlem
in kan enzui deuh chu a ni a.

A pahnihna ah -

FU H.LALTANFUIA : Fu Speaker, National Level
a infiamna sawmna kan hmuh
si, Mizoram Serkarin sum har-
satna emaw engemaw avanga
kan participate theih tak loh 1999-2000 chhung khan kan
nei em ? tih a ni.

FU B.LALTHLENGLIANA : Fu Speaker, hei hi discipline
MINISTER engemaw zat kan kal tir theih
loh a awm a. A chhan chu tun
current year chho ah khan
Mizoram in North East Badminton Championship helai ah
Aizawl kan thleng a. Judo kan thleng bawk a. Chu chuan
kan sum involved kan beisei aiin a tam min sen tir avang-
in discipline thenkhat kal mamawh ngawih ngawih te pawh
kan kaltir theih loh engemaw zat an awm a. A tlangpui hi
chu kan in kaltir ve a. Kum khat ah vawi hnih, vawi thum
kal ngai thenkhat a kha, an participation thenkhat kha,
an participation thenkhat kha kan kaltir lo a ni.

S P E A K E R : Starred Question No. 233-na
zawt turin Pu Sanghmingthanga
H.Fautu i lo sawm ang.

FU SANGHMINGTHANGA H.FAUTU : Fu Speaker, ka zawhna, PWD
Minister zahawm takin a
chhan atan Starred Question
No. 233-na hetiang he a ni e.

- a) Jail hlui thlang hnuai laih mek hi engtia hman tur nge ?
- b) Tuna In sakna tur niawm taka laih khuar dum saw. An sak anih pawhin lamlian kawngpui saw tihzauh tumna a awm em ?
- c) Tuna In sak mek leh la sak leh turah te Motor parking (dahna) tur ruahman a ni em ?
- d) Ruahman anih loh chuan, a design ti danglamin Motor dahna tur siam tum a ni em ?

FU R. TLANGMINGTHANGA : Pu Speaker, member zahawm
MINISTER tak zawhna chhanna chu he-
tiang hi a ni e.

- a) Jail hlui thlang laih mek saw lamlian leh Fire Service Sub-Station atana hman tur a ni.
- b) Tuna in sakna tur niawm taka laih khuar saw in sak anih pawhin lamlian saw tih zauh tumna a awm em ? Chhanna - Tuna lamlian awmsa saw tlem- in a zauh phah ang a, lamlian dang Jail atanga hmar lam panin Fi Darawti kawm chhaka chhuak turin siam tum a ni bawk.
- c) Tuna in sak mek leh la sak loh turah Motor Park- ing dah tum a ni em ? Motor Parking hmun tur tha tak ruahman tel a ni.
- d) Ruahman anih loh chuan a design ti danglamin Motor dahna tur siam tum a ni em ? Chhanna. ruahman sa a ni e.

FU LALHMINGTHANGA : Pu Speaker, ka zawhna Starred
Question No. 234 Minister
Higher and Technical Educa-
tion changtu in min chhan
atan -

- a) College Teacher te hian Civil Right an hman phalsakna Sorkar hian pek a tum em ?
- b) A tum anih chuan engtik atangin nge ?

FU B. LALTHLEGLIANA : Pu Speaker, kan member zahawm
MINISTER tak Pu Lalhmingthanga zawhna
No. 234-na.

- a) College zirtirtute hian Civil Right an hman phalsakna Sorkar hian pek a tum em ? tih chhanna chu. College zirtirtute hian Civil Right an hman phalsakna Sorkar hian pek a tum leh tum loh ngaihtuah a la ni rih lo.
- b) Tum anih chuan engtik atangin nge tih chu, chhan ngai lo a ni.

PU LALHMINGTHANGA : Pu Speaker, hei hi kan Election Joint Manifesto ah pawh khan kan ziaktel in ka hria a. Tunah hei Sorkar hi kum khat leh a chanve ang hmel a lo hmu ta a. Tichuan tun dinhmunah chuan 'Ngaihtuah a la awm lo' tih a ni a. Ngaihtuah thuai theih a ni ang em ?

Tin, Civil Right neih hi kan ram politics kalchho atan pawh thil tha tak ni hian a lang a. A chhan chu hei NEHU hnuaiiah te leh University hrang hrang hnuaiiah zirtirtute ang te chuan chutiang right chu an nei a, tin, anmahni pawhin hemi kan ram politics kalchho ah heng mia Legislator atana thlan tlin te ho hian contribution pawimawh tak tak kan ram tan an nei a, mithiam an lo ni a. Tichuan, kan College hrang hranga Zirtirtute hi kan Sorkar hian Civil Right a pek theih a ni a, siam sak a nih chuan kan ram politics ah hianin changkan zawkna te, hmasawn zawkna te, tin, Sorkar siam chungchang thuah pawh mithiam tena Sorkar an enkawlna turte kawng zau zawka zawn inhawng thein a rinawm a. Chuvang chuan ngaihtuahna nei lo hi, tunhna maiah hian thutlukna Sorkar hian min siamsak thei ang em ?

S P E A K E R : Chhang turin Minister i lo sawm leh ang.

PU B. LALTHLENGLIANA : Pu Speaker, a zawh belhna MINISTER chhanna chu, College zirtirtute hian Civil Right hman ve an dilna ka hnenah a lo lut tawh a. Tin, a sawite pawh vawi hnih, vawi thum an rawn sawi tawh a. Tunah hian keima mimala tih thluk mai theih anih loh avangin Cabinet ngaihtuah turin kaltir mek a ni a, chu chu Cabinet Minister in thutlukna siam theih anih chuan a kaltlang turah ngai ila. An siam thei lo anih crawing chuan thu hran a ni a.

Hei hi tunhma atang tawha an thil nawr, Sorkar hrang hrang pawhin a thil tihpui-tlin mai theih chia an ngaih loh, vawin ni thlenga an nawr mek zel a ni a. Tun tumah hian ngaihtuahsak tuma hmalak mek a ni.

S P E A K E R : Starred Question No. 235 Pu Zakhu Hlychho leh Pu N.F. Chakma zawk zawt turin Pu Zakhu i lo sawm ang.

PU ZAKHU HLYCHHO : Pu Speaker, kan zawhna FWD Minister chhan atan -

- a) 1995 kuma Chhimtuipui a ruahsur leh leimin kha Tuisumpui lei dawh tawh sa a lak bo daih thu Sorkarin a hria em ?
- b) Hria nise, dawh leh tumna a awm em ?
- c) Whether any budgetary provision is made during 2000-2001 for construction of pucca bridge over river Tuichawng between Chawngte(L) to Kamalanagar, CADC ?

PU R. TLANGHMINGTHANGA : Pu Speaker, member zahawm
MINISTER takte zawhna kum 1995 kuma ruahsur leh leimin in Tuisumpui lei dawh tawh sa a lak bo daih thu Sorkarin a hria em ? tih chhanna chu 'Hria e' tih a ni. (b)-na Hria nise dawh leh tumna a awm em ? a chhanna ; tunhnai maiah chuan Tuisumpui lei hi dawh leh tumna a awm rih lo. (c)-na Whether any budgetary provision is made during 2000-2001 for construction of pucca bridge over river Tuichawng, between Chawngte (L) to Kamalanagar, CADC? A chhanna; At the moment there is no specific provision for construction of pucca bridge over river Tuichawng between Chawngte(L) and Kamalanagar.

PU NIRUPAM CHAKMA : Pu Speaker, in the budget speech of Hon'ble Chief Minister and Finance Minister we have seen in

the speeches that there is proposal for the construction of bridge, we thought that there must be the budgetary provision, therefore, the Chief Minister also included in his speeches, may I know from the Hon'ble Minister whether that is meant for a pucca bridge or suspension bridge between Chawngte and Kamalanagar.

PU ZAKHU HLYCHHO : Pu Speaker, zawh belhna, Saiha leh Lawngtlai inkarah hian PWD kawng tha tak kan nei thin a. Tin, BRTF nen hian a hlat zawng hi a inthlau em em mai a. BRTF Road Kawlchaw lama kan kal hian darkar hnih darkar thum deuh-thaw kan thang thin a. PWD road ah hian darkar khatah kan thleng thei thin a ni. Mahse tunah pawh hian Mar boat, chhaklam kai Kolodyne ah a dah a, Tuisumpui lei a awm loh avang hian a kal hleihtheih thin lova. Tui tlema a tam deuh pawhin a kal theih lohva. Chuvangin, helai hi 1995 kuma mi tawh leihlawn tha tak PWD in a dawh tawh kha a ni a, 1995 a mi ina a lak tawh kha a ni a. PWD hian dawh leh an tum em? Dawh leh tur hian harsat-na an nei em ni tih kha ka zawt duh a ni.

PU H.RAMMAWI : Pu Speaker, 1995 Chhimtuipui leimin lai khan Sangau leh Cheural inkarah Darzo lui leilawn a paih ve a, chu chu cash in PWD in an siam tir a. Tun thleng hian leilawn dawh man pawisa an pe thei lova, a dawhtu khan PWD leh mipui tan PWD hotute thuin an dawhtir a ni a. Tun thlengin pawisa an pe thei lova. Hei kum 5 a liam tawh a. Hei hi PWD in an dawhtir, mipui tan a tih a dawh nisi, tun thlenga a man pek loh a hi engnge a chhan? Pawisa kha Sorkar khan a pe tam viau si a, tin, tunah hianin khami leiba kha pek tum-na a awm em? tih kha kan zawh belh duh a ni.

PU R.TLANGHMINGTHANGA : Pu Speaker, zawh belhna kan MINISTER C.M. Statement ah khan a awm e a ti a, kha kha kan member ten an hriatsual em ni aw kan ti a, khalai kan Chief Minister zahawm takin a sawi a kha Chawngte (L), Chawngte (C) leh Chawngte (P) khalai a kha sawilan a ni a, kha kha keini pawhin kan enghelh a, kan Chief Minister kan Finance Minister zahawm tak pawhin a vei em em avangin a rawn sawilang kha a ni a. Tuna a sawi nen hi chuan a in ang lovin ka hria a, engpawh nisela, tuna dinhmunah chuan Budget provision awm leh awm loh laia kha a khawi a mah hi tuna Budget provision awm pumpui atang khan a bika kan hnathawh tur a kha khami atanga provision siam chhoh tur anih avangin work

Schedule te siam chhoh tur a ni a, khata a tak leh anihna tura kha hmundanga pawh kha la hriat tur chauh niin ka ring a. Tin, Lawngtlai, Tuisumpui lei dawhna kha '95 a lo chhe tawh a ni a. Chu chu a tul tih pawh kan hria a. Tin, a kawng hrim hrim pawh hi maintain chhoh zel tumin tun kum kalta pawh khan pawisate pawh dah chhovin kan kalpui mek a. Amaherawhchu, lei dawh man hi a tamin a harsa a. Tunah mai chuan kan dinhmunin a la phal rih lova. Chuvangin khalai kha kan sawi chiang ngam rih lova. A tulna erawh chu kan hria a ni tih kan sawi duh a. Pu H.Rammawia rawn sawi laia kha ka lo chiang hman chiah lova, a sawi nawn thei ang em aw ?

PU H.RAMMAWI : Pu Speaker, Sangau leh Cheural inkara Darzo lui leilawn '95 kum leimin khan a paih a, tui lianin. Chu chu FWD khanin mi pakhat an dawh tir a, a dawh thei mai a, Motor pawh a kal thei mai a. Pawisa kha tun thleng hian an pe thei lo a ni.

PU R.TLANGHMINGTHANGA : Pu Speaker, a lawmawm e, kha MINISTER information kha kan lo hria ang a. Sorkarin a bat tam tak a awm a. Kha lo pawh kha kan hma a kalta Sorkar in a work order leh engkim a lo tih tawh sa, pawisa pek theih loh hi a lo tam em em mai a. Chumi zingah chuan chu chu a awm ve a ni tih tunah min rawn hriattir a. Kha kha kan lo hrezui dawn a ni a.

PU NIRUPAM CHAKMA : Pu Speaker, Supplementary Question. Kan Finance Minister Budget hi phek 10 "It is also proposed to construct a bridge to connect to Chawngte (L), Chawngte (C), Chawngte (B) a ti a. 2000-2001 khami Budget pass anih avangin Budget provision a dah turah kan ngai a. Tuna Minister chan atangin Budget provision dah luh tih kha sawi niawm tak a ni a, kha kha kan hrethiam lo a ni, an dah ve em dah lo nise, hetah tarlan kha engmah awmia a awm lo.

PU R.TLANGHMINGTHANGA : Pu Speaker, ka lo sawifiah lo MINISTER nge ni, Chief Minister meuhin a lo sawi tawh a ni a. Hei hi chu keini pawhin kan ngaih pawimawh em em a ni a. Mahse, final plan allocation a la awm lova, kha kha hmuh tur a la awm lo mai a ni a. Allocation siam tur chauh a ni a, kha kha a chiangin ka hria.

Dr. LALZAMA : Pu Speaker, PWD Minister zah-
awm tak chhan atan Starred
Question 236-na ka han zawh
duh te chu heng hi an ni e-

- a) Mizoram pawna Mizoram House-a Electrical Works
hi PWD Mechanical Works hi PWD Mechanical Circle
hnuaiia Electrical Engineer enkawl thin kha eng-
vangin nge Civil Engineer ten an enkawl tak ?
- b) Engvangin nge Hydro Electric Power Plant ah
reng reng Civil Engineer ten an enkawl fai vek ?
- c) Conventional ah Civil Engineer hna hi 40% chauh
a ni lawm ni ? tih kha a ni e.

PU R. TLANGHMINGTHANGA : Pu Speaker, Member zahawm tak
MINISTER Dr. Lalzama zawhna chhana chu -

- a) Economic measure leh Administrative convenience
ngaihtuahna avangin Civil Engineer J.E. awmsate
enkawl tir an ni.
- b) Engvangin nge Hydro Electric Power Plant reng
reng Civil Engineer ten an enkawl fai vek ? A
chhanna. Hydro Electric Power Plant a hna, sur-
vey investigation, building sak, tuikawng siam
kawng laih leh tuikhuah hi Civil Engineer lam
hna vek a ni a, a enkawl zui tur pawh Civil
Engineer te mawh phurhna a ni e.
- c) Conventional ah Civil Engineer hna hi 40% chauh
a ni lawm ni ? Chhanna. Conventional ah Civil Engi-
neer te hna hi 40% chauh a ni vek lo, tih chhanna
a ni e.

PU ZAKHU HLYCHHO : Pu Speaker, ka zawhna. Higher
and Technical Education Minis-
ter chhan atan -

- a) Saiha College a Science Department hi Aizawl lama
sawn tumna a awm em ?
- b) Mizo thalai te. All India Service a competitive ber
tur te Coaching an kalna tur bik recognised insti-
tuteon Sorkar in a nei em ? Nei nita se, institu-
tion hming min hrilh thei em ?
- c) Hetianga kal tur te tan Stipend siam sak an ni
em ? tih ka zawt e.

FU B. LALTHLENGLIANA : Pu Speaker, Starred Question
MINISTER 237-na Saiha bialtu zahawm
tak zawhna -

- a) Saiha College a Science Department hi Aizawl lama sawn tumna a awm em ? tih chhanna chu. Awm e. Saiha College a Science Department hi Residential Science College ah sawn pheii tum a ni.
- b) Mizo thalai te All India Service a Competitive Exam bei turte tana Coaching an kalna tur bik (Recognised institution) Sorkarin a nei em ? tih chhanna chu. Tunhma Khan Coaching Centre pawm bik a nei thin a, tunah chuan eng coaching institution pawh pawm a ni tawh e.
- c) Hetianga kal duhte tan stipend siamsak a ni em ? tih chhanna chu. Coaching a kal duhte tan stipend siam sak a ni lo.

FU ZAKHU HLYCHHO : Pu Speaker, Champhai zirlai te Higher and Technical Minister chungah an thin rim tak zet tawh a ni tih ka chhiar a, Science Department Champhai ami kha Aizawl lama sawn tumna a awm avanga an thin rimna kha a ni a. Tichuan a tawp thlenga kalpui zel an tum tih te a inziak a, Saiha Chauh an lungawi lo dawn emaw ka ti a, Champhai leh hmun dang te pawh anih ka ring. Chuvangin hemi thil awm tawh sa sawn tum hi harsatna mipui leh zirlai te tan a siam dawn a ni mai lo maw ? Tin, zirlai te hian kalpui zel se, Sorkar hian a ti duh tho ang em ? tih ka rawn zawt duh e. Tin, pahnihna ah chuan hemi Saiha College atangte hian mi tam tak an lo zir chhuak tawh a ni. A then pheii chu an pass tha viauva. Vawlinah hian MBBS hemi College a Science zir chhuak atanga Doctor ni tawh te, tin, thenkhat chu Civil Engineering te a thawk tawh te pawh an awm a ni. Chuvangin kan tangkai pui hle mai a. He thila hi Sorkar hmasa ina Saiha College a Science Class hi tibbo a tum pawh-in ka bial anihna angin leh, khatih laia Sorkar changtute zinga ka telna avangin theihtawpin ka tang ve. Tichuan an chhonzawm tir a ni a. Chuvangin hetianza han sawn tum hi, kan tangkai pui viau si a. Tangkai lo viauva Sorkarin a hriatna eng nge ni ? Kan zawt belh duh e.

Tin, Mizo thalai te All India Service a competitive beitate hnena stipend kha engzat nge siam sak an nih pakhatah ? Tin, Engineering hrim hrim Technical line a kal hrim hrim hi thlakhatah Mizoram Sorkar hian Rs. 500/- a pe niin ka hria a, tunah hian Hei hi tun dinmunah zirlaite tan a tlem lutuk a, Sorkar hian a tipung thei ang em ?

FU B. LALTHLENGLIANA
MINISTER

: Pu Speaker, zawh belhna chhan-
na chu - Saiha College a
Science zirtirtute Aizawla
Residential Science College

atana lak phei tum thu a kha a ni a. Hei hi hmanni ka Demand ka wind up naah khan ka sawi tel tawh a. Tunhma chuan an chhawr tangkai a ni mai thei. Amaherawhchu, hmanni a ka sawi tawh ang khan 10+2 an introduce khan hmun tam takah Degree Science zirna College kan neihna hmunah 10+2 Science introduce tel anih loh avangin a figure a awm ta lova. Tunah sawn Saiha pawh zirtirtu 11 kan neihna ah zirlai 3/4 vel an awm a, tin, Champhai pawh zirtirtu 12 kan neihnaah tunah khian zirlai 3 an awm a. A figure 10+2 Science khi College, zirtirtu in Private in an enkawl a, an hmui a ni a. Hei hi University Norms kan pawm tawh avangin ni khatah darkar 5 zirtirtute'n kan thawk ngei ngei tur tih leh, ni 180 Class an kal tur a ni tih a lo ni a. Tuna kan naupang nilo 10+2 zirlaite kan kawl reng a hi kan ti thei reng dawn lova. Chumi kan tih theih reng dawn siloh chuan tuna zirlai kang ta mai hi zirtirtute nikum chhung khan 30 chuang a thlawnin kan chawm tawh a. Financial constraint avang te leh Department ten harsatna thenkhatte a neih avangin, zirtirtur naupang nei silo, zirtirtu chuti zozai hmun hrang hrang ami dah reng a chan kan hre lova. Chuvangin Residential Science College Aizawl ah hian hlawn ta ila, hmanna ka sawi ang khan non-lapsable pool a pang pawisa kan hmuh tur te nen atangin zirna tha zawk naupangte hnenah kan pe thei ang a, Mizoram hmun hrang hranga naupang 2 lak zirtir tur a zirtirtu 12 te lo awm hi i hmang tangkai teh ang u, kan ti a ni.

Tin, Champhai naupang an lung-
awi lo viau tih kha chu, chanchinbu ah a lo chhuak a ni
mai thei a, ka chhiar lova, kar hmasa lawk khan an lo kal
a, kan indawr a, thil awmdan zawng zawng kan sawi lova,
an hlim viau a, amaherawhchu anni pawhin thil awmdan an
han hriac chian ah chuan 10+2 (Science) Champhai ah a awm
vat a pawimawh a ni tih an hre ve a. Tuna kan zirtir mek
a khi Officially a Sorkarin a dah anga an lo ngaih avangin
an lo lungawi lote pawh a ni mai thei, mahse, ka hnenah an
lo kal a, lungawi lohna thu an sawi lova, an lungawi turah
ka ngai a. Tin, nichina zawhna chhanna ah khan hetiang
kal duh te tan stipend siamsak a ni em ? tih ah khan ka
chhanna chu - Coaching a kal duh te tan stipend siam sak
a ni lo tih a ni a. maherawhchu, zawh belhna ah khan a
rawn sawi leh a, kan member zahawm tak khan, stipend zavng
in kan lo kaltir lova, incentive scheme zavngin keiniin
kan ti a. Tichuan cash award mi 14 hnenah kan pe a. ...
Rs. 5,000/- theuhin. Tin, Course fee leh mess fee mi 2
hnenah kan pe bawk a. Amaherawhchu, tuna kan incentive
scheme kan pek dan Government Notification ding laiah
hian thil mumal lo leh felhlel deuh a awm a hriat anih
avangin, Government Notification No.A.14012/1/93 Educa-
tion of 7th March, 2000 ah thuchhuah kan siam a. He No-
tification hmanga pek hi an la awm hman rih lova. Chu
Notification ah chuan a kalphung tlemin kan ti anglam a.

Fakhatna ah chuan course fee hi thla li (4) aia tam lo atan an pek zat emaw Rs. 20,000/- aia tam lo emaw, a tlem zawk zawk pek theih turin kan ruahman a, tin, mess fee hi thla khat (1) ah Rs. 1,500/- in ruahman a ni a. Pathumna ah chuan One time incentive anih tawh avangin vawi khat fail tawh tan chuan engmah pek theih ani tawh lo ang an ti a. Palina - Coaching Centre hi pawm bik awm lovin eng coaching Centre pawh theih nise, tiin ruahman-na kan siam a. Fanga naah chuan, Cash award chungchang chu Notification thara awm leh hma chuan Rs. 5,000/- hi hman rih turin kan ruahman a ni.

S P E A K E R : Kan Question Hour a tawp a, tawngkam hnih khat lekin member te chah duh ka nei a. Hei in Question te chhan hauh loh te, tun Session chung hian a lo awm a, kan Member ten in complain a, pawl ka tiin ka thinrumpui che u a ni. Chutiang baw chuan MLA zawhna in siam a, hei kan zawhna hmasa ber kha, Leave la baw si lovin Question hi kan kal hman dawn lo anih chuan kan thiante authorised a, authorised baw si lovin, Question zawh tur chhanna engkim an rawn buatsaih a, Department ten, chuta zawh leh si loh hi kan member ten tih tawh loh nisela, heng Greater Water Supply Scheme Phase-II phei chu thil hma lian mi hausa te nena in correct thil a ni a, kan member te hi mipuiin dik lo zawngin an thlir ang che u, tlanche leh ta mai mai emaw an ti ang che u tih ka hlau a, tun hnuah chuan in zawhna reng reng chu in zawt theilo anih pawhin thian te authorised mai ula. Chutianga kalpui nisela, kal theih loh chuan dan pangngain Leave thelul tur a ni. Chu chu ka chah duh che u a ni.

Kan Business ah kan kal zel ang a, Pu Lalrinchhana Minister in Mizoram Financial Government Land Settlement Bill 2000 House ah introduced rawn dil sela.

FU LALRINCHHANA MINISTER : Pu Speaker, "The Mizoram Tenancy and Government Land Settlement Bill, 2000 hi he House ah hian introduce min phalsak turin ka rawn ngen e.

S P E A K E R : Introduce kan remti tlang em ? Pu Lalrinchhana, Minister in a Bill chu han introduce rawhse.

FU LALRINCHHANA MINISTER : Pu Speaker, i remtihna leh he House rem tihnain "The Mizoram Tenancy and Government Land Settlement Bill, 2000" hi he House ah hian ka rawn introduce e.

S P E A K E R : Pu Lalrinchhanan Mizoram
Financial Government non-
Settlement Bill 2000, a
rawn introduced tawh a.

Hei hi hun remohang hmasa berah kan ngaihtuah ang a.
Tunah chuan kan business angin Minister te Demand
kan la kawp leh mai ang a. Pu Aichhinga Demand No.
16, 34, 36 & 53 . Pu H. Vanlala'va 'n a Demand No. 19, 28,
29 & 38 te a ni a, House ah rawn pu lut turin sawm
ila.

Pu Aichhinga ilo sawm

hmasa ang.

PU AICHHINGA
MINISTER

: Mr. Speaker Sir, on the
recommendation of the
Governor of Mizoram, and
with your permission Sir,

I moved the Demand No. 16, 34, 35 & 53, for Rs. 1,19,
28,10,000 only for meeting expenses during 2000-2001
in respect of the following Departments. Demand No.16
Civil Supplies - 1,15,10,00,000 Demand No. 34 - Social
Security & Welfare - 35,00,000, Demand No. 35 - Relief
on account of natural calamities - 1,46,00,000, Demand
No. 53 - Other General Economics Services, Trade &
Commerce, Weight & Measures - 2,36,10,000, Total -
119 crores 28 lakhs and 10 thousands. Thank you.

S P E A K E R

: Pu H. Vanlala'va, a De-
mand te submit turin i lo
sawm ve ang.

PU H. VANLALAUVA
MINISTER

: Mr. Speaker Sir, on the
recommendation of the
Governor of Mizoram and
with your permission Sir,

I move the Demands No. 19, 28, 29 and 38 for Rs.41,
99,30,000 only, for meeting expenses during 2000-
2001 of the following Departments, Demand No. 19,
Local Administration Department Rs. 4,25,00,000/-
Demand No. 28 Housing Rs. 27,89,00,000/-, Demand No.
29 Urban Development Rs. 7,39,20,000/- Demand No.38
Fisheries 2 crore 46 lakhs 10 thousand. Total Rupees
Forty-one, ninety-nine lakhs and thirty thousand only.
Thank you.

S P E A K E R : Aw le, kan tihdan pang-
ngai angin Memberte mi-
nute sawm hun kan in pe
leh ang a. A duh apiangin
han sawi rawh u le. Pu H.Rammawi.

PU H.RAMMAWI : Pu Speaker, Ka'n sawi hma-
sa ber ang e. A hmasa bera
ka sawi duh chu Demand No.
16-na Civil Supply hi a
ni a. Kan hriat theuh angin Pu Speaker, Mizoram chu
Phai lam atang buhfai lo kal ring ang hi kan ni mai
a. Pu Chairman, Chair inthlakah khan minute hnih hun
in awn a, minute hnih min pek belh dawn a nia.

Mahnia kan thar chhuah hi
kan Agriculture recordah hian tam viauvin lang mahse,
Mizorama buh thar chhuah tamna hi Kolasib thlanglam khu
a ni a. Mizoram a lut a tak hi a tam hran lova, kan
changtlem zawk emaw ni tih tur mah mah ani a. Vai buh-
fai leina atan a kan pawisa dah atang hian a hriat-
theih mai a. Phailam atanga buhfai a thlen thatloh
chuan kan buai nghal ani deuh mai thin a. Chutih kar-
ah buhfai thalo, chuti khati, buhfai lah a lo ehhe
thin bawk si, godown hmun hrang hrangah buhfai chhia-
te kan ngah a. He House ah pawh hian kan sawi thin a.

Amaherawhchu, Pu Speaker,
Pu Chairman, mahni tharchhuah kan nei lova. Vaibuhfai
kan lak hi tunhma phei kha chuan Guwahati atangte,
Silchar atangte in kan la a, a chhia, a tha thlang
thei pawh kan ni lova. A chhia pawh kha kan inchuh
zawk thin ani a. Mizoram atana phurn chhoh tur khan,
Phur map map kha a ngai ani mai a. A lo thatloh deuh
khan helaiiah Sorkar hotute demna pawh a awm thin a.
Mahse, a takah chuan khulai Godown ah khuan Silcher
anih pawhin Guwahati anih pawhin FCI Godown atanga
kan lakchhuah hianin a chhia leh a tha thlang thei
pawh kan ni lova. Chuvang chuan, vai buhfai kan lei
tam hi a ngai a. Buhfai leinanah pawh hian Sorkar
pawisa pawh hi vaibelchhe za chuang chuang, kum khat-
ah ringawt pawh vaibelchhe za chuang chuang zel hi
sen a ngai a. 1998 - '99 ah khan Vaibelchhe 113 leh
Nuai sawm non-plan side ah ringawt khan buhfai lei
nan khan ka hmang a, chuan nikumah khan, tun March
thla liam taah khan Vaibelchhe 128 leh Nuai 32 kan
hmang a. Kan Budget Bu phok 113 naah khan en ila,
kuminah hian vaibelchhe 100 chauh a awm mai a, kan
dah a, vaibelchhe 28 leh Nuai 32 kha, nikum aia a
tlemna a ni ta a. Hei hi kan Ministerin, Buhfai hi
kan mamawh tlem dawn nge ni a, kan pawisa harsat

vanga token provision a awm phawt chuan hei hi eng hi-sapa ti nge anih wind up hunah min hrilhfiah sela tih kan ngen duh a.

Tin, khami chungan chiah khan Major Head 2480 hnuai ah khanin Food Subsidise tih a awm ta a. Nikumah khan, 1998 ah khan Nuai 745 non-plan side ah khan a awm a, chuan nikumah khan Nuai 723 non-plan side ah khan a awm a. Amaherawhchu, a plan side ah khan a pung ve thung a, kuminah chuan a plan side a kha Nuai 35 atangin Nuai 20 ah a tla thla a. Non-Plan a mi nuai 723 akna 348 ah a tla thla ta daih mai a. Hei hi a tha zawng nge nia a tha lo zawng tih kha ka ngaih a tha vak lova. Thingtlang miten kan tawrh palh ka hlau va. Kan Minister in a wind up hunah a hriat a tan.

Tin, Phek 118-naa Purchase of Rice and Paddy tih a awm leh ta a. Nikumah Vaibelchhe 109 Non-Plan ah kan hmang a. Kuminah a Nil ta hlauh mai a. Helai hi engnge a awmzia kha kha a wind up hunah kan Minister hrilhfiah atan engnge a awmzia. Chubakah, Mizoram hmun hrang hrangan Kudam thalo nei kan tam ta em em a. Kan Supply Centre ah kal ta ila, Kudam a thatloh chuan furah a huh/far a, kan buhfai a chhia a. A chhia pawn ei a ngai si a. Buhfai rimchhe deuh deuh hriseina thalo tura ngaih pawn kan ei lo thei si lova. Kumina kan Budget ah hian Kudam sakna lama kha helai phek 118 na Rural Godown Programme tiha Nuai 59 te chauh ahi khatiang lam hawia kan Budget ah hman theih niin a lang a. Hei hi a van tlem awm ve aw ka ti a. Zoram hmun hrang hrangah kal ila, kudam tha lo a tam em em a. A then repair ngai len extend ngai leh thiah ngaite ani a. Ka bialah ngei pawn Sangauah pawn 1980 vela Kudam kha kan la ring ta ngar ngar a. Kum 2 vel kal ta khan Kudam te deuhlek an sa a. Chu chu a te lutuk a. A hlui kha far pawh nise, takhan buhfai kha kan dah ngawr ngawr mai a. Furah a far si a, buhfai a chhiat phah a. A chhia pawh chu kan ei lo thei si lova tih ang khan Godown siam thatna Programme hi a tlem deuh em maw ni chu aw!! ka ti a. Chu chu kan Minister in min hrilhfiah sela tih kha a hmasa in ka han sawi duh a.

Tin, a pahniha atan chuan Housing Demand No. 28-na Housing lai ahi, ka hriatchin ah chuan Pu Chairman Mizoram U.T kan nih tirh atangin State han nih hnu-ah pawh hemi H.B.A, a hnuah HUDCO tunah LIC te kan ti a, heng pek dan hi hrechiang ve in ka hria a. Aizawlah 1972 atangin ka awm ve tawh a, a kalphung hi hria in ka in hria. Khawi maw laia ti thei deuh bik tan emaw tih tur khan a kal mai a. Mah-se nikum atang chuan hemi Housing Scheme hrim hrim hi Mizoram ah MLA bial 40 kan neihah hian a cover

kim em em a, a tla rual em em a. Nikum anga hemi Programme Mizoraman a tlak rual kum hi awmin ka hre ngai lova. Chuvangin, kan Ministerin hemi Housing Scheme a kalpui dan hi tha ka ti tak tak a. Mizoram hmun kil ber leh hmun hla amite pawh, thingtlang mi tunhmaa beisei ngam ngailo, Sorkar hnathawk pawh nise an beisei ngam ve ta a, nei hi tha ka ti tak tak a. Kan Minister chungan pawh hian lawmthu sawi hi ba hian ka in hria a, chu chu ka han sawi duh a ni.

Tin, Demand No. 53-na Trade & Commerce hi Pu Chairman, Department thar, te tak te a ni a. Amaherawhchu, thingtlang loneimite, kut hnathawk mite humhim tur chuanin an security atan an thlai thar chhuah ve chhunte a hralhna lam ani emaw, thawnchhuahna lam ani emaw khang atan khan tunah hian Trade & Commerce kan hmang tangkai ta chiah a. Hei hi kan hlamchhiah loh a tha in ka ring a. Tun aia Trade & Commerce Department hi kan Sorkar hian a ngaih pawimawh chhoh deuh deuh a tulin ka hria. He Department kan ngai pawimawh kan tih hian a Department ai mah mahin thingtlang kut hnathawktute, loneimite kan ngaipawimawh tihna a ni a. Chumi rual chuan a Department pawh hian thingtlang hmarcha ani emaw sawhthing ani emaw, an thil thar chhuah a hralh dan, a licence pek dan leh eng eng emaw ah hian kuthnathawktute tan hian a hlawk zawng, kuthnathawktute hamthatna ang zawnga Department hian hma a lak chhoh zel hi ka duh a, tha pawh ka ti a. An hamthatna anih dawn phawt chuan hmingchhiat pawh tuar ngam mai rawh se.

Tun hmam sawhthing K₂ khat Rs.2/- pawha hralhna an hmu lova. Sorkar tharah chuan Rs.10/- ah a chho dawrh mai a. A hlawkna kha tunge tel ? kan tih chuan sawhthing chingtu, Zokhaw lama kuthnathawktute a hlawkna teltu an ni. An hamthatna a ni. Hetianga kan kalzel chuan Zorama kan per-capita income hi tun atanga rei vak lovah chuan kan san chho viauin ka ring a ni. Central lam ngaihah pawh, State dang ngaihah pawh, keimahni ram chhunga kuthnathawktute ngei ngei tan pawh incentive an neih pahin ka ring a. Chuvang chuan tuna an hmalak chhoh danah hian tang leh deuhlek hlawm sela. Kuthnathawktute phurna atan, tunhma aia an hlawk zawk nan tih kha ka sawi duh a ni e. Pu Chairman, ka lawm e.

Col. LALCHUNGNUNGA

: Pu Chairman, hei Demand hi a indawt deuhlek hian ka rawn sawi chho mai dawn a ni. A hmasa in

Civil Supply hi han sawi ila, hei nikum aiin kumin kan Budget hi lakh 3935.10 in a tlem a, hemi kan en hian a lungngainthlak ang reng viauvin ka hria a. Nikum lampang aia heti tak maia a han tlemta mai hi engnge ni kan Minister hian min hrilhfiah thei se ka duh a ni. Chuti a nih loh chuan heti khawp a tlem tun Budget anih si hi chuan, nikum a kan harsat dante kan ngaihtuahin, engtinge kan awm ang tih hi rilru ah a lian viau a ni.

Tin, chulo lehan chuan hei subsidy te hi a han tarlang a, BPL hnuai ami ten ration hi a chanve a lei tur annih lain nikum kum tluan khan engmah kan hrelova, hei hi hmun dang dang-ah chuan an practice na hi a rei tawh mai a, tunah buhfai Kg ah Rs.12.75 lai an tawh a. Heng Central Sorkar in direction fel tak arawn pek, State dang a an hman tawh si, engatinge Mizoramah hian kan hman theihloh, Mizoramah hian sum harsatna namenlo tawk hi an tam viau tawh a, tin an tan heng subsidy mirethei zualten an lo hmuh thin, a man chanve a an lei theihna tur hi engatinge siam vat anih loh ? tun thlenga siam loh hi a mak tak zet a, hei hi kan Minister zahawm tak hian engtik hunah nge heng hi min siamsak theih ang tih ahi vawinah hian ka zawt duh a ni. A wind up hunahrawn sawifel se ka duh a.

Tin, chuloah chuan hei kan buhfai chhiat zia chu vawi engemaw zat kan sawi tawh a. Nikum lamah khan kan Minister khan buhfai that lohna chhan hi kan man chhuak tawh a, tunah chuan buhfai tha kan ei tawn ang a ti a. Mahse tun thleng hian buhfai tha hi kan la ei thei ta lo a ni. Hei hi a lungnhiat thlak zet a. Heng buhfai chhiate hi kan kawla. Mahse, House a entir kher ngai lovin kan Minister hian min lo hriatsak mai selangin, Kg 10 hi han thap ta sela buhfai chhiat dan chu, ei tlak tak tak chu kg 6 chauh hi a chhuak thei a ni. Hetiang anih chuan pawisa tam tak an pe bawk si a. Engtinge miretheite hian an ration atang hian an nun tak ang. Chuvangin, hengte pawh hi tih that dan tur hi zawn phawt a tha in ka hria a. Kan hmuchhuak tawh anih si chuan, engatinge tun thlenga hetiang anga thil a lo awm leh tak ? kan hmuhchhuah dan kha a chianguang ta lo em ni ? Hmuhchhuah hnuah pawh khan thil engemaw awmin hetiang hian a lo chhe leh ta em ni tih kha vawinah hian kan House zahawm tak hi min hrilhfiah turin ka dun a ni.

Tin, Relief on account of natural calamities tih hi han sawi ka duh a. Hetah hian kan normal fund hi a tam ta hle a, lakh 790 lai a ni a. Nikumah khan 140 chauh a ni. Chuvangin, hengte pawh hi tianga a tam thei hi a lawmawm viau a. Mahse heng hi a lo tam chhan engnge ni ? Relief

on account of natural calamities tih a ni a. Hei hi engemaw chhiat tawh a lo awm emaw harsatna zual a lo awm a thil a tana dan a ni a. Hetah hian lakh 790 in lakh 140 atanga a chhohna ni engvang nge tih min hrilhfiah thei se a tha in ka hria a. Tunah engmah harsatna kan rman nian cnutiang anga mipuite tuarna tur thil a awm rhanpa lova. Mahse, hei awm tura ngaih nge ni a helai hi min han hrilhfiah thei se a tha in ka hria a.

Tin, other expenditure ah hian 1999 leh 2000 ah hian lakh 31 a awm a. Amah-erawhchu tunah hianin lakh 95 lai a awm a ni. Kha kha phék 471 ah khan a awm a. Hengte hi engtizhia nge ni ? nikuma 31 anih lai a tunah 95 a jump tak daih mai hi a let thum lai a jump hi engnge a chhan. Other expenditure tih hi engnge ni min han hrilhfiah thei selangin ka duh bawk a ni.

Tin, kan LAD Minister zahawm tak Demand hi han sawi leh ta ila, kuminah hian Housing thu ah hian mipuiin beiseina sang deuh kan nei a, kan MLA zahawmtak Sangau bialtu in a sawi ang khan thil sem dan kha a kairual lo deuh a ni ang chungah chuan mipui hian beiseina sang deuh nen an lo thlir a. Kumina kan fund hmuh hi hemi tana tangka hi nikum aiin a tlem daih mai a. Hei hi LIC te leh hmudang dang a lut kan hmuh te hi a tlem ta niin a lang a, mahse hei hi kan mamawh a ni. Kan hriat theuh angin mitin hianin kan mamawh a, in neilo tam tak kan awm lain hetiang Budget tlem ta pawh hi a tih leh dan pawh hi a awm lawm ni ? engtizhia nge tih hi ka zawhna a ni e.

Tin, chumi rual chuan kan sawichhuan leh duh chu Sorkar hnathawkte kan pek dan hi a mumal tawk lovin alanga, kan duhsak zawng zawng hi kan pe mai pawhin a lang lai a awm a, amah-erawhchu, hetah hian Sorkar hnathawk ten an seniority ang lova pek an nih hian an harsatna an nei a ni. Kum 10 emaw service an la nei tur ani tihte a ni a. Kum 10 chauhte la nei aiin kum tam tak nei zawkte kha lo pek thin a ni a. Khami avang khan tam takin harsatna an nei a, a then pheii chuan loan hi an hmu thei tawn dawn lo a ni tin kan hriat hian a hreawm em em a. Chutiang chuan heng kan ngaihtuah laite hian hetiang kan Sorkar hnathawkte kan peknaah hianin service neih dan ang a seniority ang hian kalpui sela ava duhawm dawn em ? political a kan duhsak ringawt pek a, political a kan duhsak ringawt mai kan ngaihtuah hian thil that lohna tamtak a awm a ni tih hi kan hriat a tul bawk a ni.

Tin, hei HUDCO atang hian lakh 38.50 grant angin Model village siam nan nikum khan kan hmu a ni. Chu chu kan Finance Minister kan C.M ni bawk speech atang khan kan hmu bawk a. Amaherawhchu, hemi Model Village Nuai 38.50 hmandan tur hi a rawn tilang lova. Ngeni an lo hmang zo tawh nge ni kan hre lova. Tuikual 'S' leh Tuikual 'N' te leh Nisapui te niin ka hria a. He pawisa allotment hi a lang lova, chu chu min hrilhfiah thei selangin ka duh bawk a ni.

Tin, a tawp berah chuan hei waviin niah hian, Fishery ah hian nikum aiin a tam a, a lawmawm viau e, amaherawhchu, heng Fishery kan tihdan te hi nikum ai chuan kan dah tam fu mai a, tuna kan kaldan hi chu a tawklo hle in a lang a. Keimahni kan rama sangha bazar a zawrh hi han en ila, a tlem tham em em mai a, nikum lampang ai chuan kum-inah chuan a tam a ni, tam pheih chu. Mahse, pawn lam atanga kan lakluh sangha a la tlem chuang lova. Chuvang chuan hengte hi titawp tak tak turin hmalak kan tum em ? tih hi kan Minister hian min rawn hrilh bawk selangin a lawmawm ang. Ka lawm e.

PU K. F. ROKHAW : Kan Minister
CHAIRMAN : te khan Memberte thusawi
kha ngun takin lo chhin-
chhiah sela, wind up na-
ah khan a point pawimawh zualte kha chu chhan ngei ni
thei sela, a tha viauvin ka hria. Awle, Pu Zira i
sawm ang.

PU R. LALZIRLIANA : Pu Chairman, ka lawm e.
Waviin a ka sawi tur hi
a tam ang reng a, ka han
sawi zung zung ang a, a
point te te-ah. Demand 38-na Fisheries-ah hian hei
kan ramah sangha khawitute an lo tam ve tawh a. Sor-
kar hian a cho phur thiam nge ni. A nih te pawh ka
ring a, kumin kumhlu November atanga March thla tir
thlengte pheih kha chuan Aizawlah hian nitin a lo
thleng ve tawh a. Amaherawhchu, a zawrhna lam hi an
nei thalo hle mai a. Sangha zawrhnaah an leng ve tawh
silova, phailam sangha zawrhnaah. Chuvang chuan kan
Minister hian sangha zawrhna hmun tha zawkte hi lo
pe thei dawn ta sela, a tha in ka ring a.

Demand 19-na LAD ah hian han kal leh zung zung ila, hei V/C Election lai khan Lungmuat khua ah intilanna a awm a. Pahlira chuan vote 116 a hmu a. Mahse, a aia hmu tlem zawk Lalruata kha tlinga puan a ni a. R.O chu Thanzama, Primary zirtirtu a ni a. Hei hian vote 5 a tin thih sak lui a, chu chu envelope ah thunin a P.O hi a chartir a, chu poling officer chuan chu vote chu a thi lo ani tih Chiang takin Pahlira hi a hrilh a. Chuvang chuan hei hi dan diklo tak a ni a, tribunal ah pawh a thlen a, mahse, lipuia thlak ang vang vang ani a. Kan Minister zahawm tak hian hei hi lo ennawn sela.

Tin, Demand 35-na Relief on account of natural calamities ah hian draught relief bawk kha cheng vaibelchhe 20 kan hmu Sorkar in a ti a. Pu Chairman, Vaibelchhe 6 leh a chanve chauh kha an hmang ani si a, khawiah nge vaibelchhe 13 leh a chanve kha a awm tih hi waviin niah ka hre duh a. Waviin niah ka hre duh a, waviin niah a tuartu mi mangang tam tak an awm a, hetiang hnenah pawisa hi thleng lova, engvangin nge pawisa hi hupbet reng nge an nih tih kan sawi duh a.

Demand 16-na Food & Civil Supply Department-ah hianin sawi tur ka nei a, nikum 1999 January-February chho velah kha chuan buhfai chhia FCI in minrawn thawn anih pawhin kan kir zel ang a chhia kan ei ngai tawh lovang an ti a. Petrol pawldal a ni a, a pawldaltu kan hmu a, kan man a petrol tha kan nei tawh ang an ti a, waviin ni ah chu chu a dik em kan tih chuan a dik lo tawp ani. Buhfai hi a chhia waviin niah kan la hmu a. A chhiat lutuk avangin thingtlang Godown tam takah chuan, thap fai turin waviin niah hian a inpuahchah mek ani tih pawh kan hria a. Heng hi kan hotu ten an tan lakna hi an ti tak lo deuh em ni ? chutih lai chuan buhfai a lo to chho leh a. Buhfai Kg 1 ah Rs. 9.55 ni thin kha waviin niah chuan a lo to chho leh a, Kg 1 ah Rs.12.72 a lo ni a. Khawnvartui 3.24 litre khatah ni thin kha, waviin niah chuan Rs.6.10 a lo kaichho leh ta a.

Tin, Gas bur khat Rs. 159.25 ni thin kha, waviin niah chuan Rs.207.35 ah a lo kai chho ta a ni. Mipui te hamthatna tur hi he Sorkar hian ava han hlamchhiah em em ve ? heti em em a tira Minister kan nih tirh a tan lak kan tumna te kha waviin niah hian kan theihngilh leh ta mai em ni tih ngaihtuahna min neih tir a. Ration a awm e tia information Centre atanga anrawn puante hian, waviin niah chuan mipui tam tak tan chuan lungngaih dar ri thangvelte leh buaina tinreng rumri ka hriatte hian Congress Sorkar min ngaihzuat tir thin an ti dawn a ni.

Peace Bonus kan sawi chhuak in tih in tih ai hi chuan buhfai mante hi min tih tlawm sak rawh u. Mipuiin kan tuar lutuk Peace Bonus atan helaiia a hniam ang hian min lak tir ve rawh u inti dawn lawm ni ? MPC te pawh chutiang bawkin chu chu kan Ministerte hian in ngaihtuah lo lutuk a. Vawiin niah Ministerte leh M.L.A te hlawn a pung ta a. A tam ta em em a, miretheite awmdan tur kan hriatpui pha tawhlo anih hi.

Demand No. 53-naah hian kal leh ta ila, he Department hnuaiah hianin dan eng eng emaw an siam a. A rit zawngin, mipuite hamthatna ngaihtuah hlek lovin a rit thei ang berin an siam a. Sawhthing, hmarcha, chawhchhi, la, aieng-ahthe pawh hian Sorkarin Kg khatah pawisa 25 a la zel ringawt te pawh hi a diklo hrim hrim. Hetiang hi kalphung thar chu ani dawn em ni tih min ngaihtuah tir a ni. Sawhthingte pawh, vawiin niah a rate a sang zawnga a kal tur an khuahkhirh tlat a. A hniam zawnga kal tur an khuahkhirh hi chu a awm kan ti. Mahse, a sang zawnga a kal tur an khuahkhirh tlat hi tha kan ti lo.

Vawiin ni a tender tuna kan hman lai mek hi Ni 4.12.'99 ah khan chhuah a ni a, ka sawi tak thlaiah te khan. An tender chhuah chu a tha khawp mai. Mahse, an tender chhuah atang reng khan chanchinbu pakhatat chauh puanzar turin an ti a. Chawh lai hlir a in nang chhova, tender-ah chuan, successful tenderer chuan Rs. Nuai sawmhnih security deposit ah a deposit ang tih a ni a. Nimahsela, an han thlang ta a. Security deposit ah chuan cheng Nuai sawm zawk an ti leh ta a. Kum 1999-2000 tan ani a. Chung chu thlahnih chhung lek an han ti kha, thla hnih chhung pawh chu duhtawk lovin tender hmanni lawk-ah an han ko leha. An tender agreement ah chuan a tha khawp mai. Zing Dar 7 atanga 11 thleng, agreement ah pawh hna an thawk ang a, hemi chhung hian an buk ang a. Thlai neitute hi ni hnih chhungin an tihfel sak ang a, an thlai man an tihfel sak vek hnuaah, aman pawh chumi chhung chuan an pe fel vek ang an ti a.

Tin, hemi chhung hian an eimante pawh Contractor hian an pe vek ang an ti. A hralhna tur pawh Bagha ah nilovin Vairengte ah ani an ti. Amaherawhchu chu thu lawmawm tak chu in bumna mai mai ani, chu chu dawt vek, hetiang hian pakhat mah an ti lo. Kar khatte, kar hnihte, rei tak tak an bat sak ani, pawisate pawh hi, a hralhna pawh Vairengte ah nilovin, Bagha ah bawk an zu hralh leh ta ani. Chuvangin, hetiang thil lo thleng ta zel hi Sorkar a khing peih apiangin an rawn khing ta a, tichuan Pu Zalawra'n a rawn khing ta a, "Sorkar a ka Tender chhan dan chu '99-2000 ani a, kumkhat ani a, mahse,

Agreement-ah thla hnih chung an ti a. Thla hnih pawh nilovin Ni 40 lekah Tender min koh sak leh a, chutianga nung awmsa reng tender min koh hnan leh a" tiin Sorkar-ah a dik loh zia thu a sawi a, "Hetianga hian thil tih dik loh ka nei lova, Lalrawnlia ang hian chhiah pawh ka la lova, gate pawh ka siam lova, Sorkarin min tih dan hi a dik lova ni" a ti a. Chutiangan, High Court in a ngaihtuah ta a. Sorkar thil tih dan hi a dik lo ani" a ti a. Sorkar thiam loh a chantir a, Pu H. Zalawra chu thiam a chantir ta a ni.

Chutianga ang bawh chuan Pu Lalchhanhima chuan Sorkar a han khing leh ta a. Fundamental Right kan neih hi, he Sorkar hian a palzuta a, chuvangin, Constitution Article 19-301 leh 300 te tlawhchhanin he Sorkar hi a khing leh ta a. Chu chu High Court-in mipui dikna ngaihtuah tum zelin a ngaihtuah a. Sorkar bawh thiam loh a chantir leh ta a ni. He Department hian Dan siam chawp diklo takin mipuite hamthatna an rapbet a, a hman apiangin Sorkar an khing a, an thiam zel tawh mai a ni. Chuvangin Pu Speaker, helai thilah hian ngaihtuah tur Sorkar pawhin ingaihtuah chhuah tur a nei reng ani, tih ka'n sawi duh a.

Tin, Gas distributor ruat chungchangahte hian thil fello a awm a ni. Kan House Leader, Chief Minister, zahawmtakin Gas connection Nuai khat a zu sawichhuak a, a lawmawm em em a ni. Amaherawhchu, a hmangtu Department, Supply Department ten an lo tih dan a dik lo, Gas distributor pangngai an appoint lovin, Sub-distributor an appoint a, chung an appoint chuan vawin a Aizawla kan leina ang hian thingtlang miten an lei thei dawn tawh lo reng reng. A man helai atanga an phurhna tur an chawibelh dawn a ni. Saitual-ah Aizawl angin an lei thei dawn lo. Chutianga chuan thingtlang khaw tam takah hian a ni ang. A pangngai agent, distributor hmun 25-ah consumer ten an duh ang hian siam sela, Aizawl nena kan leina a pangngai vek dawn a ni. Hengte hi mipui zah lohna, mipui rahbehna a ni.

Chu Chairman, Gas bottling plant te pawh hi nei ta ila, vawin ni ang em em hian a to chho dawn lo a ni. Vawin niah Sorkar hmasa ina an lo bawhzui tawh, a hmun leh hmate pawh an lo lei fel vek tawh hi hmalakna a awm lo lutuk. Vawin niah hian Lungleiah te petrol a awm tawh lo. Diesel a awm tawh lo, engtizia nge ni hengte hi? Vairengte a petrol deposit naah khan petrol te hi engzat nge awm vawin niah hian hriat kan duh a ni. Tiang chuanin Gas cylinder vawin niah mipui ten an han la a. Jas a awm emaw an ti a, tui hliir tam tak vawin niah chuan an return a. Kha an return a kha a

man pangngai, tiang chuanin, MIZOFED-ahte, hmun dangah-
te hian Gas an han la a, tui an thunkhat ringawt a, an
han chhi dawn a, Gas a lo ni si lo a, an return leh a,
chu an return a chu a dang la leh thei mai lovin a
man pangngaiin a dang an la leh thei chauh a ni. A
man kha Rs.207 a man pangngaia kha an chawi thlawn
ta a ni. Hengte hi Sorkarin engtin nge a tih dawn ?
vawiin niah hian petrol pawlh dalah khan Gas kan
pawlh dal ta thung nge ni ? petrol pawlh dala pawh
chu a fresh tak tak kan hmu bawk si lova, thil chhia
chi tinrenga hi vawiin niah chuan kan hmu khawm ta, a
pawi tak zetin ka hria a. Pu Chairman, heng zawng
zawngah hianin tunge mawhphur kan tih chuan nichina
ka sawi ang deuh khan hetiang ang kan hmalam Sorkarte
pawh hi min ngaih zual tir lutuk ang tihte pawh a
hlauhawm deuh a, theihtawp chhuah turin kan Minister
zahawm takte ni ka han ngen a ni.

PU L.N.TLUANGA

: Pu Chairman, ka lawm e.
Civil Supply chungchang
thu ah a bikin Gas con-
nection ka sawi duh a.

Nikum April 7-ah kan C.M. zahawm takin Petroleum Minis-
ter hnea a sawi chhunzawmin Gas connection thar Nuai
1 min rawn pek an tiam a. Chumi zarah chuan Mizoram a
waiting list 5600 awmsa pawh pek fel vek tura ziak
a ni a. Chumi bawhzui chuan kan State Government a-
tang pawhin Lunglei bialah khaw 24 Distribution area
atan earmark a ni a. Aizawl bialah khaw 21 lai dis-
tribution area atan earmark a ni a. Chumi Distribu-
tion thar a awm dawn tih hria chuan mi tam takin kha
hna kha beiseiin an vir huai huai a ni. Gwauhati
thleng tawk an awm a, Delhi thleng an awm a. Gas a-
gency hi hna tha tawk tak anin avangin an ngaihven
em em a ni. Chumi thawm hria chuan Gas Agent Distri-
butor nei tawh sa ten mithar pe suh u, keimahni min
pe mai rawn u an ti a, an dil ta a. Mi hausa tling-
khawm Aw chu a ring aniang, an buk a rit aniang,
hmar biala 21 te, Lunglei ah 24 te, extension area
tana an ruahman zawng zawng chu Distributor awmsa
hnenah extension a pek turin ruahman mek a ni a, an
ti fel tawh em ka hre lo. Mi tam takin Agency hmu
thar ve sela, a tha ngawt ang. Kan hriat angin, zan-
khua in gas lak tumin kan nghak a. Khawvar hmam kan
intlar a, a hautak zia kan hria. Kan Sorkar chuan a
dil tharte aiin agent lian tawhsa duhsakin extension
pek an tum ani. Hemi Petroleum Ministry in leh IOC
in guidelines a siam mek hian extension area pel
tur chuan Km 50 aia hla ani lo tur ani tih a inziak

vek ani. Extension an pek tur chu Zawlnuam Km 200 chuang, Saitual te, Darlawnte, Km 50 pawn lam vek ani. Thingsulthliah chiah hi Km 50 in a huam a ni. A dang zawng chu Km 100 chuang vek a ni. Dan in an phalloh bakah in duhsakna in Distributor nisa extension a pek turin an ruahman a ni. Ka hriatdan chuan Phaileng, Mamit, Kawrthah, Zawlnuamte chu Zopuii Gas Agency pek belh atan. Zawlnuam, Darlawn, Kawnpuite chu Neihkunga Gas Agency pekbelh atan. Tin, Thingsulthliah, Tlangnuam, Tlungvel te Biakkungi pekbelh atan chung an pek belh tumte chu Dan in a phut 50Km aia hla lo nisela a tih chu Thingsulthliah tih loh chu a aia hla vek a ni.

Tin, Saitual bialtu Member zahawm takin a sawi tawh ang khan hemi distribution area atanga extension area a an phurhna tur rate hi a mak khawp bawk mai. Hemi a final an siamah chuan "State level Co-ordinator in emaw District Magistrate in emaw a rate a fixed tur ani" an ti a ni. Nimahsela, hei Mizoramah chuan kan Director in a fixed a. Chumi cylinder pakhat phurhna man tura an fixed chu kan sawi mah nang a, W.Phaileng 105 Kms ah cylinder pakhat phurh man Rs.63/- Mamit ah Rs.67/- Kawrthah - Rs.86/- Zawlnuam-Rs.98/- chutiang zelin Thingsulthliah 50 Kms atan chuan Rs.50/- chu chu han puntir ila. Thingsulthliah 50 Km chu an phurh dan pangngaiin Cylinder 300 han phur sela, Rs.15,000/- a ni. Chu Rs.15,000/- chu mirethei cylinder neitute chawitur vek kha a ni. Heng an ruahman atang hian a hausate hmuh tur nasa takin a pung a ni. Mirethei Gas dawngtu ten an chawitur a va sang em ! Mizoramah Motor lian hiring rate te chu a awm a lawm le. Zawlnuam a wawikhat kala an hlawn tur chu Rs.29,400/- a ni. Chu Rs. 29,400/- chu miretheite thawkhawm-tur ani. Engatinge District Magistrate aia te lo ten a rate fixed tura an tih laia keini chuan kan Director ten an fixed mai le ? heng ngaihtuah hian kan rawngbawlnaah hian mipui te rawng kan bawl a. Distributor te pawh hi a ngai ring zel lovin a dang duh ten pe ve sela, heng phurh mante pawh hi siam ve sela. Engati nge hleihhluak em em a mihausate tel tur kan ruahman le. Ka lawm e.

PU J.LALTHANGLIANA

: Pu Chairman, wawiin a Demand neitute Minister 2 te kan sawi dawn a, a pawimawh ve ve an ni a,

Pu Aichninga :Demand Civil Supplies te hi kan nunna zawmtu buhfai chungchang thu leh Civil Supplies a ni a. Democracy rama pawimawh tak V/C Local Administration thute kan sawi dawn a. A hmasa a ka sawi duh

chu, Civil Supplies sawi hmasa ila, nikum a MNE & MPC Sorkar dun hkan Patnian malsawmna kan dawng ka ti mai thin a. Regional Party kan Sorkar hian Buhfaia buaina hi a tam mai a. Nikum khan buai nuaih lovin Kudam kil-khawr ber pawh a khat deuh vekin kum kan hmang tluan a, Minister thahnem ngaihna avang pawh aniang. Kha kha kei ka lawm em em mai a, amarawhchu, thil pakhat nikum a buhfai supply kha a tam lutuk a, tunah hian kan buaipui ta ani. A chhia a, a tha a awm vak lova, thingtlang ahte kan thap tira Kg 10 thapin Kg 6 ahte a tla a ni. Sorkarin sum kan hek phah leh bawk a. Hei hi kan Supply te hi uluk taka co-ordination neia kan mamawh tawk hi hriat thiam a tha hle in ka hria. Chumi avang chuan sum tam tak kan senbelh, kan sengthlawn ta kha paw ka ti em em a ni. Chu lo lehah ka'n sawi duh a chu, hei BPL te tan, buhfai man chanvea pek tur, kan ti reng a. Ka hriatsual loh chuan vawiin ni thlengin kan la pe thei lova. An mangang em em mai a. BPL list hi tunge maw siam dawn le ? tih kan han zawt chuan Civil Supply lamah chuan, kan hre bik lova, Sorkar in a siam ang a, kchumi chu kan pe turah kan ngai a. BPL list hi a la Chiang kuang lova. Kan pe thei lova ni tihte a awm a. Hei hi Sorkar hian hmanhmawh sela, buhfai man a to tawh lehngah a, tunah hian, aman chanve a dawng thei tur, miretheite hian dawn an nghakhlal em em a. Chungte chu ka'n sawi duh a, engtinge neih thuai dan hi hmanhmawh a tulin ka hria.

Tin, chulo lehah chuan, buhfai man a pung ta a. Kha kan Member zahawm tak tak te saw Rs.12.75 a kai chho ta a, tunlai chuan mirethei harsa zualte an phun nasa em em a. Hengte hi, kan Sorkar thil tithei tak tura ngaih hian, Rs.2.75 te hi chu, miretheite hnen atang hian subsidised mai sela, Rs.10 te hian pek zia a awm dawn lawm maw ni le ! Peace Bonus-te kan ti ta sa sa, miretheite hnenah Electric bill te khawnbelh a, tuiin turte chawi san tir a, chubakah chhiah tam tak lak belh kan ti si a. Chu chu Peace Bonus anih ai chuan, miretheite hnenah Rs.2.75 hi, engtin emaw, subsidised theih dan hi ngaihtuah ila a tha awm khawpin ka hria. Kha kha ka'n sawi leh duh a.

Tin, Miroramah hian Public Distribution System hi a tha pawl tak ni awm hian chanchin buahte ka lo chhiar thin a, a lawmawm hle a ni. Retailerste hmangin Thingtlangah hmuntinah ration buhfai kan sem a. Chubakah chuan chini leh khawnvartuite kan sem a, a lawmawm hle a ni. Tha taka kan tih zel thain ka hria a. Hengahte hian a tling leh a tlak leh a thate hian heng hnate hi chang sela, chu chu Minister kha kan ngen duh a, thil pakhat ka rilru na em em chu Serchhipah khian Thathanga K.Oil Dealer No. 11 nikum September 30, '99 khan appointment pek a

ni a. Engkim a tifel vek a, deposit a dah a. License fee a pe fel vek a, Rs.1030. Hna a thawh hauh hmain Ni 13 Oct. '99 a dealership license hi an cancell leh ringawt mai a. Officerin hotu lian hnenah a cancell leh ringawt dan hi kan nei love a ti chung-in an sawidan chuan dan awmlo hmang chuan cancell rawh tih order a hmu a. Tichuan, an cancell ta a. Hengte hi thudik anih chuan a pawl ngawtin ka hria. Public Distribution System India ramah a tha ber pawl kan nih lai hian politicalised lo ila, a tling leh tha ti thei awma an ngaihte hian ti mai sela Party Politics hi lut lo sela tih kha kan sawi duh a ni.

Chulovah chuan Natural Calamities chungchang thu hi kan sawi duh a, kar hmasa deuh mai khan Mizoramah lir a nghing thuai dawn e tih Govt. Press atangin an chhuah a, mipui a barakhaih khawp mai a. India hmarchhak Mizoram tel hian Earthquake Zone Area kan nih hi chu kan hria a. Kan mi-thiamten an sawi reng a, kan hria a ni. Amaherawhchu, engatinge khati em em a, mipuite tithlabar zawnga thu kan chhuah kha pawl ka ti a. Calamity lo thlen huna ruahmanna kan nei silova, hmanlai P.C Sorkar laite kha chuan ka hriatsual loh chuan voluntary organisation hmangin Natural Calamities chungchang thuah inbuatsaihate Home Guard te hmangin ruahmanna a awm tawh a. Khangte kha ti thar leh law law ila, a insawi thaih zawng ni lovin, a inbuatsaih zawng hian hma la chak ila, a tul hlein ka hria a.

Chulo lehan chuan kan Demand dang hei LAD Demand No. 19-an sawi duh ka nei a. V/C Village Council Democracy ah a pawimawh ber niin ka hria. Khawtin in awpna hi a pawimawh a. Tin, hman pawh kan hmang thiam thawkhat e. Mizoramah hian V/C hi, amaherawhchu, Village Council hi an hlawh a tlem em em mai a. Fiamthu in an ti thin a. V/C hi pawisa hmang dik tak a awm theihloh ani ang a, a chhan chu milian va kal nikhua in ruai emaw chawhlui lo kilpuite an duh a, chuvang chuan pawisa an indaihlo em em a ni.

MPC leh MNF kan thawhdun lai khan V/C dan kan siamtha a. A tha hle in ka hria a. Nomination te kan han paih a. Elected hlirin mipuite thlan lal ngei hian rorel rawh se kan ti a. Lungrual takin kan ti tlu a. Tichuan, V/C member te pawh an lo tlem ta deuh a ni. Ka lo beisei danah chuan MLA te hlawh kan tihpun hma hian V/C member te hlawh hi kan tipung turah ka lo ngai a. A chhan chu anni hi Democracy a a chain pawimawh tak chelhtu an ni a. Chumite chu pawisa hmang dik hlei thei lova kan dah chuan kan Democracy vantlang rorelna pawh hi a derthawng thei a ni.

Chuvang chuan Minister zahawm tak khan min lo note sak sela, V/C memberte hlauh hi i tipung hram teh ang u khai. Tunah hi chuan pawisa hman dik hlei thei lovin kan dan ngawt mai a. Aizawl an lo kal ve a ngai a, an lo kal ve a, mirethei te te an ni a, harsa te te, sum an nei lova, engemaw development pawisa atang tein hman lo theih loh changte a awm a. Chuvang chuan kan V/C memberte hlauh hi Budget ah hian, kan Budget hi a la mawlmang deuh a, revised estimate te ala awm ang a, tihpun ngei ngei tha in ka hria. Keimahni min thlang tlingtute vek thlan tlin kha an ni a, a area a zim deuh mai ani. Chuvang chuan an zahawm em em. Min thlang tlingtute vote khan an thlang tling ve a, kan in ang ani mai a. Min thlangtlingtute vek anni a. Chuvang chuan hei hi ngaih pawimawh ila ka duh khawp ani.

Tin, chu lo lelah chuan hei, Demand No.28-na Housing-ah hian ka han sawi duh a chu hei Sorkar hnathawk HBA te kan ti tawp a. HBA LIC te kan han ti a. Hei hi kan ring ta mai ni awm tak ani a. Hei hi sum pawh a tam a, a la tam zel turah ka beisei a, a chhan chu LIC te hian kan rulh that phawt chuan sumdawng mi an ni a, ve thova. Sorkarin mawh a phurh hi chuan puk an la phal zel turahbeisei ila. A pun pawha pung viau tawh a ni.

Helala kan sawi duh a chu, nichinah Member zahawm tak ten an sawi tawh a. Sorkar hnathawkte kan pek dan ahi kan politicalise ta lutuk em ni aw ka ti a. Entirnan, tuna kan pek dana hi chu kan ngaihmawh zawng zawnga hi kan pe ta mai a ni a. Anniah hi chuan eng emaw seniority, kum 10 service an la neih loh hi chuan an dawng thei tawh lovang tih a awm si a. Sorkar hnathawk hlauh tlem te te an ni a, tam tak hi chu, entirnan, an seniority ang hian pe dawn ta ila chuan, nakum chuan ka dawng ve ang a, chumi atan chuan ka lo inbuatsaih ve teh ang. Nakumah Housing loan te ka la ve thei ang a, tih an lo hriat. theih chuan an tan pawh a tha ang. Department te thuneihna hi kan laksak ta lutuk a. Engemaw chen tal hi chu Department Head te hian thuneihna hi nei ve sela, an Department-ah tute nge senior, an thawh rei tawh avanga la thei tawh lo tur, bar mai theite an awm chuan, khangte kha duhsakna hunte awm sela. Tichuan hei hi a tangkai zawnga kan hman theih ka beisei a ni.

Pu Chairman, tawite ka'n sawi leh duha chu Fishery hi ka tui em em mai a. Sangha sa hi ka duh bawka, tawite kan sawi teh ang. Fishery a kan tanlakna hi a tawka lo hlein ka hre mai a. Fishery Department hi kan kawmchhakah an awm a, motor an nei ve a.....

PU C. THANGHLUNA

: Pu Speaker, Demand No.
6 Civil Supply kha han
sawi hmasa ila. Civil
Supply chungchangah

hian nichin-a Member pakhat sawi ang khan nikum lamah
khan kan Minister khan mipuite ei senloh khawp hialin
Civil Supply buhfai kha a stock a, a lawmawm hle a.
Harsatna kan tawk lo hle e. Mahse, helaia ka sawi duh
chu he Civil Supply Department ah hian thil fello tam
tak a awm a. Kan Minister hian hei hi a hria nge hre
lo ? A thawktu a Department a thawktute engemaw zat
hi pawisa sen vak ngai lem lova, nung thei chhawmdawl
theih an nei a. A vanneihthlak hlein ka hria.

Mahse, chutih rualin
buhfai man chungchangah thil tha, buhfai a that hle
chuan aman pawh to nise a awm a. Mahse, nikum atanga
Mizorama buhfai supply chhe em em a awm a. A tha leh
a chhe em em man inzah tlatah hian mipuite hian rin-
hlelhna nasa tak a Department ah hian an nei tih hi
an inhria em aw ka ti. A chhia leh a tha man inang
reng mai, a tha na na na chu a man a tam pawhin a awm
a, a chhe em em mai, a tha ber man zat ni ve tho si
hi mipuite hian he Civil Supply Department hian mipui-
te hi min buma, FCI ah a chhia man tlawm
takin an lei a, a tha manin mipuite hi min lei tir si
a. Mipuite hian man dik lovin kan lei ani tih hi an
ngaihnan ani tlat a ni. Chuvangin helai hi kan Sorkar
gen in enchian a pawimawh em emin ka hria a.

Tin, Sorkar hnathawk
hlawh a lo pung a, hlawhte pawh alo tha hle tawh a.
Mahse, chumi rual rual chuan Mizoramah hian chungkua
~~tam tak~~ chungkuaah Sorkar hna pakhatmah thawk velo,
chungkua mirethei tak tak engemaw zah an awm a ni.
Sorkar hnathawk hlawh a lo pun tak vang em ni ? eng-
vangin nge buhfai man hi kan Sorkarte hianin lo tih
to leh tak vak vak ? tunah Rs.12.75 a lo ni ta a, Rs.
12.75 ah Sorkar hnathawk awm ve reng reng lohna chung-
kua inah buhfai han lei hi chu a harsa ta em em a ni.
Chuvangin, mirethei zawkte dinhmun hi ram roreltute
hian an ngaihsak fo loh chuan rorelna dik leh fel a ni
tak tak thei lo. Miretheite dinhmun levelah thil hi
thlir fo a ngai a. Chulaiah chuan buhfai man a lo pun
danahte hian a mak em em a, a pung sang ta em em a. A
tha hi chu pung rawh se a awm e, a chhia pawh a tha
ber man zah thova lei a ngai si a. Chulaiah chuan mi
rinhlelh he Sorkar hian a phur tlat a ni tih hi in
hriat a pawimawh a. Kan Minister zahawmtakin nikuma
he Supply Department ah hlep awmlahna turah ngaihna crores
10 lai hlep angah a han insawi pheih kha chuan mipui tam
tak khan a man diklovin mipui min lei tir a, an hlep
reng ang chu an ti mai a ni.

Tin, Member ten an sawi tawh ang khan Central Sorkar atanga buhfai kan leina chungchangah hian miretheite leh tlema awm thei deuhte thliar a ni a. Mirethei zawk BPL hnuai mi tena Sorkar buhfai an lei dan tur chu a man chanve a lei tura tih an nihna hi a rei tawh a ni. Prime Minister Deve Gowda hun lai atang tawh khan a ni. Mahse, Mizoram Sorkarah hian engtizia nge, sum leh paia kan harsatna avang hian em ni, mirethei ten an chanvo tur anga buhfai hi an lei theih tlat loh ? tun thlengin, Kg 1 Rs.12.75 a an lei a la ngai tlat mai hi, miretheite hma ngai tak tak tu tan chuan a man chanve a an lei theihna tura chawh chhuah a work out tawh a ngai a ni. Kan in mawh-puh a, Poverty line ami tur list la buatsaih fellow a ni tiin kum tam tak a kal a, buhfai chu a to in miretheite kan lei tir reng a. Hei hi miretheite hma khaw ngaih lohna a ni. Kan Sorkar ten hemi ah hian hmanhmawh taka in tihtur hi in tih vat vat a hun tawh a ni. Chu chu miretheite tana in rawngbawlina a ni. Chumi in tih loh chuan mi tam tak hetiang rate hian ka lei thei ta lo, ti a chaw nghei, mualpho an awm thuai dawn a ni.

Tin, chubaka ka sawi leh duh chu buhfai hi hmuntinah phurh a ni a. Heng a phurthu, carrying Contractor an ni a, helaiiah hian buhfai phurh manah hian kum 1-ah Nuai 1400 te dah a ni thin a. Mahse, he Nuai 1400 hian buhfai phurh man hi a zahve pawh a daih ngai lova, nikum a carrying Contractor ten an buhfai phurhna bill pawh kuminah hian an la la reng reng lo ani. Tun Financial year dawnah pawh khan sanction a awm reng reng lo. Chuvangin, bill la thei lovin tunah hian an awm vek a, an thawh kumah carrying Contractor te hian bill an la thei ngai lova. Chuvangin, he buhfai phurh bill hi a daih tawh tur hi Carrying charge a phurh man daih tur dah hi a theih lawm ni tiin kan sawi lang duh a, he Sorkar hian tunhmaa an chak lohna laite pawh Pu Chairman, tlemte Sorkar hmasate lo chak lohna lai anih pawhin hei hi tun Sorkar hian tha zawka a tih theihna turin kawngkhat talah chuan ruahmanna tha zawk a buatsaih thei lawm ni tiin ka han sawi lang duh a.

Tin, Kudam tinah hian Transport te an awm a, Transport te an indaih lo em em a, motor a lo thlen tam deuh phei chuan a lo load thlak leh a thawh chhuah lampang kha a harsa em em thin a ni. Mihring bawh an ni a, an tan a hahthlak em em a, buhfai rit tak tak han phurh reng mai a kha a hahthlak lutuk a ni. Vawiin ni a Supply Kudam in kan mamawh ber a chu weight bridge hi a ni. Hei hi dah a lo nih theih chuan a lawmawm hle ang a, Department a thawktute a chhawk zang viau thei ang. Hemi hi Supply of materials-ahte a tel nge tel lo ka hre lova. Kan

Minister khan nakinah a wind up hunah min hrilhfiyah thei sela a thain ka ring a. He weigh bridge hi Kudam tinah hian dah zel nisela chuan Transportte pawh an indaih thei deuh ang a. A ziaawm deuhin a rinawm a.

Tin, hemi cooking gas chungchang thil man a to pawhin heti em em a vawi leh khata han to ta thut hi chu a to nachhan hi a kalman kan Sorkar tena a rate in fixed san lutuk avanga lo to ta thut ni hian a lang a. Khawpuihte chuan gas hmang deuh vek an nita si a. Hlawh neive miahlo pawhin gas kan hmang thova. Hlawh neite tan chuan a ziaawm deuh pawh a ni thei e. Hetiang em em a gas bur lo to ta, nichina an sawi tak ang khan thenkhatahte phei chuan tui thunte a lo awm leh ta zel a. Hei hian mipui harsatna a thlen em em a. Hengte pawh hi en that a tha lawm ni ? tiin ka han sawi lang duh a ni e. Ka lawm e.

Dr. LALZAMA

: Pu Chairman, hun min pek ayangin ka lawm e, Demand No.16 na Food & Civil Supply atangin

han tan lawk ila, a hmasa in Budget kan enin kum hmasa lam aain a hniam hret mai a, engati nge ni aw ka ti a. Hei hi a changtu Minister zahawmtakin han sawi lang sela a tha in ka ring a. Kan ram intodelhna turin Sorkarin hma a la a, kan intodelh hma si hi chuanin tan lak hi a ngai viau-na a ni a, helai Food & Civil Supply hi nichina ka hma ami ten an sawi atang pawh khan intodelhna tura kan Sorkarin hma a lakna a hlawhtlin hun tak tak kha a nghakhlelhawm hle in a lang a. Vaibuh chaw lut tam thei ni lovin, chawkluh hi tlem tial tial tur khawp hian buhthar chhuah hi tam thei sela, chutiang chuanin kan ram hi inher chhuak thei sela, tih min ngaihtuah tir a. Vaibuh chawkluh duh miah lote hian mahni thar chhuah hi kan ramah a awm theih hlan hi a nghahhlelhawm khawp mai.

Tichuan, a phurh man eng engemaw chutiang khatiing chu carrying bill te pawh bat pek loh Nuai 700 chuang tihte a awm lo tur tihte ka lo ngaihtuah a. Chuvangin a lehlahmah chuan mipui hi kan tanruah that a, ei leh bara intodelhna tak tak tura, kan ramah hian hmasawna kan beih theuh hi a tul zia a lang viauin ka hria a ni.

Tichuan, nichina kan ngaihthlak ang khanin Agriculture lam atang pawh khan hman kumah za a 40 vel chu Mizoram hian kan thar chhusk ve a, buhte pawh tih kha report a ni a. Mahse, khang kha i ring teh ang hmiang han ti dawn ila, a awm chuang reng reng lova. Chutiang chu kan ni fo thin a ni a. Chuvangin, kan rin tak tak theih tufa vawiin niah hian buh thar chhuahte, Ei leh barte hi a ngaihpawimawh awm hlein kan hria a ni. Tichuan, hei tun hnaiiah Mizoramah buhfai a tam viau va. Amaherawhchu, a tha tawh lova, tihte kan hria a. Buhfai tam tihte pawh kha a lawm-awmin ka hria a, a chhan chu kundang leh tunhma a fiamthu titak deuhva an sawi challan-fly te hi a tam a, an tih thin ang kha. Sorkarin chak takin hma a la a, kan quota kha a lo tam khawp a, kha kha a tak taka a lo luh leh chuanin buhfai kan lo ngah a ni awm tak a lo ni a. A mak hle mai a, buhfai a lo tam ta viau mai thei kha a lawmawm a. Heng hi Sorkar hma lakna ropui tak mipui ngeiha kan chhawrna tam tak kan intodelhna pawh ani thei awm e. Chu chu Sorkar hma lakna lawm-awm hlein ka hria a.

Tin, kan sawilan duh pakhat chu kar hmasaah pawh ka sawi ang khan. Department hian ram an nei a, Food & Civil Supply ramte pawh saw ka bial chhung Zuangtuiah sawn a awm a. Tin, LAD ramte pawh a awm a. Bung Bangla ahte pawh, LAD ram pawh a awm a, heng Department ram hrang hrang ram tih chian leh chin fel thuai hi a pawimawh hle in ka hria, a chhan chu engemaw harsatna neuh neuh mipuite nena inkarah a awm duh khawp a, LAD ram niawma ngaih laite, ni leh lo deuhthe, chutiang chu khawimaw lai laiah a awm thin niin ka hria a. Tichuan, hei Revenue changtu zahawm tak pawhin bill pawh arawn pulut a, tihian, dan fel zawkte pawh hi kan siam chho thei zel dawn ni pawhin ka'n beisei a. Chuvangin, Department hrang hrang hian vawiin ni a kan Demand han sawi atang pawh kan han hmuh LAD, leh Food & Civil Supplies te pawh hian hmun hrang hranga Land lease te pawh nei se, khami zawng khan hma la sela, a tha khawpin ka ring. Tichuan, chhiahte pawh pek ani ang a. Sorkar kalphung fel chhohna zel niin a langa, chu chu kan tarlang duh bawh a.

Tin, Pu Chairman, Bulletin Part II a tarlan Relief on account of Natural Calamities tih kha, helai hi Budget bu ami nen a inang lova, a eng zawk hi nge dik tih kha ka rilru a in zawt a. Nuai 146 tih kha a ni a. Budget bu ah khan 147 tih a ni a, engpawh nisela helaiiah hian kan sawi belh duh chu Relief on Accounts of Natural Calamities tih a ni bawh a. Natural Calamities avangin harsatna kan tawh fova, kan ramah duh angin tanpuina pawh hi

kan inpe thei lo a ni a, kum hmasa lam pang ai hian hei hi a han voh theih deuh lawm ni tih kha ka zawhna a ni a, hmun hrang hranga harsatna tawkte hi kan chhan chhuah theihna turin, a tul hle in ka hre bawk a ni. Leiminte kawngchhiate, in leh lo chhia te nichina kan ngaihthlak ang khan lirnghing turte pawh a awm anih chuan a rapthlak hle mai thei a. Kan ramah pawh. Eng-pawh nisela, kum hmasa lam aia tha zawka, Sorkarin a tanpuina a pek theihna turin, henghi han vulh theih deuh nise chu a tha awm mang e tih chu kan tarlang duh a.

Tin, hei Trade & Commerce lamah hianin hmalakna pawh a awm ve a. A lawmawm khawp-in ka hria a. Nichinah khan, Sawhthing chungchangte pawh kan han ngaithla a, tunhmain Rs.2, 3 te pawhin an lei a, a thenahte phei chuan ngai leh ngai kha ava kual leh a. Motor number kha an va thlak a. A ngai bawk kha ani e te an ti a. A tak tak leh tak tak lo chiah erawh chu ka hre lova, mahse, sawifo ani a. Chutiang a leikhawlte chu a thenfai leh nan tenderte kha kon a ni a, khatih hun lai khan. Amaherawhchu, tunah sawhthing pawh Kg ah 10.50 tihte Rs. 10 chuangte pawhin ani chhova, a chi leina tur, a chi 1qtl dah thei chuan Kg ah Rs.5/- ang zelin Loan pek tur ani ang. tihte hi Pathian malsawmna kan dawn ropui tak aniin ka hria a. Bangladesh nena insumdawmna tur chungchangah pawh kan Sorkarin hma a la a. State Sorkarin a thuneiha vawrtawp neilo mahsela hengah pawh hian hma kan sawn chhoh ka beisei a ni a. Thlai chi hrang hrang sawhthingte, hmarchate, chhawahchhi te, aiengte pawh Sorkarin a thawkchhuaktu tena a hralhna tha zawk rate tha zawka an hralh theihna tura hma an lakna hi lawm-awm ka ti a.

Pu Chairman, ka'n tarlan leh duh chu, Demand 19-na LAD a ni a, LIC atan hian Government Employees tan Vaibelchhe 36.96 kha Loan pek anih thute kan hmu a ni a. Nikumah khan Vaibelchhe 36.96 tih kan hmu a. Tunkum hian vaibelchhe 15 in a pung thung a. Hei aia tam hian a dil chhuah theih lawm ni tih kan rawt bawk a ni. LAD atanga ka'n sawi lan leh duh chu ka bial chhungah hian khua siamthar in tam tak, Durtlang ahte, Ramthar veng leh Vengthar lamante hian a awm a, khua leh in tam tak, nghet taka awm rei tawh, hman atanga awm vek tawh anni a. Chumi karah chuan Step siamna tur, a ram neituten inthawh tawmin ruahmanna an siam vek tawh hlawm a, engemawti ti in bawngtuthlawh ten an siam hlawm a. Step tha cement a siam tur a tam em em mai a. Chung atan chuan kumin kum tharah hian a bik tak pawhin Durtlang Ramthar te leh Vengthar tihate khian siam loh hlir ala ni mai a. Uar zawk leh tam zawk deuhhlek a min ngaih-tuah sak turin a changtu Minister ka'n ngen duh a ni.

Tin, Pu Chairman, pakhat ka'n sawi leh duh chu sangha khawina dil siam tihte pawh hi Sorkarin a tum ani a, tihte kan ngaithla tawh a, kan hre tawh a. Sangha dil siam mi engemaw zat an awm ve a, mahni sum seng ngatin, privatisation-te pawh kan uar ta sa sa a, hlawhtling zawka an lo tih ve zel theihna turin Block-wise ni chuang lovin a tihpuitlin leh tanpui ngai hi tanpuina pek tha in ka hria a. Ka Bial chhungahte ngei pawh chutiang chu mipakhat pawhin hlawhtling takin a siam a ni e. Siam hlawhtling chho mek, tanpuina pek awm takte pawh an awm ve a. Amah-erawhchu, a Bial leh Block in chhawkin Department ten hma an la niawm takte pawhin a lang a. Chutiangah chuan sangha a intodelhna kan ram pum in a neih theihna turin heti zawnga tan lak hi a tul hle in ka hria a. Chu chu hemi Fisheries Department atang hian ka'n tarlang duh bawk a ni e. Ka lawm e.

CHAIRMAN
(PU K.T.ROKHAW)

: Hei 5 minutes kan la nei
a. Dar 1 hi chawlh a ni
a. Chu chu 5 minutes hi
pek belh mai ila. Dar 1 :

05 ah hian chawl mai ila a pawl em ? hei 5 minutes kan
la nei a. A nih leh Dar 1 a ri dawn hnai tawh a. Chuan
Dar 2 : 00 P.M ah kan lut leh ang a, i chawl rih phawt
mai ang u.

Meeting adjourned 1:00 P.M.

C H A I R M A N : Discussion kan chhunzawm leh ang a, Pu P.B.Rosanga i sawm ang.

PU P.B.ROSANGA : Pu Chairman, ka lawm e. A hmasa berih Demand No. 19-na Local Administration-ah hian Village Council remuneration lawmman hi nikum Budget aiin nuaih 3 velin a hniam a, hei hi V.C Member te tih tlem anih vang ani mai thei a, kan V.C te hi an hah hle a, an duty leh an mawhphurhna zawng zawng han en hian engatinge kan tih tlem tih hi kan sawi duh a. Tunah hian V.C President in RS. 350, lawmman ah thla 1-ah kan pe a, kum 1-ah tum tam tak Aizawl dawr turin an lo kal a, chubakah khawtlang a an mawhphurhna hlen chhuah nan tam tak an seng bawka. Tunah chuan V.C.P te Rs. 1000/- tal Renumeration-ah hian kan pek a hunin ka hria a, he sorkar thar hian kalphung thar siamna atan pawimawh in ka hria a. An dinhmun leh an nihna han en mai hian tuna kan enkawl danah chuan corruption a invite hrim hrim a, an mawhphurhna han en hian. Mipui vantlang chanvo ami an ngaltha zut nan a hman te, a tul fo thin. Chuvangin, V.C te lawmman hi chu tihpun a hun tawh ani. Hei, hi khawngaih takin kan Minister changtu ten lo bawhzui sela. Nikum lamah kah ti thei lo te tih tawh nak alaiin, Member kan ti tlem tawh a, chuvangin an lawmman lam tih pun ve hi chu Sorkar mawh a niin ka hria. Hei hi hmalakna atan a pawimawh a.

Tin, V.C chung chang thuah chuan, tun tum V.C thlanah khan ka bial Hrianghmun khua-ah harsatna kan nei a. Electoral Roll chung chang thuah an buai viau mai a, inthlan pawh an inthlang ve thei ta lova. Khitah khian thil fello tam tak a awm a. Central YMA hruiatute pawhin an hria a, hei pawhin ka hria a, rawtna chi hrang hrang kan siam a, mahse, chu chu vawiin ni thlengin kal tlang a awm lo a ni. Khi roll-ah khian ramdang mi engemaw zat khung an awm a, kum tling lo engemaw zat khung an awm a, roll a awm sa kum tling si, mihring la awm bawka si, paih ringawt an awm bawka a, chutiang niah nuaih chu khi roll-ah khian a awm a, chu chu kan Minister zahawm takin (la inthlang lo an ni bawka a) lo enfel sela, a thain ka hria. Tin, kan veng Kanaan Veng Roll pawh khia a chiang kuang lova. Kanaan Veng chung a mi si Vaivakawn Roll a awm kawp, Kanaan roll a awm tho si te an awm a. Tin, Kanaan Veng chung a mi si Chawnpui roll a awm te an awm a. Hei pawh hi khawngaihtakin kan Minister in lo chhin-chhiah se, a pawimawh hle in ka hria.

Tin, Demand No.19 ah khan -
Hei eng head atang berin nge ni Thingtlang khaw hrang hrang a khawlaia step kan siamna hi ka'n en thin a, ka chhui fuh thiam lova. Engpawh nise, ka sawi duh chu khawtin deuh thaw-ah step siamna grant te kan pe a, contract in tender te siamin (tender te kovin) tichuan hna pek an ni a, a tlangpui thuin hetah hian mihring hleih neihna a tam hle tih hi chu thil chiang nise. Chu aia pawimawh zawk erawh chu heng hna te hi thawh an nih leh nih loh pawh fin fiah miah lovin payment hi siam ani thin a. Hei hi chu department lam pawhin lo chhinchhiah hram sela, tunhma a an tih thin angin works anih puawt chuan appointment an siam hmam an hnathawh kha an thawk tak tak em tih kha Department in finfiah tawh thin sela, pe lo hnena pek mai hi mihring moral in tihchhiatna anih avangin kan ram tan thil pawh a tling a pek tlak chu pe sela, thawklo pek thin erawh hi chu tih tawp hram nise a tha in ka hria.

Demand No. 29-na Urban Development kan han sawi duh chu, khawpui chungah hian veng chheng chhe deuh leh hnufual deuh te enkawlna turin 'Slam-area' development plan a awm a, a fund kan hmuhna hi kan Budget en hian budget-ah a lan loh avangin Central Sponsored Scheme a niin ka ring a, ka experience atangin ka sawi duh chu, tun financial year kalta ah Khan Kanaan Vengah hna 6 pek a awm a, chumi zingah chuan a hmam full payment pek vek a ni a, an execute hna an thawh tak tak tawh chu pakhat chiah a ni. Hei hi chawp leh chilha verify ngam a ni. Hetianga tangka sum tam tak hi moral in tih chhiatna a ni. Tun hnuah chuan final payment tih hma hian Department te pawh hian technical staff te endik tir sela, thawklo na na chu pek loh ngam se a tha in ka hria. Hemi head-ah hian ka sawi duh a.

Tin demand No. 16-an Civil Supplies, tun boruakah hian engatinge Buhfai man te hi a san lutuk, essential commodity ho hi, hetah hi chuan kan state sorkar hian kan mipui rethei tawh tak leh sawrfu tawh tena chaw nghei lova Ration an lak-na tur kawng dap tha in ka hria, kan hriat lar em em BPL te tana, tangka sanction a awm thu pawh hi kan hria a. Vawiin ni thleng mai a, kan sorkarin hemi a la implement thei lo hi a pawh ka ti tak zet zet a. Hei chu mi retheite in ngaihthahna, miretheite palzutna a tiingin ka hria a. Ani lo berah chungkaw singruk, singsarih Mizoramah hian mirethei chungkua kan awm a. Chung mite chuan Ration rate man zatve a la thei turin kum hndh kun thum kaltaah Central sorkarin engkim a ruahman a. Chumi atan chuan kan state sorkar hian tangka pawh a hmu ngei tawhin ka hre si a, vawiin ni thleng mai hian, heng

implement thei lo ka ni te hi chu, a mualpho thlak, mi rethei te ngaihthah kan ni tih, a ti langin ka hria a, chuvangin, khawngaih takin, hei kum kalta te kha chu, a bichilh e kan ti anih pawhin, kum puitling kan liam tawh a, kumin te hi chuan hengte hi chu a takin, miretheite'n a an hlawkpui theih tura, hmalak a hun tak meuh meuh tawhin ka hria. Chuvangin, hei hi chu tih puitlin nise, tin, chubakah Central sorkar atangin drough relief te pawh tangka tam tak kan hmu a. Heng atangte pawh hian mirethei ten a, chaw an ei ve theih-na tura subsidised dan kawng hi kan State sorkar hian zawng ve sela, tin, chumia remchanglo anih pawhin, eng e maw ti zawng pawhin Budget Head thar siam dante pawh mi State-ah te pawh an lo tih tawh tho anih avangin, heng kawngte hi chu kan zawn loh chuan mirethei ngaihthah sorkar kan ni ang tih hi Pu Chairman ka hlau tak zet zet a. Chuvangin heng tlemte te hi vawiin niah ka'n tarchhuak ve duh a ni e. Ka lawm e.

PU VANLALHLANA

: Pu Chairman, ka lawm e. Tawite tein vawiina demand hi han sawi ve ka duh a. A hmasa berah chuan demand 19-na hi

LAD chung changah hian thil hlui mah nise nikum thil kha ka'n thlir kir thuak thuak duh a. Hei V/C term kha a hun a tawp hmam tihtawp a ni a. Inthlan pawh thla nga lain sawn hma a ni a. Khatiang kha a thleng tawh ngai em ? ka hre lova. Amaherawhchu kha April, kumina thlan tur nikum December a inthlanna buatsaih a nih khanin Mizoram a nghawngna viauvin ka hria a. A hmasa berah chuan tangmal sorkarna a lo chhe ta a. Tin, V/C dessolve vek a lo ni a. Chutih rual chuan R.D atangin sum tam tak sanction a ni a. Vawiin thleng-in House chungah kan buaipui angte a thleng a ni a. Chuvangin kha V/C Election a hun dik tak ni lova a hun hmaa sawn hma khanin Mizoram pum hi, mipuia pawh hi min nghawng nasa viauin ka hria. Chu chu kan tarlang hmasa phawt duh a ni. Local Administration hnuaiah hian kan sawi thin a, Session hmasaah te pawh kan sawi tawh a. V/C kan nei a, Village Council chu chuan khawtlangah rote an relin dan leh dunte leh rorelna thu chhe rem thlengin an khawih a. Amaherawhchu, tunah hian kan hnam hi India ram pumah hian Literacy Percentage sang ber kan lo niin kan khawhawite pawh a lo sang ve tawh a. Aizawl angahte leh khawpui kian tam takah te chuan V/C ringawt hi chu kan tawng khawp tawh lova, V/C court, V/C thurem theitu a nihna ang Power phei chu exercise a ni ta lo reng reng mai a.

Khawchhungahte phei chuan Court lian zawkah High Court-ah te tlan a ni zel zawk a. Chuvangin inrelbawlna fel zawk tak thianghlina kawngah te, kawng hrang hrangah kan neih theihna turin municipality municipal corporation hi neih ve a tha hle in ka hria a. Chu chu nikum lamahte pawh khan kan sawi tawh a, kan Minister hian a remchangah putluh a tum thute pawh a sawi a. Amaherawh-chu tun Session-ah chuan engmah kan la hrelo chu ani phawt mai a.

Tin, a dawt lehah chuan hei, LAD hi a function pawimawh tak leh mipuiin a kan hriat lar takah chuan Loan semtu ani mai a. Housing loan te an sem a, sorkar hnathawkah HBA te an sem bawk a. Chung pawisate pawh chu hmundang atangin pukte ani ve zel a. Hemiah hian ka han sawi duh a chu sorkar hnathawk ten HBA an dil thin a. Sorkar hnathawkte'n a loan an lak hi khawvel a loan hlauhawm ber a niin ka hria a. Thlatin an sorkar hnathawh atangin an rul thin ani a. Tunah a sang tel a sing telin an dil a, chutah pawh chuan tlemte, tunah hian hei kan hriatdanin mi 3000 vel earmarked niin kan hria a. A sing chuvingin an dil ani a. Chuvangin a dil zawng zawng hi loan in pe mai ila in leh lo tha te an lo din ve ang a, a ruh leh thu-ah problem a awm silova, chuvangin hemi a hi company dang atang te pawhin pawisa hi tam deuh zawk puk a, a mamawh ang zawng zawng pek hi a tha in ka hria a, chu chu LAD chung changah hian ka han sawilang duh ani.

Tin, Demand No.35-naah hian kan hriat tawh angin Draught Relief nikumah Prime Minister hnenah kan dil a, crore 20 lai min pe a chutah chuan crore 6.5 semchhuah tawh ani a, District tinah. A la bang crore 13.5 a la awm a, eng angin nge hman anih dawn tih hi sorkarin engmah ala puang lova, Draught Relief Fund anih angin nikumah khawkheng tuarte hi relief nan sorkar hian a hman lemlo niin a hriat a ni. Khaw tam takah chuan nikhat inhlawhna te a buatsaih a. Chu chuan a relief lemlo ani. Chuvangin serthlumte a chhia a, balhla te, lakhuihtheite, kan thlain nasa takin a tuar bawk a, chungah chuan a effected person ate kha an hnathawhnaah lakhuihtheite, balhla te, uar zawk leh tha zawka a an neih theihna turin tanpuina hi pek awm takah ka ngai a. Chuti ndlovin a khawtlang BPL inhlawhna ang deuhin sorkar hian a kalpui a, chu pawh chu crore 6.5 chauh ang hi ala ni leh nghal a, a bang anga hi chu kut hnathawktute hian hnianghnar taka an hman theihna turin sorkar hian sem chhuak se ka duh hle mai.

Demand 16-naah hian nikum lam atang khan 'Buhfai Chhia' tih hi chu a thunawn a ni mai a. Vawiinah pawh a chhia tih hi kan sawi leh ngai bawk a ni a. Hemi chung changa sorkarin a hmalakna lar tak nikuma kah hriatloh kan hriat thar taka erawh chu,

sorkar chuan Buhfai chhia zawng zawng kha Kudamah a thap-fai tir tih kan hre ta a, a thapfai avang a tha thar thut ta chuang baw si lova, chuvangin, engangin nge sorkar hian hmalak a tum? Minister ngei pawhin Buhfai chhia a hria a, chuti a nih chuan Mizo mipuiten kan chan ve theihna turin thapfai ringawt ni lo hian, a chhiatna lai chhana te pawh kha hria aniawm a sawi a ni a, chuvangin hemiah hian nasa leh zuala tan lak a tha khawp mai.

Hei, tun hnaiah Mizo mipui-te rethei tawh chung chung, Buhfai te, K.oil te, Gas te, a lo to leh ta a. Hei hian nasa takin Mizo mipui min nghawng leh dawn a, kan hmabak hi a lungngaih thlak dawn viauin ka hria. Chuvangin, heng tuna kan Buhfai a to hma pawha a tlan harsa ngawih ngawih, Employment Assurance Scheme atanga kan inhlawhfakna atang kan tlan anga te a man a lo to ta hianin Plain Citizen tan chuan eng angin nge kan khawsak dawn tih hi sorkarin mi a ngaih-tuahpui a ngai viauin ka hria a. Hei, BPL-ah, chumi hma-in, Drought Relief atangin crore 13.5 anga te pawh ala bang a nih chuan, heng atang hian min subsidise thei lawm ni? Engemaw chen chu kan Buhfai te hi min subsidise sengin, tichuan mirehteit ten a man pangngaiin kan lo khul ve ang a. Chu chuan kan harsatna nasa tak hian a su kiang dawn a ni.

Tin, BPL. ka hmaa sawitu sawi ang khan, BPL quata ti mai ila, civil supply-a miretheiten a man tlawma an khul tura hi less payment fo hi a mak riau a, hei hi vawi tam tak sawi tawh niin ka hria a, tin, hemi chungchanga kan sawi kai duh chu Department hrang hrangin BPL an neih hi tha in ka hre lova, Civil Supply hian an la nei lova, an siam anga, R.D in BPL an neih baw a, Electric-te pawhin an nei ang, tin, Education te pawhin Text Bu a thlawna pek BPL chin te an nei a, Department hrang hrangin BPL an neih hi a thalo in ka hria a. Chuvangin Below Poverty Line Family hi chu pakhat awm mai se. Hei hi Department zawng zawng hian ring mai se. Buhfai mar tlawm khul tur a nih chuan a khul mai ang a. Tin, BPL hnuai inhlawhfakna turah pawh a ni hlah mai ang a, School Text Book te pawh pek tur a nih chuan a pe mai ang a, Power te pawh a thlawna dawng tur a nih chuan a dawng mai ang a, BPL Department hrang hrangin an neih hian thil a ti buaithlak a. BPL hi heng Department a Concerned ho hian inco-ordinate in, mumal takin, nei sela, tichuan mi retheite hi nasa leh zualin a chhawkin an hmasawna tur kawng pawh a sial thuaiin ka ring.

Tuna kan kal danah hi chuan BPL in anglo tak tak an awm ta nuaih nuaih mai a. Khawi chhungkua mah kha khaiding a si lovin, a zarzotu an tam ting tih ang deuh khan a kal a. Chuvangin hei hi hlawh-chhamna hmawr niin ka hria a. Central atang pawha mi rethei ngawih ngawih te chhanchhuahna tur thil a ruahman anih angin heng mite hian zarzo sela tha in ka hria.

Tin, nichūnah HBA leh Housing loan chung changte kan sawi nual a. Nikum lamah Mizoramah a kairual viau a, a khawte ber thlengin, sorkar hnathawkahte pawh zarzote an awm zel a. Tun tumah hian zar an zo kim dawn em ? Heng HBA mamawh thingtlang khaw kilkhawra a mite hian an dawr em tih hi kan hrechiang ngam ta lo deuhin ka hria a. Ni-kuma kim taka thingtlang mi a mamawh zawng zawngte hnena semchhuah theih a nihna chhan kha MLA tlem anga zawngte mi an Recommend tir ve a, chung avang chuan an hmu nitein ka hria a. Kuminah hian chutiang chu a awm lem lova, specific takin Minister atangin chutiang chu Recommend tur ang tih ang kha hriattirna te kan dawng ve lem lova, chuvangin, tunah chuan a rual dawn leh dawn loh-te hi ralkhat thlirin kan thlir a, kan chiang ngam lo ani. Henga hi a mamawh ngawih ngawih thingtlanga awm te pawhin an duh ve a. An in leh lo din ve theihna turin a bialtu angate hi chu Recommend kan tihtir leh diat diat se chuan nikum angin kokim takin Mizoram pum hi a dapchhuak thei ang tih ka ring tlat a ni. A Housing Loan angate pawh hmun hrang hrang a miten an hmu theihna tur Board Member ruat chung changah te pawh Party Proportion angte pawhin a kal an ti tak na a, a Proportion lo deuh hlek a, Hengte hi tlema han zia thei chu nise, a lawmawm khawpin ka ring. Ka lawm e.

PU H.LALTANPUIA

: Pu Chairman, ka lawm e, a hmasa bera kan sawi duh chu tun Inrinni zan khan ka fapa Venghlui Biak Inah a zuk inkhawm

a. A lo haw khan a nu Buhfai man a to em ni ? a rawn ti a, kei phei chuan ka lo hre lova, engatinge ? kan han ti a. Biakinah Buhfai man to lutuk tihtlawm dan tur (a sawi thiam danin) tawngtai rualnaah a Subject pakhatan kan hmang a rawn ti a. Chuta ka rilrua lo awma chu Buhfai man to chung changah helai keimahni State in kan duhthusam reng kan Minister pawhir a duhthusam reng anih a rinawm lova, Central atanga a lo kaldan ani lo thei lova, ka fapa chuan a rawn sawi tlat ani....I mutthluk hlan ani mei thei ani.. Pu Chairman engkim mai budget hrang hrang, Department hrang hrang hi han sawi dawn ila, hei budget bu te thleng hian sum kan indaihlo, sum indaih loh wangin question pawh han siam ila, sum indaih loh vang tih kha a ni vek mai a, Pu Chairman. Amaherawhchu mipuite hnena kan sawi dan a hi sum chu a tam tih kan sawi leh bawk si a. Helai House chhungah Member ten kan han zawt thliah thliah a Department hrang hrang te, thahnem ngaihna avangin, amaherawhchu a tawp a kan hmu chu sum kan harsatna avang a ni tih kha a tawp chu a ni leh ruai mai thin si a. Chuvang chuan budget bu atanga han en a han zir pawh hi a phurawm lemlo in ka hria a. Amaherawhchu MLA te kan nihna laiah kan ngaihtuahna ang te han sawi ve ka duh a. Hei Demand

No.16-na Civil Supply-ah chuan food subsidies tihah hian tun kumah hian Non-Plan-ah Rs. 348 lakhs an dah a. Chuan nikumah khan Non-Plan-ah hian Rs.723.50 lakhs. Tichuan 1999 - 2000-ah Rs.723.50 lakhs. 1998 - 99-ah Rs. 745.68 lakhs. Nichina kan sawi tak ang khan hetiang ang em em a Buhfai man a lo to tak siah chuan kan State sorkar hian food grain-ah hian subsidy hi tan lak kan tum lo. A hma kum 1998 -99, 1999 - 2000 te zawng zawngah khami Non-Plan-ah ringawt pawh khanin Rs. 723 lakhs kan dah anih si chuan tun kan harsat, buhfai man a rawn to thar tak si-ah hi chuan, Non-Plan-ah kan dah hi nuai 348 chauh a ni a. Chuvangin plan nena nikum lampang leh tun kum lampang kan belh chhuah chuan cheng nuai zathum sawm sarih panga leh point sawmga-in nikumte kum hmasa lamte kan phak lo tlat mai a. Buhfai man lo to chho tawh bawk si nen Pu Chairman hei hi revised estimate kan tih hunahnte pawh kan sorkar hian a lo ennawn/enngun leh zual tha in ka hria a.

Tin, Pu Chairman Andra Pradesh ah te pawh centralin a ti to a nih pawh Andra Pradesh ah N.T.Raomara-a hun lai khan Rs 2/- policy khan Election Campaign naah an au a ni. An tling a, Rs.2/- per Kg in mipuite hnenah distribution PDS retailer-te hnenah an pe chhuak leh ta a. Ammahni State-ah mipui rethei zawkte tana a that zawk dawn chuan an subsidy teuh teuh mai a ni. Chutiang subsidy teuhna dan kawng chu kan sorkar hian tun Biakin-ahte hial tawngtai rualnaah te hial a lo tel takah hi chuan, Zoram pumpui a te ber atanga a lian ber thlenga a nghawng tur thilah hi chuan kan rilru leh ngaihtuahna hman a pawimawh em em in ka hria a.

Tin, Lungpho bialtu in a sawi ang khan nikum lamahte draught relief kha nuai 20 kan hmu a, mahse nuai 20 kan hmu kha demand No. 35-naah vaibelchhe 20 kan hmu ta a. Nikumah khan Relief & Rehabilitation Minister zawhna a chhanna ah 6.50 crores hman a ni a ti a. Chu chu Budgetah a rawn reflect ta a, 6.50 crores kha. A bak 13.50 crores kha khawiah nge aawm tak? Kha kha kan Minister zahawm takin a wind-up na ah min rawn hrilhfiyah se. Tin, khang pawisa kha hmun dangah kan la hman lo anih chuan heng Buhfai man subsidised nan hian Pu Chairman, a hman theih lawm ni tih kha ka sawi duh a.

Tin, Village Council lawmman chung chang hi sawi leh ka duh a. Hei hi tihpun ve hi an phu ngawih ngawih tawh a. MLA te lawmman pawh a pung tawh a tih kha ka sawi leh duh a ni. Tin, Village Council inthlanna system hi a dik tawh tawh lovin ka hria. Riging hi a tam em em a, kan democracy inngahna lungphum he V/C election-ah hian, entirnan, kan hre theuh ang a. Candidate engemaw zat kha kan ak lut a, kan duhna bawmah kan thlak a, a duh lo chuan an rawn ak chhuak a, an hralh thin a ni. Chutiang chu tun V/C thlanah pawh nasa takin a awm a. Chuvang chuan heng Assam hun laia kan hman

V/C inthlanna atana kan hman Assam Autonomous District Constitution of District Council Rules 1959 Rule 128-ha hmang a he dan a ni siam niin ka hria a, hengte pawh hi keimahni Mizoram sorakar hian dan kan siam thar thei tawh lawm ni, a election kan conduct dan a hi vote kan thlak system(dan)a hi kan thlak danglam loh chuan mipui-te vawiin niah hian kan Democracy inngahna bul phum a hi kan ti chhe zo dawn tak meuh meuh a ni. Chung te pawh chu Pu Chairman, thil pawimawh tak niin ka hria a.

Tin, chulo lelah chuan Municipal Board te pawh kan sawi kan sawi thin a, kum 1999 ah khan a draft a kha chu kan siam zo tawh niin ka hria a, khangte kha eng angin nge bawhzui zel a nih tih kha Municipal kan neih vat loh chuan Pu Chairman kan Aizawk khawpui heti hi a ni a, a pawimawh tak zet zet a ni. Tin, Trade & Commerce chung changah hian kan sawi leh duh chu hei eng ang pawhin intodelh hi tum thin mah ila, thlai eng ang a tam pawh thar thin mah ila, ka sawi fo thin angin, hak tur kan duh a, T.V kan duh a, Radio kan duh a, khami leina tur kan thlai tharchhuah man man taka kan va thlengna tur Market and Trading hi vawiin-ni thleng hian kan la siam tha lo mai a; hei kum khat a ral ta a, Congress hunlai chung zawng zawng U.T kan nih atanga State kan nih chhoh thleng hian Foreign & Border Trade piah lamah hian India ram chhunggrilah hian trading market a hi kan phun ngheh a ngai tawh tak meuh a ni. Vawiinni a kan sawhthing hralh dan system a te hi chu thil tlo a ni lo reng reng a ni. Hei hi chu khulai Bagha mi hausa pali panga in an tih danglam thut thut theih tur a ni, chuvang chuan Calcutta hmunah eng ang nge a pipeline kan dah? Tin, Delhi-ah a pipeline eng ang nge kan dah. Bombay-ah pipeline tha tak kan phum ve a hun tawh em em a. Chuti anih loh chuan Pu Chairman thlei thar hralh dan hi a long term lo a ni. Policy mumal tak kan neih a hetiang kawngah hian kan sorakar hian hma a lak a pawimawh em em. Nakumah Bazara hralh leh dan tur ringawt kan rilruah hian awm lo se tih kha kan sawi duh a. Tin, vawk vulhna hmunte pawh hi mahni compound duh duhna hmun laiah hian vulh loh a tha, a in sak loh a tha. Hengte pawh hi kan LAD lampangte hian an subject niin ka hria. Kawngpui atanga rimchhe phak tawk chinte leh a nal, a ek thli kawnga luang thei ang chi te hian vawk inte hi sa talo ila. Tin, ran talhna hmun hi Pu Chairman, kan siam ngei ngei a va ngai ta em !! Chuvangin engpawh nise Pu Chairman, khatah khan kan duh tawk mai ang a. Engkim hi han sawi thin ila pawisa a awmlo tih anih zel thin. avang hian riltu leh ngaihtuahnaah, rinna leh beiseinain kan nung a tih deuh ang bawkin, beiseina leh rinna neiin. ka rawn sawi anih chu. Ka lawm e.

PU LALTHAN KUNGA : Pu Speaker, ka lawm e. A bul atang hianin kan kal thla ve deuh zawr zawr mai ang a. Hei Food & Civil Supply demand 16-naah khan kan buhfai rate te a lo to ta an ti a. Hei lai kan tih to a nilo tih chu a sawitu pawh khan a hre thova. Tin, India ram pumpui huapa kha thil kha lokal anih avangin Delhi tlangah a tih tlawm dan tur chu zu dil mai chi te pawh anih mai awm kha maw, Biakinah nilovin. Pu Chairman, Food & Civil Supply chung changah Khan K.Oil hi Mizoram quota atan metric tonne 675 kan dawng thin niin a lang a. Hei hi tun dinhmunah chuanin kan hriat dan a sual loh chuanin census projection-ah khanin 2000-ah hi chuanin Mizoram a mi nuai 9 aia tam zet zawt awm turah ngaih a ni a. A tak tak chuan projection aia tam ziah a, chuvangin maktaduai khat kan tling hnai dawnin ka ring a, kan tling hial tawh ang a, chuvangin mi nuai 5 vel kan nih lai ami hetiang anga, a pangngaia awm reng mai hi kan kham ta lo em em mai a.

Chuvangin Central lamah pawh hei hi nawr pun dan awm se a tha viau in ka ring a. Tin, a point-in kan sawi zung zung ang a, Member 1 khanin a sawi hi tawhin ka hria a, kan godown te hi ruahtui a far emaw tuihawkte emaw a luang luh theih chuan buhfai kha a that ngaihna a awm lova, hei tun tumah pawh kan experience-a thapfai ngai khawpin a lo awm a, khang lo pawh kha ngaih pawimawh atan a tha viau in ka hria.

Tin, carrying contractor te hian retailer te hnenah hianin an pe kim ngai mang lo niin an sawi a. Hei hi chu enfiah atan a tha khawpin ka hria, a chhan chu thingtlang lam a effect sual bik a, chuvangin hei hi chu thil fel lo tak niin a lang a ni.

Pu Chairman ka hma a mi te sawi ang khan hei ration buhfai pek dan chung chang thuah pawh BPL family te atang hian a man chanve kha sorkar ruahman dan niin a lang a, chu chu GAD lampang mawhphurhna a ni deuhvin ka ting a, BPL tak kha chu engpawh nisela, ration lam kha a rawn effect avangin a rang lama tihfel atan a tha khawpin ka hria a.

Hemi Relief on Account of Natural Calamities nilo Social and Security and Welfare demand 34-na ah khan sawichhuah chi tur a ni em ka hre lova. Hei hi hmun thumah a awm avangin kan hnam sipai boraltate Memorial Stone hi phuisui deuh hreta buatsaih a nih theihna turin hemi kawngah hian hma kan lak chak a ngai viauin ka hria a. Hei kum 1 leh a chanve dawn lai kan kal tawh a. Chuvang chuan hemi kawngah hian Supply Minister-in a chan lamah a tihtur chi nge nia phei chu ka hre lova.

Tin, Demand 35-na ah khan Relief on Accounts of National Calamities tih a ni a. Khatah khan hei drought relief te pawh kan han hmu a, khata tang khan sawhthing chi hi Pu Chairman, pek theih dan kawng awm hram sela, sawhthing hi immediate-a Thingtlang lama mi harsa leh rethei zawkte kan chhawk zang-khai theihna tur atana thil tha ber mai a ni tih chu hei a lang reng mai a. Chuvang chuan kha kha ngaihpawimawh theih nise a tha viau-in ka hria a. Trade & Commerce chung changah khan. Trade & Commerce-ah pawh hian kan hmalakna a tha hlein ka hria a. Hei Mizo tena kan thlai thar chhuah te man man zawka hralhchhuah theihna chance kan nei chho theih phah zel a. Amaherawhchu, duhtusam chuan Trade Exploration hi tun aia ngawrh zawk deuh hret hian nei thei ila, Mizoramah sawhthing mai chang ni lovin hei Aieng te a tha duh em em a. Thil dang dangte pawh tam tak a awm ang a, kang ang kha tam ve thei lo, leichhe ngam bawk si heng te hi awmze nei deuh taka a hralh theihna tur kawng kan dapchhuah theih chuan Thingtlang mite an lo dinchhuah theihna tur atan sawhthing ai hian nasa takin aieng hi a tha dawn a ni tih kha a lang rengin ka hria a. Chu chu Food & Civil Supply Demand chung chang thu a huapah khan ka han tarlan duh chu ni mai sela. Sawitur a tam em em a. Hei tunah chuan Mizoram mipuiin Buh pawh kan hnianghnar ta hle a, a dik taka a lo kal takah chuan Supply hi a thla a kan quota te pawh lak loh hial khawpin kan hnianghnar chho ta a, lawmawm hle in ka hria. Tin, tuna kan hmalakna tur atan Principal distributing system te sub-centre kan tih te pawh siam belh turin kuminah hian peihfel ani dawnin a lang a, hemi kawnga Department leh Minister te thahnem ngaihna hi ropui hle in ka hria a, Mizoram mipuite tan a thlamuan thlak tak zet ani tih kha kan tarlang tel duh bawk a.

Tin, Demand 38 ah khan kan kal leh dawrh ang a, Fisheries-ah hian. Hei fishery ponds hi kan han siam chho tan neuh neuh a, hmanni-ah te pawh zawhna leh chhannaah te pawh an tarlang a, heta tawite ka han tarlan duh chu area-wise deuh hlek a hemi Sangha dil hi a siam dan tur kan ngaihtuah chu a ngaiin ka hria a, khawimaw laiah awm thurh. ringawt mahsela, a sem darh lehnaah khan a harsa em em dawn a, chuvang chuanin Sangha a kan lo intodelh theihna tur atana area-wise deuh hlek a awmze nei a fishery pond ni kan siam a tha awm mang e tih ka ngaihtuahnaah a lo awm a, a siam awlsamna hmuna tih theih kha a tha ber em tih chu ka ngaihtuahnaah a awm deuh ani. Tin, LAD-ah khan kan lut zui nghal mai ang a, a hmasa bora kan tarlan duh chu hei Mizoram hmun hrang hrangah khawhmun nghet taka luah V.C hei lo an awm deuh thluah mai a, chu chu kan department lam hian ngunthluk takin ramri te pawh felsa vek, khatiang ang luah leh tak khawthen khat te hi chu V/C pek leh dan kawng hi, ngaihtuah ran atan a tha viauin ka hria a. Hei ka bialah chuan Sunhluchhip te ang khi In 70 dawn lai chu an lo ni ve chho ta mai a,

V/C nei lova an han awm kha a buaithlakna lai a tam em em mai a. Chu chu tawitea han tarlan kan duh a chu a ni a.

Tin, Pu Chairman India laipui leh MNF te thuthlung ang khanin Mizo Customery Law leh Civil leh Criminal dan, Customery Law anga kan inenkawl na te hi, India parliament dan engmahin a ti danglam thei lovang tiin special provision-ah kan dah a. Administration & Justice Rules tuna kan hman Amendment vawitam tak kan siam tawh hi 1953 ami kha ani a. Tichuan tunah hian Autonomous District Council huam chhung Aizawl khawpawng lamah Aizawl District leh Lung- lei District te kan lo awm tawh avangin India Dan pui Amendment 73-na Khan Panchayati Raj-a hi nei turin kan sorkar pawh a rawn hriattirin ka hria a. Chumi chung changah chuan kan Department lam te pawhin an rawn buatsaih a, a tha tawh viauin ka hria a. Amaherawh- chu heng thil zawng zawng hi zau zawka ngaihtuahin, waviin niah hian Village level a kan inenkawl na tur a hi Dan mumal tak, khami kan Customery Law based khan- in kan siam ran mai hi a tha zawk a tih rinna ka nei a. Chutah chuanin hemi Panchayati Raj a hi a that viau lain ngun taka han en chuan, keini Mongolian thlah leh kan chenna ram nen pawh hian a inmil lo em em mai a. Chuvang chuan a tha tluan tlinglo mai awm mang e ka ti a. Chuvang chuan LAD hian Dan 19 hai an nei a, a lawmawng viau a, amaherawhchu Dan thenkhat a hi chu ap- plied theih tawh loh ani a, chuvang chuan a transitory period ah kan let chho na mek mek bawka a, tunah hian Administration of Justice Rules te pawh hi, tun kan dinhmun nena inmil tur ang hian kan hmante pawh hi a pawimawh mai awm mang e ka ti a ni.

Tin, Customery Law hi codify tur nge, engtia tih chi nge chu ka hre lova, kan zo tep tawh ni chuan ka hria a, chu chu kan khawtlang in- awp dan tur atang hianin a rang lama tih chu a tha in ka ring a. Tin, Member zahawm tak in a rawn sawi ang khanin kan V/C inthlanna dana hi a dik tawhloh lutuk avang leh tunlai thila hmantlak anih tawh loh avangin amendment a rang thei ang bera kan siam a hi chu a tha in ka hriaaa. Chubakah chuan kha kha Administra- tion of Justice rule hian a rawn keng tel leh nghal a. A nihna takah chuan hman theih tawhloh a nihna lai te pawh a awm nghe nghe a. Autonomous District Council hnuaia pek anih avangin. Thil engkim mai hi siamthat tur a tam hle in ka hria a. A bik taka Committee te pawh inruat a. Kan ram Administration V/C atanga ro- relna tha zawk kan neih theihna tura kawng kan dap vat vata hi a hun ta hle mai tih kan sawi duh a ni e. Pu Chairman, ka lawm e.

PU LALRINZUALA

: Fu Chairman ka lawm e. Vawiin ah hian Demand pawimawh tak tak pahnih kan sawi dawn a. Buhfai man sang kan sawi a. I ding lama a puar ho an nui thin hi a pawl ka ti a. A chhan chu, vawinah chuan kan duh avanga rawn to anih loh kan hria a, chutih laia Miretheite dinhmun kan sawi laia, mahni puar pheng avanga nih lo tihzat hi chu a thalo em em a ni. A chhan chu kan ramah Rs. 9.55, - anih lai pawh khan tukthuan ei tur leina neilo chhungkua kan tam em em tawh a, chutih lain Rs. 12.75 ah a rawn chho dawrh a. A dik tak chuan thingtlang bialtu leh a tam lampang, a rethei area amite tan chuan nun hrehawm em em a ni. Kan dinhmun a harsa a, kan tap a ni tih hi min hriatpui ka duh a. Chuvang chuan vawinah hian kan House zahawm tak hian ngaihtuahna tak tak kan hman tulin ka hria. Nichinah member dangten an sawi tawh a. Draught Relief ah vaibelchhe sawm pathum leh a chanve saving te kan la nei a. A dik taka kan hmanna vaibelchhe ruk leh a chanve kan hmanna te pawh kha V/C inthlan dawn a kan hman dante helaiah kan sawi tawh a. A dik takin, chiangkuan vak lovin vote neih nan kan hmang mai mai a ni tih te kan sawi a, khang kha a dik tak a ni, kan sawi kha khatianga kan hmang thei a nih chuan "zanin ah enge ka ei ang" mi rethei, tih pawh ngaihtuah ngam tawh lo te tan hian, Fu Chairman, kan khawvel hi a har em em tawh a ni. Chumite tan chuan, kan Buhfai man Central atanga an tih to vak hi Rs. 3.30 in a to dawrh a ni a. A hma ami pawh leina tur nei tawh lo tan hemi han lei hi a har dawn lutuk a. Chuvang chuan ril tam a kan thih hma hian kan DRS a pawisa la chuang ang te kha he House hian ngaihtuahna hmang sela, engemaw thil dang alternative kan hmuh theih hma chuan, hengte pawh hian mahni fate riltam chhan nan chuan engemaw V/C inthlan nana kan hman theih chuan, fate riltam hrai kan kan hman theih lovang aw ? tih ka ngaihtuah a.

Chuvang chuan, ka han ngen duh a, a Department enkawltu thuhmun anih bawh avangin, hei hi ngaihtuah hram hram ang u. Buhfai man a tova, Gas man a to a, Khawnvartui man a to a, engkim man, essential commodities, a lova kan awm theih siloh, man a lo tova, chu chuan miretheite tan hian kan hmalam hun hi thlir ngam loh dinhmunah min dah ta hi a pawl em em a, a rapthlak a ni. Chuvang chuan he lamah hian theihtawpin tan la ila. Sorkar harsat avangin kan hman tur pawisa thawk chhuak turin tax chi hrang hrang pe turin kan phut bawh a. A dik takah chuan ril tam chung a hnathawk tura mi phut hi a dikin ka hre thei lova. Chuvang chuan an pumpui tal hi chu kan hnawkhah hi a tul em em a ni.

Tin, chumi nena inzawm tlat chu BPL family tan buhfai man chanve tih kha, nikum lamah te pawh kan sawi tawh a. A dik takin nikum Budget Session ah khan tunah hian ration card te pawh kan buatsaih mek a ni tih te kha kan ngaithla a ni a. Nikumah khan July, August thla ah vawi hnih, khat te phei chu han sem chhin deuh pawh kha a awm a ni. Heng pawisa te awm reng si, vawin- inni thleng mirethei te hamthatna tur he Sorkarin a ngaih-

tuah thei miah lo hi a vanduaithlak ka ti a ni. BPL-te chu a siantu nichinah kan ngaithla a, BPL Family list hi Department hrang hrangin kan nei teuh a ni awmin a lang a kan han ngaihthlak khan L.A.D in a nei a. Department hrang hrang khan an nei fur ni awm khan kan ngaithla a. Chuti lai takah chuan anmahni hamthatna tur atana hman theih si loh kha eng kan ti nge ni aw !! ka ti a. Chuvang chuan tukinah Food & Civil Supply a kan Officer pakhat ka bia a, engatinge BPL family tan Buhfai man chanve a sem tur tih hi kan sem theih loh chhan ber min hrilh teh, ka ti a. A ni'n mi chhanna khan mi surprise, mi barakhaih nasa a, BPL family list hi kan nei thei lo a ni, kan Minister pawh a hmanhmawh a ti a. A sorkar ina BPL Family list kum 1 leh thla 4 chhung a neih zawh loh hi chu hrethiam sela, YMA hi "Karkhat chhungin BPL family list rawh peih ru " rawn ti ula, an peih vek ka ring. Chu chu rintlak bawkin ka ring. Kan tum lo tih a langin ka hria a, paw ka ti em em ani. Mirethei chanvo hi a lang lo lutuk ani. Chuvangin hei hi ngai pawimawh hram hram ang u. BPL te hi vawinah hian tihtak zetin ngaihtuah thar ang u. Khami te tan khan Buhfai man chanve in han la se chuan, hemi buhfai man sang ta a tihdan dang kan hriat loh chhung a a man chanve an lo lak ve hram hram pawh hian Rs.6 leh tihin an lei dawn hrim hrim a ni a, chu pawh chu huphurh awm ani. Khalai kha kan Minister in khawngaih takin theihtawp chuah leh zual sela ka duh em em ani.

A pahnihna atan - Ka ngaih pawimawh chu R & R-ah khan sawi ka duh chu Ram buai avanga Martar te thlan kan pasaltha te thlan hi kan sawi peih hle a, a tak tak hi kan ngaihtuah lovia ka hria. Khalam Minister a kan awm ve lai khan Cabinet-ah ka sawi tawh ani. August thla daih tawhah khan. Min chhannaah pawh kan ngaihtuah in ti a. Vawinah thla 8 a lo ni leh tawh, engmah hmalakna a la awm lo. A dam a te in a sang tawlh tawlh a, a thi te hi ngaihtuah tu an awm lo in ka hria a, ngaihtuan hram hram ang u. An rawn hawng thei tawh silo. An thlan chauh pawh nilovin an family pawh hi i ngaihtuah ang u. Anni chu an rawn haw ve tawh lo, an family te hian nghakhlel takin he sorkar hi a thlir a ni. Ka u pawh hi hengah hian a thi ve ani, a ni tan chuan engmah ka claim ngai lova. Amah-erawhchu, chutiang beisei chu tam tak an awm a ni. 'Hei hi i hre reng ang u' tih hi kan remind duh a.

Tin, chulovah chuan MNF ramnuai atanga rawn haw, vawiin thleng a dinhmun chhe tak tak a la ding te hi, an dinhmun chhiat ayanga MNF a awm tawh lo te pawh an awm a ni. Khangte pawh kha MNF an nih leh nih loh i ngaihtuah tawh lovang u, an rethei lutuk. He Mizoram hi khatianga anga kan kal avang khan hemite hi vawiin niah dinhmun chhe lutukah an awm a, pawl dangah pawh lo awm sela ngaihtuah tho

tho hi kan bat a ni. An dinhmun, i ngaihtuah ang, ka thinlung tak takin hei hi ka ngenpui a ni. Vawiinah chuan an retheih avangin khawi pawlah pawh an awm ang chu. Amaherawhchu an retheihna chhan kha an that lai hun zawng zawng he ram tan an vakchhuak a, an rawn haw a, ngaihtuahtu an neih loh avang a ni. Vawiina Supplier hna kan pek tam tak hi heng mite hian an thawk thei reng a ni, ka hmu teuh a ni. Chuvangin i ngaihtuah hram hram ang u.

Tin, LAD lamah kal blawk ila, ka ngaih pawimawh em em chu VC thlamuang lova kan dah thin hi a ni. VC te hi thlamuang takin i dah ang u, keimahni ang thova thlan tlin an ni a. Mipuiin duh taka an thlantlin duh hun hunah that kan tum tui tui reng mai. Hei hi a dik lo democracy kalphung a kalh tlat a ni. Chu chu vawiina kan ngen duh chu VC thlan thar te hi a dik tak chuan hekna chu a awm ang chu keini pawh hekna chu kan ngah a lawm, 'Min i chungang an tih i duh ang bawkin mi chungang pawh ti ve rawh ' tih thu hi i ngaihtuah ang u.

Tin, LAD lamah chuan, kan contractor in pek dan LAD atanga temau kan pek dan hi tih danglam a thain ka hria. 10% below in kan pe thin a, corruption cho chhuak tu a ni. Eng hna pawh ni sela, 10% below kan ti a, schedule of rate-ah kha a schedule rate ang pawhin hnathawh a theih tawh lo ani. Chumi aia 10% a hniama la pek leh bawh chuan hnathawh an duh dawn lo tih kha a hriat reng a ni. Chumi in a hrin chhuah chu Metre 10 step rem tur ania mahse khami a rem dawn chuan a hlep chu sawi loh a chawi tam dawn lutuk a ni. Metre 10 siam turah. metre 4 te kan siam tira chu aia corruption lian chu a awm miah lo a ni. Schedule of rate a kan ti thei lo anih chuan, sorkar hian dinna chin i nei ang u. LAD a step siam zawng zawng office a record a tak tak hi han pawt ila chuan hmun 3 a thena hmun 1 hi hmuh tur a awm chauh a ni, a bak chu thu mai a ni.

Lungleiah ka va zin chuan LAD hna an han sem a, a dilu lo pawh 16 an pe an ti a, chutih lai chuan LAD Minister ava kal a, a dil ve lo na na chu i cancel ang a ti a, tak tak anih ka ring deuh a, kah sorkar kalphung a ti chiang hle a ni. He-tiang te hi i sim ang u. A dik tak chuan Housing te kan nei hi a lawmawm, Housing atan mahni in sa thei lo te tan Housing Loan kan pe a, amaherawhchu, tun MNF sorkar hi mak ka tih em em a chu, kan tam lutuk ani lawm ni, ka ti a, Pu Chairman nang pawhin lo zilh la ka duh chu, Housing loan te hi U.T din tirh atang-in Mizoramah Boardah hian political party zawng zawng ten aiawh an nei fo thin a, MLA te chu an inchhawk pawh ka hre ngai reng reng lo. Vawikhat mah an inchhawk ka hre ngai lo. Chungbakah Non-Government a an hotute an han kal tel zel a. Tun tum chu kan

Housing Loan Board han siamah khan hei i vei lama MLA zawng hi chu min telh ve miah lo. 'LIC HBA-ah pawh hei hi han ti ve rawh ; tihte angte kha nikuma pawha kan tih-hova kha chu kan tel lova an han kal kha chuan a mala kal hi an lo chak khawp a, eitur lamah chuan a malin an kal zel a, LIC (HBA) ah pawh hian chanvo recommend tur pawh min pe ve lo. Khalamah hlir khan an kal ta a. 'Thingtlang lamah chuan an tel ve reng alawm' te an ti mai mai a. Chuvang chuan heng thil dik lo hi i sim ang u.

Pakhat chauh Pu Chairman, Food & Civil Supply Demand-ah khan kan en a. (Chairman ; I hun i hmang tam deuh tawh minute thumin i pel tawh a nia). Nuaih 1400 kan han dah a. Nikumah pawh kan dah a, a kum lehah pawh kan dah a. Nikumah khan Carrying charge-a kan bat zata kha 6crore aia tam a ni tih kha Minister-in a sawi a, kumina kan han zawh leh khan 7crores aia tam liabilities ba kan nei a ni. Food Stuff phurh man kha. Chuti chung chuan nikum size tho-in a dah a. A ba kha nikumah hetiang a ni a, a bat belh a ni a. Ba ruhna tur hi a ti lo em ni ? A chhan chu hei Agency tam tak kan nei a. Anmahni pawisain khang kha chu an phur tawh an ba pekna tur hi chu hengah hi chuan reflects tur a ni. Chumi a nih loh chuan hengho hi engtingge kan tih ang ? A tawpah Court-ah min khing ang a, kan duh aia tam kan ia chawh ang. Chuvang chuan a tul lovah Millenium lawmnan nuaih 23 ka seng, a heheu zawng a pawisa kan sennate hi sim ila, heng a tak taka hman tur a ni. Chuvang chuan wawina kan sawi, thinlung zawng zawnga kan sawi hi khawngaih takin min chhinchhiah sak sela, ka duh a ni, ka lawm e.

PU C.SANGZUALA : Pu Speaker, ka lawm e, hei ka hma ani anga han sawi ve hlawih hlawih theih kha ka duh hle a. Engpawh nise, speed han tih ran ve kan tum ang a.

Hei, lo chhinchhiah lai laite kan neih ve avangin, han sawi tliar tliar hian nakinah RE-ah te pawh kori a tu ang tih beiseinate kan han nei ani a.

LAD-ah khan han lut hmasa ta ila. LAD kha member thenkhat ten, loan semtu ang deuh maiin an sawi a. Ka rilruah chuan, ka lainat deuh va, kei ka bial ve lamah te, kan awmna veng angah te chuan, veng hmel ti danglamtu tak niin ka hria a. Thil lian pui pui a ti lova, thilte nau deuh zawk, amaherawh-chu tangkai tak tak a ti a. Veng in a nawm phah a. Veng-ah hmel thar a lang a. Tin, khami rual khan vengchhunga

contract pui thawk ve phak lo te te ho tan remchang siam-
tu tha tak mai kha a lo ni a. LAD hi hemi khawtlang hmel
siam kawng khingkhat mai te ah pawh hianin a tangkai
hle a lawm maw le tih hi ka rilrua a lo lan dan a ni a.
Duhthawhna erawhchu a awm a, hei hi tlem tlem han sawi ve
den den ka'n duh bawk ani. Member zahawm tak ten an sawi
hnu tho kha, VC chungchanga senso tur hi, a pangngai chiah
hian ala awm a. Hei hi sawi rik fo ani a. Kan VC ten tha
taka rawng an bawl theihna tur hi ngaihtuah chu a ngai
hle in ka hria a, ka'n tuihnih duh ani. Tin, minor works
kan han tih ho kha, hnathawhna tur niah ka ngai a. Kha
kha a pangngaiin ala awm ta fan a. Hei pawh hi R.E ah
chuan lo pung thei sela, tha viauvin ka ring a, kei ka
bialah mai pawh sawn tih tur ka hual viau ania kan thawk
hle tawh e, kan ti chung khan kum sawm teh meuh chhunga
ngaihtuah lam veng an lo ni deuh tehreng emaw ni keimahni
chuan, kan ti fe tawh kan ti chung sawn a la hlui ang
reng hle a, tihthar tur tam tak a la awm a, a tharin a
pawh zeuh zeuh chauh a la ni a. Entirnan, (a chang chuan
member thenkhatte nuih ka ti za deuh hlek thin tih ka hria
a). Sawng hlimen khuate ang te pawh saw 'Hlimen bial' tu
te pawh min han tihfiam bial kha kan hotu zahawm tak tak
ten.

Hman kumah quarry chim rap-
thlak tak a awm kha. khavang khan khua nasa tokin a chhia
a, an tuikhur tha te a chhilih ani. Chung tuikhur laichhuah
leh te pawh chu a ngai khawp a. Tui an la dawng ve phak
silova. Sawng lai phei zawng zawng sawn tuikhur siamsakte
pawh an ngai hle ani. Chung kawngah te. Tin, tuikhur kawng
leidawh te a ngai bawk a, khawlai kawng siamtur tam tak
keini bialah mai pawh sawn a la awm, entirna chauh sawi
ah min ngaihsak ula. Sawng Aizawl chhuah lampang veng -
Venghnuai, Salem te ; tin, Mission Vengah pawh a thlang
leh zual Jubillee Veng te, tin, Tlangnuam pawh saw a
inzarparh nasa a, vengthar kan tih a te sawn furah chuan
kal vel harsa tak ani a, inkhawm kawng pawh buaithlak tak
te a ni. Tin, hman deuh lawk khan kan CM zahawm tak ho in
LAD Minister te nen, tin nikum lamah kan Revenue Minister
zahawm tak te nen Aizawl chhim bazaar te pawh kan duang
a, chungte pawh chu kan CM hovin, han duang thar leh
ani a, sawngte pawh saw tihpuitlin thuai thuai chakawm tak
ani a. Chung kawngah te pawh chuan heng minor works te hi
major works-ah han chang vek nghe nghe sela, a tha awm
mang e, a tangka lam thlengin tih hi rilruah chuan a awm
a. Tin, Monsoon damaged head hi tunhmain a awm thin nia
sawi a ni a, tui fur avanga chhiatna kan tawh thin venna
hi, chu chu tunah hian a lang lo niin ka hria a. Lamlian
kam ni silo, tin kangkam pawh ni si lo, ram lak deuh ,
mimal In inkar te, tin, Biakin bul te, a lo chhia a, a
lo min a. Hetiang han khawihna tur provision a awm
loh chuan a buaithlak riau mai a a, hengte pawh hi thun
thar tir atan a tha hle mai.

Tin, ni danga ka sawi fo tawh Bawlhhlawh chung chang han sawi leh ta ila, bawlhhlawh ngai mawh bik ang hrimin, Bawlhhlawh, Motora kan path hi chu a improve theiah ngai ila, kan Hotuten an tum thu an sawi kha. Motora khawn khawm phak loh, Veng laklawh, Motor kal theih lohna a mi hi engtin nge kan thehthang ang? Halralin emaw, engemaw scientific deuh taka tih theih dan awmin ka ring a, chu chu harsain ka ring lova.

Hei hi kan Hotuten min chhian-chhiah sak ve ka duh hle mai.

Tin, Market Bazar chung chang hi hmuntin hi Bazar, hmuntin hi Dawrkai Veng a ni mai a, tawp lah a tawp duh hle mai a. Hengte pawh hi min chingfel sak rang deuh sela, hmun bik nei deuh hleka thil hi kan tih loh chuan, kan Aizawl pawh hi a zahpui-awm chho reng dawn niin a lang a. Market area leh chenna hmun te pawh hi fel deuh hlekin awmtir tum tawh ila a tha dawn lawm ni?

Tin, Housing Demand 28-na kha han sawi ve leh hlek ila, thiante sawi tawh kho kha. Hei, 1999-2000 Original Budget Estimate aini R.E-ah khan lakh sangkhat zanga lain a sang a, a lawmawm khawp mai a. Hetiang vel tal hi emaw hei aia sang hi emaw rawn ni leh thei se chu tha hlein ka ring a, kan thiante sawi tawh a ni bawka, ka thua k thui lovang a, ka tawm-awm hle a ni.

Tin Civil Supply Demand 16-naah khan, kuminah Buhfai te, a bikin kan nei hniang-hnar hle a, kum kal taah khan. Hei hi lawmthu kan sawi tur niin ka ring a. Tin, Bar Recovery pawh a tha an ti a, kum dang aini a tha a, a lawmawm hle a ni. Tin, Fair Price Shop 13 lai kan neih belha, hengte pawh hi thil lawmawm tak a ni. Amaherawhchu nikum Budget pangngai aini kumin Budget Estimate hi 2935.10 lakhs lain a tlahniam a. Hemi nghawng langsar zual chu Food Subsidy leh Transport Subsidy 50% chung lam ve ve a a tlahniam hi niin a lang a. Hei hian tlein min ti lungngai deuh a ni. Hei hi chu han thawlphui leh hram hram nise.

Tin, Demand No. 53 - Other General Economic Services a ka han sawi leh duh chu budget hmasa ai khan tun ami hi 203 in a tla a. Tin, R.E kha Budget pangngai aini 141lakh in a hniam a. Ava mak angreng ve tiin ka tilru in a zawt deuh a. Hemi hnuai a thil pahnih khat leh ka sawi duh chu Weight & Measurement Department biru ang reng tak hian kum kaltaah khan thil tih that ang reng tak an nei a ni.

Kan Petrol te kan sawisul.
nasa em em a, nasa takin Petrol tihfai hna an thawk a,
kan hlawhtling viau a, kha kha thil lawmawm tak a ni a,
hei hi chhinchhiah tlak niin ka hria a. Tin, hemi rual
hian Weight & Measurement Department dinhmun hi han tih-
chian a tha awm mang e aw. Supply Department hnuaiiah
Wing ang deuhin Joint Director ho in an awm ve a. Hna
tak tak thawk thei turin he Wing hi siam dan a awm lawm
ni te ka ti a.

Tin, khami zawm zelah khan
Budget Estimate kum thara Agriculture Marketting Budget
Estimate kha a awl deuh hiau huai a. kei mithar ta chuan
ka hrethiam vak lova, hotute min chhan atan zawh chian
ka duh deuh a ni.

Relief chung chang kha han
sawi kai ta ila. Natural Calamity avang a Relief chung
chang hi. Nikum khan ka bial chhungah inkang a awm nual
a, tanpuiate kan dil thin a, sorkar a tuanrang a, a lawm-
awm hle, mahse, inkang te leimin in a chhilhte thiah vek
ngai ti tiha chhiate. khatiang kan han puihna kha a bei-
tham hle mai a, kha khan a tanpui tak tak mawh viau mai
a. Hei hi chu ennawnah a tha mang e aw tih kan sawi
chhuak duh a. Chubakah, hetiang Relief tal hi awm thut
thut thei a nia, han dah tam hi a tha lo kan ti nge ka
hreluva. Nikuma kan dah ang lakh 147 hian khawsak theih
leh hman ngai lo anih hlahu chuan a lawmawm a nia. Mah-
se, manawm deuh zawka han indahte chu a tha lawm maw
ni le ka ti.

Wawinah hian Budget Demand
2 kan han en hi duhthu a sam phak lo na a, a lawmawm
hle thawkhat alawm maw le. Nikum RE te han en hian
kuminah pawh RE-ah te a lo chho ve leh ang a.

Thil pakhat LAD-ah khan tual-
chhunga hna tenau sem danah engang takin nge kan kal ka
hre lova. Tualchhung hna tenau te te hi chu a tualchhunga
thawh mamawh te emaw, thawk tlak te emaw in dil thua lo-
va, in dil theih seng sung lova, mahni area, rea a thawk-
tu mai hi hna tenau hi chu a tha awm mang e tih rilru-ahh
ka nei a. Chu chukan sawi chak a.

Tin, Saitual bialtu MLA .
zahawm tak khan kan budget te a bik deuhvin Trade &
Commerce leh Supply te kha a rawn an khum hlawih hlawih
mai a, hun hlui-lamah kan lung leng a lawm maw le,
kan lung a leng zo dah ang e , a ti a, ka rilru te te
chuan a hmanlai Israel ho Aigupta a tawlh kir leh chak
hote kha Kanan thlenglo ho an ni a. Kanan thlengho
ngaihtuah dah hi thil thar kan thlir lai hi chuan a tha
zawk dawn emaw ni te ka ti a ni. Heng Budget-ah hian
beisei tur a awm a, tha tak a tuam hlawm chuan tangkai
tak a ni thei ang a. Hei hian Kanan lam chu min pan

pui dawn lawm maw ni le tih hi ka ngaihtuah na dang a ni. Kan budget hi duhthu a sam loh pawhin a thakthaw-khat e tiin a pawmlam zawngin ka'n sawi a ni'e. Pu Chairman, ka lawm e.

PU NIRUPAM CHAKMA : Pu Chairman, ka lawm e. Hei Department pariat sawi tur a nia, hun kha a tlem deuh va, minute sawm chauh ania ka'n sawi zung zung ang e. A hmasa berin Demand No. 53 Other General Economic Services, Trade & Commerce chung chang sawi ka duh a. Pu Chairman, kan sorkar hian Agriculture chung changah Policy a nei lo hi paw ka ti a. Hun kal ta chhungah Agriculture Produce chung changah appointment contractor appoint te hi a monopoly hle in ka hria.

Tin, a producer te re-numeration price a hmulo reng reng. A chhan chu appoint contractor in Vairengte leh Bagha-ah lei tur an ti a. Chutia a nih chuan Sailo, Chawngte, Lawngtlai, Tlabung-ah, Champhai, Lunglei-ah te a producer te khan Bagha leh Vairengte-ah kal in an zuar dawn anih chuan Government price fixed angin a hralh theih loh reng. Transportation man a sang si, contractor appoint rau rau chuan collection centre kha Saiha emaw, Lawngtlai emaw, Lunglei emaw, hmun hrang hrangah siam tur a ni. Chutilo chuan Middle man kha a awm a ngai a ni, kumana hralh dan pawh kha midangin an hre lutuk, Chawngte atangin Chhawahchhi te, Silcharah an zuar a ni. A chhan chu sorkarin Vairengte, leh Bagha-ah Rs.18/- per Kg-a lei tur a ti a, mahse, khami hun lai khan Silcharah Quintal khat Rs.2200/- te Rs 2300/- te Rs 2400/- thlengin a zuar thei a ni. Producer tak tak in re-numeration price an hmu theilo hi paw kati a, middle man kal tlangin kan Agriculture production hralhte hi sorkar tan chuan ngaihtuah let a ngain ka hria.

Suggestion ka siam duh chu Price protection siam hi a ni. Hetia monopoly pe lovin producer ho an duh chuan Calcutta-ah an kal ang a an zuar thei anih chuan. Mahse sorkarin Price hi fix sela, entirnan Aizawlah chhawahchhi hi collection centre ah Rs. 15/- pawh nise, a aia to zawka an hralh theih chuan an hralh theihna hmuna kal tir sela. Chutiang chuan kan tih a ngai a ni. Tuna kan sorkarin a tihdan hi a dik lo. Chuvangin kum thar atan chuan tuna suggestion ka sawi ang khan kal se a tha ngawt ang, Pu Speaker, Chhawahchhi leh Hmarcha contractor chung chang zawhna leh chhanna hunah Official takin Tax lak chung changah engmah hriat an neih loh thu Minister

in-charge in a sawi a. He thil hi chanchinbu -ah vawi tam tak ziah lan tawh a ni a. Engatinge a Minister hian a hriat duh loh tlat. Eng action mah a la duh looa ni. Inquiry a la duh lo bawk a, he thilah hian sorkar a mual-pho a ni. Government is just sleeping like this. In spite of repeated report of in the news paper, even in the All India Radio. Government is just sleeping like this. Press Release pawh kan hmu lo a ti. Though Information Department is suppose to give copies of news paper report of concerned Department. If Minister said that he has not received any press release from the Information Department. I'd like to impress upon the Hon'ble Information Minister, kindly instruct the Information Department to supply any report concerning any Department especially when at the time sensitive reporting. The Mizoram Pradesh Youth Congress Committee has written to the Hon'ble Minister of Trade & Commerce and they had given them ultimatum also. But still, Minister denied that he has not received anything in written. It is very surprising the Government should not be run like this, the Department should not be run like this. Hon'ble Minister should take the responsibilities of his Department and when there is any complaint from any quarter that should be verified whether it is true or false. It is very unfortunate Mr. Chairman I can briefly sum up that this is very unfortunate Mr. Chairman, Sir, regarding the Civil Supplies Department, I would like to impress upon the Hon'ble Minister that we are having monsoon in the month to come, every year the Civil Supplies Department should plan properly how to Tackle the situation especially in the time of monsoon. The Department should not only see the interest of Town and Sub-town, but our primary concern, should be in the rural areas where communications are difficult Sometime, because of Lack of proper plan, we used to face problems. Minister zahawm takin hei hi chu Department Officer te nen ngun taka ngaihtuahin Thingtlangah monsoon hmian buhfai stock kha dah a ngai. Chuti lo chuan tul lovin pawisa tam tak sen a ngai ang. When there is road blockade there is no rice, the Department of PWD has to suffer. On emergency basis they have clear the road. Sometimes in our area carrying of rice by boat is necessary. This is because of lack of planning .,tih chu point pakhat ka sawi duh a. Tin, retailer ho hmun thenkhatah appointed retailer hian ama bialah ration a hmunah supply lovin, godown bulah emaw ration te sem a ni. An distribute a, mahse carrying charge la tho. Tunah khatiang retailer tam tak ka hria. Sorkarin a hria em, ka sawi duh a ni. A hmunah buhfai tak takin pe lovin godown bulah buhfai an sem a. Bill-te an siam a ni. Chawngte ah pawh a awm. Khawngaih takin enquiry la rawh se, he Department hian, Mr. Chairman Sir, the Government is just sleeping. Your appointed people are not supplying rice that issuing rice near the godown and then supply the bill to the Government you are

paying for this Pu Chairman. Hei natural calamities chung chang MLA zahawm tak tak ten an sawi a. Draught relief 200 & twenty crore kha, 13.50 kha kha khawiahnge a awm ? Financial Statement-ah a lang si lo, K.deposit-ah dah a ni nge, nge hmun dangah hman a ni em ni ?

Hei House-ah hian a sawifiah kan phut a ni. Pu Chairman the Government spend only 6.50 lakh only while people are suffering inspite of presiding so much money where is the money ? we want to know, the Government must be giving the reply to the House because we are kept in the dark on this issue.

Hei Pu Chairman, ka hun a tawp tawh a, ka lawm e.

PU K.L.LIANCHIA

:

Pu Chairman, sawi duh vak chu ka nei lova, zawh duh ka ngah thung a. Sawitur pawh ka hre lo. Zawh duh eng eng

emaw ka neih hi min han chhinchhiah sakin min han chhang thei selang ka lawm khawp ang a. Hei Thingtlang bialtu kan ni a, kan problem hi a tenau thin a. Henglai House-ah hian han zawhna remchang a nih thua hian :- Pakhatna-ah chuan, hemi Civil Supply chung changah hian Thingtlangab Buhfai leh Chini an sem hian keini kan bial te khaw te tak te te an lo ni a, sorkar hian a shortage hi engzatnge an phal chu aw ka ti a. Buhfai leh Chini-ah te hian Retailer hnenah hian Shortage an pe em ? tih a kha ka hre chak khawp mai a. Tin, k.oil leh Chini retailer te an awm ta a, head load-na hmun te a lo ni a, chungah chuan a rate hi tu fix tur nge ni aw. tihte ka rilruah a awm a, ka bialah chuan an mahniin an fix mai a, an duh zat zat kha an chhian mai niin an lang tlat mai a. Min zawt a, ka hriatchian hma chu ka ngawi tih ang ka ti a, ka ngawirih mai a, mi tihdan a diklo a ni han tihdawn khan han tlawh chhan tur ka hriat chian loh avangin ka ngawi mai a. Chuvang chuan K.oil te chu a han to telh telh khawp a. Chini te pawh kha an duh zat zat kha an chhian mai a. Tin, an thlen tam duhlo reng reng chhete mai an thlen a. An lei thei chuanglo an ti mai a, thiam loh kan chantir thei chuang. lova, tin, head load a lo ngai ta a, entiran, Tlangrite chu jeep te chu a kal na a, a head load angin a kal ta a, tichuan retailer in Sialhawkah a han khul a, Sialhawkah han lak loh chuan ka thlen thei lo a ti tlat mai a. A thlen theihloh chuan nghei ai chuan Sialhawk ami an han la ta a, tichuan an phurh man kha hmu ve leh turin an inbeisei a, a reportna ah a bill leh tho si a. Retailer hnen atang khan an hmu leh chuang si lova, chuan retailer khan mipui kha a thawnin a chhawr ani ringawt mai a, chungte chu ani tuf reng ani

em tih te kha, an rate ang tal kha chu phurh theih loh-na rate ani e, a ti a, a phur duhlo ani mai a. A rate ang tal kha a bill lak atang khan mipui hnen a pe tur ani a ngen le ? tih te ka'n hre leh duh a.

A dawt leha chuan Buhfai te, K.oil te, gas cylinder man te heti tak mai a alo sang ta tih kan sawi theih mai a, ni e, min chhan dan tur chu Central atanga lokal ani a, Central rawn tih-san a lawm tiin min chhan ka ring a, mahsela heti lamah Pu Chairman, si veilama an thut lai kha chuan a tih ngaiha hria vek an nih avang khan vawiinni a dinglama an thut takah hian a ngaiha hre turah ka ngai a. Hei kuminah chuan kan Sawthing emaw Hmarcha emaw Prize Support kan siam a, kan manifesto kha en chuan Economic number 6-ah khan, anih loh vek pawhin hetiang a lo to takah hian a letlingin kan thlai' thar te ni lem lo hian a Prize Support ang te hian eng emaw concession te sor-kar hian kan pe thei lawm ni, a BPL ang chin talah hian, Gas Cylinder kan tih ang te, tun a buhfai te alo to dan em em te, K.oil te a lo to dahah hian sorkar hian kei-mahni ah hian tih ve theih kan nei em ? tuma. thalpui ve theih loh kan tuikhur te kha a tling tam tawhin ka ring a. Mirethei tan a zuk thal theih em ? tih kha ka rilru-ah a awm a. Chungte chu zawhna hlirin ka khat ka tih kha.

Tin, a dawt leha a ka hriat thiam theih loh chu, kan hotu te pawh khan an sawi a, an chuang em ka hre lova. Hei BPL Buhfai tur hi 1997 atang khan Central atang hian alo kal reng tawh si a. Vawiin ni-ah hian 'BPL a chiang lo' an ti a, an la pe thei chuang silova, chung pawisa a chu engtianga tling khawm nge anih a ? kan tunlai chhuanlam ber Non-lapsable em ni a ? Hengte hi khawng a awm ? khawng kan dahkhawm aw ? Central sorkar hian thla tin hian mi engzat tan ang emaw Kg engzat nge a rawn subsidise ? mirethei engzat tan nge a rawn subsidise ? tih ate pawh hi a rate hi kan hre thei em ? engtik atanga kan hmu tawh nge ? kan sem si loh chuan a awm khawl ta a. Engzhen nge a awm khawl a, eng zat nge awm khaw ? tih te hi hriat theih dan a awm em aw ? Hengte hi hriat chakawm tak ani, mipui te tan pawh a chakawm a, 'Rethei zual thlan chhuah ten man chanve in an lei dawn e' kan ti a, a tha viau a, a lei tih hi a awm lem silova. Central atangin hemi tur a hi pawisa kan hmu reng an ti baw si a. A kar tak a kha ka han zawt duh ta a chu a ni a.

A dawtah LAD-ah hian han zawh leh ka duh chu, hna hi an pe tam khawp mai a, lawmawm ka ti a. Thingtlang bialtu ka ni a, thingtlang ah te pawh kawngte an pe ve a, a lawmawm viau in ka hria. Amaherawhchu a rate a chhia nge ? a hna hi a chhe em em mai a. Nuihzat thlak khawp hian a chhia a, an hnathawh a tawi thei em em mai a, a pawisa atam viau mai si a. Hna a tha lo a ni, tih chu a chiang khawp

mai a, endik a awm lem si lova, Tender anih loh avang hian. A endik emaw tal an ti silo a hi chu aw ! ka ti a. Hman tukah Morning Walk ah pawh, kan hotu ten an lo sawi a, LAD Pu Sangliana (L) leh Ramhlun North Primary School kar ami saw an siam deuh ang reng siam mang si-lova, min enpui teh an ti a, kan zu en a, a tir lamah phei chuan siam tih a lang lova, a tawp lamah chuan cement-a chulh niawm tak tak chu a lo awm ang reng bawk si a. Siam ang chu enih deuh hi mawle, kan ti a. Mi pakhat hian uluk em em in ralkhat atangin kan tawng hre tawkin min thlir reng a. A pawisa chu an la zo vek tawh an ti a. Tukin ka va kal leh chuan an lo ti nawn leh a. An siam nawn leha pawh chu a eng tehlua lem hlei lova, khatiang te te kha thil a awm a. A mimala kha hum se ka tih avanga khalai mi kha sawi pawh ka ni chuang lo-va. Mahse a dikna han sawi khan kan thil sawi kha a rinawm ani tih avangin ka'n sawi mai ani a. Tum hnih an siam tawh hnu pawh saw ve endikin a pawisa nen khai khin selang chuan kan kalphung atan chuan a duhawm lo mang e aw an tih ka ring khawp mai. Chuvang chuan tender meuhva kohna engemaw te hei vek annih avang hian Bill leh thildang kha chu an peih vek lo mai thei a. Thingtlang khaw kilkhawr te a lo ni a. Heng hi chu khawtlang / YMA hruiatute nen pawha a tlangpui thu tala han thlir zawi zawi ang te pawh a han tihloh hi chuan, kan awm dan hi, a suma kan duha, hnathawh kan duh silo, tih ang hian a kal that mai a. Zawhna ang deuhin kan pe duh ani a.

Tin, a dawt leha ehuan V/C te lawmman bawk hi, V/C dinhmun siamthat fihte kan lo tiam tawh si a, kan Manifesto -ah khan, An dinhmun hi siamthat dan a har viauva, an lawmman hi chu tihtam a va tha em !! Keini ho hlawh tama kan senso chanve, ve leh pawh khan kan han chhut chhin a. V/C President in sangkhat tal, Secretary hna full time deuhtho a thawk an ni ve a, hengte nena V/C lawmman tihsan diat diat hian V/C member kan tam tawhloh vang hian a ziaawm khawpin kan hria a, hengte hi sorkar hian a ti thei ang em ? Kan session kan han zo a, bial tlawhin kan han chhuak leh sang sang ang a, kan hre chak hle a ni.

Pu Chairman, a tawp ber atan chuan Trade & Commerce-ah hian hriatthiam a har a, keini ang tan chuan India sorkar hian mimal takin Myanmar leh Bangladesh te nena kan inkarah hian Notification meuh siam in engkim a lo chhuah tawh a. 21st Nov. '94-ah India sorkar in Notification a siam belh tawh mai a, Land Custom Station Satisfied a ti a, hemi hian a sawm thla ta zar zar mai a, a ram te a indawr theihna hmun te, kalkawng tur te, a ruat vek mai a. Chumi chunzawmna atan chuan Shdillong atangin Land Custom Collector in North-Eastern Region, collector of Custom Preventive in instruction, guidelines a siam vek mai a, chungah te chuan entirnan, Burma nen a kan

insumdawn tawna tur chuan Champhai ani a, a kawng chu, Champhai - Melbuk, Tiau lui ani ang a, tih te. Tin, heng hi kan sumdawn. theihna tura locally produced a tihna items 23 hi he Order. hian hriattirna a rawn specified vek tawh mai si a. Tin, India Sorkar meuh hian 21st Nov. a an Notification atanga hian Chiang deuh mai hianin a rawn ziak tho si a. India sorkar leh Myanmar Border Trade hi 12th April, 1995 atanga hawn a lo ni ta a, a ti a. Chumi an hawn tak atanga instruction a pekah te hian kan sumdawn theih dan zawng zawngte entirnan -ah, tunhma a free-exchange kan tih ang chi te emaw, barter system kan tih te pawh tunhma Border trade hawn a nih hma a lo awma te pawh kha chhonzawm zel phal a nihna te ; tin, hetiang border trade te hawn a lo nih takah pawh hian India sorkar ina restriction a siam bik, custom Act 62 ina phal loh bik a siam a te a nih loh chuan India thil siam te pawh Myanmar lama kan hralh theihna tur kha phalna pek theih vek a lo ni tawh bawk si a. Tunah hian a bula tan leh ang hian kan ti a, engkim mai hi kan ti leh lawi a. Entirnan-ah helaia Bangladesh nena kan sumdawn tawna tur te chu Demagri-ah a ni a, Char-mapuli kawng chu hman tur a ni e ati a, Central Sorkar meuh hian order hi a siam a, kan sawhthing te pawh kha phaia an tih ve dan te kha kan zu zawng chhuak lem lo, a theih loh kan ti mai nge ni ? hengte hi a awmzia ka hre chiah lo a. Chungah chuan kan Mizo sumdawngte pawh hi fel tak tak tam an awm a, chuvang chuan import, export code No. certificate, licence te pawh an lo zu nei ve dim diam tawh a, IEC te hi hi. Chungte pawh chuan chet ngaihna an hre reng reng lo a, custom ho hi an ngam lo reng teng a ni. Chuvang chuan hetiang tunlaia Indo-Myanmar trade chuti khati kan tih te pawh hi Sorkar order Chiang tutuk a awm tawh hnu a hetiang tak maia harsatna kan la tawh te pawh hi, kan sumdawng mi vengva ho te pawhin an permit neiha te pawh hi an hman theihdan tur hi sorkar hian tanpui mai zawk sela, thil dang tih thuh chuang lovin a ziaawm lawng maw ? 12th April 1995-ah hemi Border trade Myanmar leh India sorkar sumdawn tawna hi kawng an lo hawng tawh a, chutiang chuan a hmun tur te, a semdawnna locally produced an tih theih tur chin te, India Sorkar atanga thil siam India sorkar origin pawh custom Act, 62 ina a khap bik a te tih loh chu, inhralh tawn phalna te awm vek tawh a. Hengte hi engnge ni a awmzia ? tih min hrihfhiah theih chuan ka lawm khawp ang. Ka lawm e.

PU N.K. CHAKMA : Pu Chairman, I would like to speak about the LAD Demand No.19. First of all this I would like to inform this House that it is very unfortunate specially in my constituency that thousands of eligible voters has been deleted from the V/C Electoral Roll. Here as far distinct notice..... given by from the DC office Lunglei, Notice is hereby given that Draft Electoral Roll of intensive revision has been prepared in accordance with the Mizoram V/C Electoral Roll Registration Rule 1994 and a copy there of is available for the inspection at my office and at DLAO office at Lunglei during office hour. The qualifying date clearly written on 1.1.99 and even after the publication of draft Roll of 1999 of Tlabung Assembly. We were all included and when the final publication was done 50% of total voters has been deleted. It is totally unfair and it seems department wants to curtail the Democratic Right of the people. Therefore, Pu Chairman, I would like request Minister should reply me in this House and the same time, just before V/C election polling station has been transfer from Silkur to Bulongsuri in my constituency and for this I have sent W/T message.

This is very much unfair they want to transfer. polling station from one place to another. This is very much unfair Pu Chairman, At the same time, I would like to say that recently what happen, Village Market has been constructed in my constituency which is about amounting to Rs. 60,000/-. But the construction is very bad only with one bundle of GCI sheet, this is the condition.

In regards to Demand No.28 it is very unfortunate Pu Chairman, last time MLA's had been given 15 (Fifteen) Quota for Housing Loan. But this time, not a single quota has been given to the opposition. I do not know whether the Ruling Party MLA's had been given or not, it is very much unfortunate. Not a single quota has been issued to the opposition Parties.

In regards to Demand No.16 that is Food & Civil Supply, in my constituency, the condition of Rice is very bad and last time I had raised one question from the Hon'ble Minister regarding the non-supply of Rice to Samuksuri. It is stated that the Government has no knowledge about the irregular supply of Rice. Last time when I visited Samuksuri under Tlabung constituency, I have sent the W/T message that the Retailer of Samuksuri is not supplying Rice regularly. He has been appointed on 1.9.99 only once till now he was given.

So, incase people die who will take the responsibility, I think Government has to take this (Food & Supplies Department) to take responsibility, because they are not giving Rice regularly and the people if that Village had complaint to me. If the retailer is unable to supply the Rice regularly let the Department charged and let the action be taken. So, this is very much un-faired and Hon'ble Minister who is with me will reply in this regard.

At the same, at my constituency in Lungrang 'S' for the benefitment of the public Go-down should be constructed for keeping stock of Rice during the raining season. In regard to the Demand No. 35. Last time there was an unfortunate incident took place in my constituency, that is in Tipperaghat Village fire has broken out in month of April last year, many Houses has been burnt to ashes but from the relief department not a single rupees of compensation has been given. And even not a single silpolin has been supply to those people. And the messages has been send through SDO and even to DC also but still no action is taken. That's all, thank you.

PU ZAKHU HLYCHHO :

Pu Chairman, hei vawiin hi sawi tur a tam viau mai a, hun lah a tlem ang reng si a. Kan sawi zung zung mai ang,

ka sawi hmasak duh chu demand NO 19. LAD-ah hian a ni a. Hei Pu Chairman, tun sorkarah hi chuan a hman hman in pawisa hi an siam a ni ringawt main a lang a. A dik leh dik lo te, a mawi leh mawi lo pawh an thlu lova, a thenin Gate an lo siam a, a thenin Bazaar-ah LAD hmingin parking fee te an lo khawn bawk a. Sum siam dan reng reng hi an hre khawp a. Pakhat kan Minister-ina minmawn chhui sak ngei ngei atana ka sawi duh chu- hei Kawrthah bial MNF Black President chuan Kawrte-thawveng V/C ram theh thin ram chu Tripura-a Tuikuk in 20 te hnenah a lo theh sak a. Tichuan In khatah Rs.400 zel a lo la a ni, a mak ang reng khawp mai. Mamit DC hnenah pawh V/C ten an complaint a, mahse engmah action a kal hlei thei lova. Hetiang anih avang hian Tuidam te leh a chhehvel khaw thenkhat khami Langkaih lui kama awm te khachuanin pakhatin a lo tih tawh kha hria in an lo ti ve zel a. Khatiang khan khulai velah khuan kan ram hi Rs. 400/- zelin an lo theh sak zel a lo ni awm a. Hei hi chu kan Minister zahawm tak hian min lo chhui sak thei sela tih kha kan sawi hmasa duh a. Tin, Pu Speaker, ka sawi leh duh chu Demand No. 16-na Civil Supply-ah hian a nia.

Tun sorkarah hian Mizoram mipui miretheite dinhmun hi a chau hle a ni tih kan Budget sawiho ni discussion ni hmasa ber atangin ka

sawi tawh a Vawiin thlenga chu chu la sawi zel a ngai hi paw ka ti a. Heitun kan Budget Session kal lai mek ah hian Tui man a sang tawh a, Bus chuan man a to tawh a, Electric man a sang tawh a, Zoram chhiah a , pung tawh a. Chubakah tunah hian Gas man a sang leh tawh a, Khawnvartui man a sang leh tawh a, Buhfai man a sang leh tawh a. Hetiang em em hi chuan miretheite hi engtin nge kan khawsak tak ang tih ngalhtuahna hi a awm lo thei lova, Pu Chairman, ka hnenah pawh hian mirethei tam tak an mangan thu rawn thlen hi ka hre nual tawh a ni.

Nichin khan Saitual bialtu zahawm tak leh Tlungvel bialtu zahawm tak khanin Gas chungchang te kha an rawn sawi a, khathe pheikha chu thil serious tak niin ka hria. Pu Chairman, Gas connection hi India ram pumpuiah kan hriat angin door delivery a ni tur a ni a. Door delivery chu sawi loh, heta tanga Aizawl rate ang pawh la ni lo, Aizawl atanga an phurhna rate kha 63 te 67 te 98 te-a tovin an chawi belh dawn a ni a. Pu Chairman, heng essential commodities, Khawnvartui a ni emaw, Petrol a ni emaw, Buhfai a ni emaw, Gas a ni emaw. Heng essential commodities ah hian sorkarin a phurh man zawng zawng hi a tum vek a ni. Chuvangin, Aizawl a ni emaw, Tawngkawlawng a ni emaw, Buhfai man hi a in ang tur a ni. Punjab ami Buhfai kan ei tlang a, a kalna a hlat pawhin a to bik tur a ni chuang lo. Vawiinah hian Gas pawh Saiha-a lak man leh Aizawla lak man hi a in ang reng tur a ni. Engvangin nge Saiha ami aiin helai Tlungvel ami te leh Saitual ami ten an chawi chuan ang. Kan CM zahawm tak kan House Leader hian nuaihkhath a rawn hawn a ni lawm ni ? A rawn hawn kha an sem em ni ? Chuvangin hei hi a dik lo hrim hrim a ni tih hi ka sawi duh. Essential commodities-ah hetiang hian kan kal tur a ni lo hrim hrim. Hei hi chu sum siam nan, sum-dawn nan kan hmang tihna a ni a, a dik thei lovang.

Tin, hei mipui hi kan retheih teh lul nen he sorkar hian sumdawn nana min hman hi paw ka ti. Zoram mipui hi kan House Leader sawi dan takah sawrfe tlak pawh kan awm tawh lo a tih kha engahnge vawin ah hian sumdawn nana min hman ? a zahthlak ka ti. An sorkar kum khat leh tih chauh alawm an la kal le, kan la improve hman em hlei nem maw le. Sorkar hmasa-ah khan kan rethei lutuk tawh a, kan dinhmun a chhe lutuk tawh a, sawr tlak pawh kan awm tawh lo a ti a. Kum khat lek ah hian Zoram mipui dinhmun hi MNF sorkar hian a siam tha ta em ni ? Engah nge heti em em a tih, Tax lak theih zawng zawng an la a, tihpun theih zawng zawng an ti pung a, a awm lo thleng thleng an tih tak mai. Chuvangin heng te hi chu dik chiah chuan sorkar hian a en a tha in ka hria.

Tin, heng K.Oil, Buhfai, leh thil dang man to ah hian Gas te pawh a ni ang chu, Central sorkar tih alawm State sorkarin mawhphurhna kan nei lo an ti a ni mai thei. A nih leh ka zawh duh chu hei hi a ni, Parliament-ah khuan State tam takin tuna sorkar thlawp hote pawhin an anchhuah pui tawh. Heng thil ah hian anih leh kan MP kan thlan tlin a kha issue base-in kan support ang an ti a, heng essential commodities-a price man to thu ah hian engnge a tawng chhuah ve ? Kan sorkar hian engnge a sawi ve tih hriat a chakawm hle in ka hria.

Tin, Pu Chairman, nikum kan Sessionah Khan Buhfai chhe lutuk hi ka sawi a, hetiang Buhfai chhe lutuk kan ei hi chuan Zoram mipui hi vung natna te, kal natna te, zun kawng tha lo ten kan na zo vek dawn alawm maw le ka ti a. Kan Minister zahawmtak hian tunah chuan Buhfai chhia an lo thleng thin na hmun kan hre tawh a tin, a tha lo an rawn thawn chuan kan lo thawn let leh vek ang a ti a. Kan lo lawm viau mai a, amaherawhchu, nimina ka zawhna rawn chhanna ah chuanin Buhfai chhia te hi khawi hmunah te nge thapfai tir an nih ? tih ka zawt a, Mizoram-a Supply Centres khaw 22-ah an thapfai tir a ni. Ka ril-rua awm danah chuan heng khua-a nu ho te hian an thapfai mur murin ka ring a ni. Hei hi a ni, House-ah hian thu dik lo kan Minister ten min hrilh thin hi pawi ka ti a ni. Thu dik lo hi min hrilh lo sela a lawmawmin ka hria.

A chhan chu, he House-ah hian mipui tan kan sawi a ni. Kan Buhfai ei hi a chhe lutuk kan ti a, kan thawn let tawh a chhia chu an ti a, mahse engah nge wawinah an chhanna ah hian kan thapfai tir mek a ni an ti a, Pu Chairman, hei hi pawi ka ti a ni.

Tin, ka sawi leh duh chu hei hman nia ka zawhna pakhat ah Khan Hmarcha leh Chhawahchhi ah chhiah khawna a awm em tih ka zawt a. He House-ah ngei hian a Gate thlalak te, tin, a voucher pawisa khawna thlengin ka thehlut a. Mahse, Minister zahawm tak khan sorkarin a hre lo reng reng a ti a, a mak ka ti, thu dik hi a sawi lo em ni aw! ka ti.

Pu Chairman, ka han sawi ange, tun sorkar hian Lalrawnliana Ex-MLA hi Hmarcha leh Chhawahchhi lei leh hralh theihna contract a pe a, Lalrawnliana Ex-MLA hian kuthnathawktute hnen atangin Hmarcha leh Chhawahchhi hi lei khawm a phai lama hlep neia hralh tur a ni a. Phai lamah hralh ta lovin Gate-a siam a Gate-ah Rs. 3000, 4000, 5000 te a la ta mai a ni. West Phaileng-a a Gate duty tu chu a nuphal te chhung an lo ni leh nghal awm e, a zahthlak ti rawh,

He thil ka hre lo a ti kha chu a dik lo, a hria a ni tih a lanna chu Congress thalai in ultimatum March 10th, 2000 khan an pe a, a office-ah ngei he lehkha hi an pe a ni. Engati nge ka hre lo a la tih fo ? Chuvangin kan Minister Statement kha a dik lo a ni tih ka'n sawi duh a ni.

Tin, thil pakhat mak ka tih em em mai chu he sorkar hian Gate siam hlawk dan hi a hria a ni ang ka ti. Hei Gate an siam sup sup mai, Sawhthing Gate te, Hmarcha Gate te, Zikhlum Gate te a lo awm anih chu mawle, chuvangin, heti em ema kalphung thar tawp hi chu kan sorkar hian chhonzawm tawh lo sela tha in ka hria. Zoram mipui hmai zah vang tal hian thil tha hi ti ve hram sela, hengthil man to lutuk leh kan retheihna min chhawmdawl tur hian kan sorkar hian tun aia tha zawk policy leh programme hi rawn duang thei lawm ni tih ka sawi duh a ni. Ka lawm e.

PU LALHMINGTHANGA : Pu Speaker, ka lawm e. Vawina kan Demand sawi hi a pawimawh hle mai a. Mi zawng zawng min khawih kim vektu an ni hlawm a. A tam viau mai a, sawi zawh vek hman pawh a ni lovanga, thiantena an rawn sawitawh kha a ni tho mai a.

A hmasa berah chuan Civil Supply chungchang thu hi kan sawi duh a. Hun engemaw chen kal ta atang khan kan ram hi kan ei turah kan intodelh loh avngain, ram pawn atangin kan chaw tur kan la a, Buhfai a bikin, hei hi hun engemaw atanga a quality ram chhunga kan sem hi a chhe em em a, hemi en vel hian 24,2,2000 khan Vairengte ah te kal in Bagha Bazaar te thlengin kan zu kala. Kawng dunga khaw hrang hrang amite kha kan zawt zel a, Buhfai quality chungchang thu. Tin, a en te pawh min entir a, tahchuan an lo sawi ber a hi chu, mirethei ten heng hi lei lo hian kan awm thei silova. Kg 10 kan va lak hian eituran kan han thlei faia, a kem leh thil dang bawhlhlawh kan han pah hian Kg 6 a tling manglo a ni tih kha a ni vek maia. Tichuan hei hi siam danglama quality tha zawk a awm theih dan tur hi kan sorkar hian a bik takin vawina Demand kan sawi, kan Minister hianin dap chak sela a tha awm hle in ka hria a. Helala House-a sample te han lak a han in pek te pawh hi tih common palh a awl viauva. Chuvang chuan a sample engemaw zaw kha chu ka la thova, ka rawn keng ta chuang lem lova. A quality hi chu tih that a ngai a ni. Tin, mihring ei atan khatia an han thap fai tawh hnu pawh khan an chaw chhum te pawh min han entir a, hmun tam takah chuanin a tuihnai tawh lo a ni tih hi kan sorkar hian hria selangin, a rang thei ang berin tan la se a pawimawh a.

Tin, Buhfai bakah hian a hmalam pawh a an sawitawh essential commodities ho hi a to sawt em em a, tun session chung mai pawh hian Telephone call leh thil chi hrang hrang han dawn ah "Mirethei ten Ration khul an harsat zia thu rawn sawi teh u" tiin min chah mawlh mawlh reng a. Rs. 12.75 a nih chhoh thut hnu pheih hi chuan mi mangang tam tak Aizawl khawpui chung ngeiah pawh hian an awm a, Tukin zingah pawh khan chang dang kan thei manglo vin hei hi sawi chhuah an phut a, opposition lam tih turah pawh an dah a niang.

Tah hian tih theih tur a nih pawh a rinawm a, a solution han awm thei deuh tur a chu Peace Bonus kan sawi kan sawi bawk a, Prime Minister pawhin 180 crores a announce tawh a, kan ti a, a ziate pawh kan hmu a. Heng atangte hian a subsidies theih lawm ni ? Tin, hmalamah Member zahawm tak ten an losawi tawh ang khan Khawkheng tuartute tanpuina atana Vaibelchhe 20, Vaibelchhe 6 leh nuai 50 hman tawh, a la bang Vaibelchhe 13 leh nuai 50 awm atang te khan tunah Buhfai man to thar ta hi mirethei chhungkuate chuan subsidy-ah an lak theih dan kawng a ngaihtuah theih lawm ni ?

Tun kan Budget session-ah thil awmdan han en hian phurrit chi hrang hrang thingtlang mipuite leh mirethei te hnungzangah bel tlar hi a tam em em mai a. Member tam tak ten an rawn sawi lang tawh a, tui bill kan han ti sang a, electric bill a sang a, chumi bakah revenue hnuaiiah chhiah chawi hheihna chi zawng zawng kha rate tihsan leh turin kan sorkar chu a in sawi ba tawha, mumal tak in an ziak a ni a, Leilet pass kumtin rate chawi a pung anga, Tin, Huan pass te pawh a nia, periodic Patta te pawh a ni a. Chung bakah kan chawi thin, Zoram chhiah, House Tax te kha a ni a. Resources mobilisation-a itemah MOU ah khan min lo khung vek tawh si a, chung ngaihtuah chuan Zoram mipui, mirethei te te te chungah hian sorkar hian phurrit nasa em em a bel a nia. Chutih lain Delhi atangin an rawn puang a, Buhfai 1Kg Rs. 12.25 a ni ang tih te leh Gas Cylinder man tih to, K. Oil man tih to te a ni a. Hetah hian Central sorkar atanga ram ralmuang ber kan nihna te hi min recognised a, a hlawkna min pe tak tak dawn anih chuan Peace Bonus kan tih atang te hian heng chhawk zan dan tur hi chu a ngaihtuah theih lawm ni ? Entirnan, a rate hluia kan rate piah lamah a to chhoh-na lai hi chu khang atang te khan Zoram mipuite tan min subsidised thei lawm ni tih hi ka rawt nawn leh a ni.

Tin, LAD Demand No.19-na hi sawi leh ila, ehi hi a pawimawh hle a. Term hmasa lamah pawh khan tuna kan sorkar (Speaker : Kan hun a tawp a, kan kalzel dawn nge ? Aw, kal zel ang) Treasury Bench lama thu te nen helama kan thut tlan lai khan V/C Inthlan dan hi a hau tak lutuk a, Candidate in Box siam a, a khua a V/C Member awmzat, mipakhat china Vote an nei thin hi hralhruk te pawh a awl a. Tin, a thlakna kha pindan chung a ni. Entirnan, a thlakna kha pindan chung a ni ta a, MLA inthlan ang te a R.O hma ah, Presiding officer hma ah Ballot Box hun a va thlak ve kha a ni lova. Duh chuanin ipte ah emaw an ak chhuak daih a, pawnlamah a va in hralh thei ta a, chu chu a him tawk lo a ni. Chuvang chuanin Village Council inthlan dan thar hi duan chhuah nise, tih kha kan duh tlang vek a. Tunah hian chutiang ti thei dinhmunsh chuan kan Treasury Bench a kan MNF unaute an lo awm ta a, chuvang chuan heta kan secret ballot system hi thlak theih nisela, a harsat pawh a harsa lutuk lovang. Mizoram chu hei ziak leh chhiar thiam ah pawh India ramah No 1 kan ni tawh a, tuna electorate vote thlak thei chin a hi chu lehkha pheh a ziak thei lo tumah an awm tawh lovanga, tin, election rules-ah hianin khatiang ang mi harsa zual te tan chuan an mirin zawng tena thlak sak emaw, chhut sak emaw, ziak sak emaw kha phalsak a ni thova. Tichuan ballot box hi pindan chung a tih chingpen theih lohvin a pannah presiding officer hmuh lai ngei leh polling officers te hmuh lai ngei a vote kha thlak theih tur kawng zawng hianin buatsaih chhoh nita sela. Village Council dinhmun hi a pawimawh zia sawi ngai lovin kan hre theuhva, kan Democratic Institution mipui hna tak taka awm a ni a. Khata a kal dik khan a chunglamah thil tam tak kal dik tur a awm dawn a, tuna kan hman dan angah hi chuan a pindan chungah an va lut ta a, a khung ta tak tak chiah nge chiah lo pawh kan hre ta chiah lova. Tichuan Village Council inthlan hmasa te leh tun inthlanah te pawh khan hetiang a inlei hi a hluar ta em em a ni tih kha khaw tam tak atangin report kan dawng a ni a. Hei hi kan sorkar ten uluk takin lo ngaihtuah sela a tha awm in ka ngai a.

Tin, Village Council chung-chang thu ah hian hei MLA te hlawh te kan ti pung a, kan facilities te kan nei tha chho zel a, anni hi elected post tho a ni a. Hlawh tia han koh chu sorkarin a hreh thin a, Renumeration/lawmman tih khan koh a ni a. Mahse, tuna an dinhmun hi tuna sorkar hnathawkte leh keini Legislator hote pawh kan hlawh te tianga a lo pun takah chuan anni khawtlang tana chhun zan zawma a kul a taia tang te tan hianin lawmman tha zawk siam sak ngei niselangin. Entirnan, thla khatah Rs. 1000 aia hniam lo, tin, khawtlang aiawha sorkar dawr an tan a ngaih thin avang hian sum leh pai te an harsa in V/C nih te pawh hi mi itawm ten an hreh phah thin a.

Hetah hian sorkar an dawr theihna tur TA, DA pawh hi siam sak hheih niselangin, tikhan VCP an ni emaw Member an ni emaw khawtlang aiawha an tirh ang ang kha chuan hengah hun rei tak tak cham te a lo ngai a, awlsam zawka khawtlang tana hna an thawh theihna atan te a tha in a rinawm a. Tin, VIP ti mai ila Minister te ang ten bial fan loh theih loh te a lo ni a, tin, hmun hrang hrang hnathawhna te fan loh theih loh te a lo ni a. V/C ho hi khatah khanin lo buatsaihtu leh chaw ei te lo siam saka sawngbawltu an ni a. Hmun tam takah chuan I.B Department han mawh tur te pawh a awm a. Amaherawhchu, a tam zawkah hian I.B pawh awm lo, Department mi khatianga Minister lo buaipuitu tur pawh awm lohna hmun khua a tam em em a. Chungah chuan V/C te hian (Aw minute 1 chauh Pu Speaker) anmahni sum leh paia han thleng tur chuan an nei tawk si lova, khaw tana Development pawisa han kal te pawh hi khati zawng khanin an hman ral thin niin a lang a. Heng pawh hi a remuneration zingah khan mimal ang lo deuh in V/C len dan leh tet dan azir khanin an facilities siam dak theih nise, khanin an Villag@ level-a rorelna corruption tih ang te pawh hi a ti bo anga, chutiang huanin politic hrisel zawk te pawh kan rawn neih theih phahin a rinawm a. Khang kha tun sorkar te hian uluk takin han ngaihtuah se tih kha ka sawi ve duh a ni e. Ka lawm e.

PU K.T.ROKHAW : Pu Speaker, thu sawina hun tha tak min pek avangin ka lawm e. Pu Speaker, tlem te han sawi ka duh a, hei Trade & Commerce Minister hman ni Pu Zira zero hour-ah a hman laia Zikhlum Gate siam a duh loh thu a sawi laia, kan Minister zahawm takin a chhanna ka bial lam Chhimituipui ami te khi chu kal tlang phal a ni e, a ti a. Helai ah hian Pu Ramnghaka Zikhlum Kg.214 Saiha, namthlak sak a ni a, chuanin Pi Thangmawii Kg. 50 Saiha namthlak sak a ni leh bawka ni. Ni 23.3.2000 khan Pi Lalbiakmuani Zikhlum Kg. 250 Lawngtlai khua namthlak sak a ni leh a ni.

Chuvangin kan Minister hian hei hi a hre lo nge ni a, Department-in wrong information an pe tih hi Minister pawh hian lo hria se a tha khawpin ka hria. Chhimituipui mi Saiha leh Lawngtlai mite pawh namthlak sak a ni tih hi he House-ah hian sawi ka duh a ni. Tin, Pu Speaker, Zikhlum Gate-ah hianin Rs. 50 an lak sak te kal tlang an phal a, kan Member zahawm tak Pu Zira sawi kha kan Minister-in hei hi chu a dik lo a ni tiin kan Minister-in a chhangan ka hria a. Kha kha Zemabaw YMA 'N' Chhuahlang News atangin ni hnih April ah an lo chhuah a, Rs. 50/- hi

an la ngei a ni tih an lo chhuah a ni. Chu chu kan Minister pawh hian lo chhinchhiah sela. Chuvangin YMA'N' Zemabawk te hian dawt an sawi ka ring lo a ni. Chuvang in kan Minister hi a department hotute hian wrong information an pe anih ka ring a, chumi anih doh pawhin information thu dik tak an hrilh a, Minister hian thu dik hi a sawi duh lo nge ni tih hi kei chuan hriat chian harsa ka ti a. Tin, a pahnihna ah chuan Civil Supply chungchang hi tlem hian sawi ka duh a, Buhfai hi tunah chuan a tha deuh tawh an ti a, a hma kha chuan a chhe lutuk a, a bik takin Tuipang, ka bialah phei chuan chhe tak a ni. Chu chu kan Minister pawh hian Pu Speaker, he mi House-ah Session hmasa Khan Buhfai chhia hemi House hi ka present a, ka present avang in Buhfai chhia zawng zawng hi ka bialah thawn ta emaw ka ti a, ka bialah chuan Buhfai a chhe em em a, Chakhang ah phei chuan Buhfai lei tlak a awm lo a ni. Chutiang tak chuan a chhia a ni, a Buhfai chu a tam mahse, a chhe em a ni. Chuvangin hei hi enge ni a chhan, kan Minister hian min hrilh sela a tha khawp in ka hria.

Tin, Pu Speaker, Retailer thenkhat te Godown atangin an la chhuak a, chuan a bag tha zawng zawng hi an thlang a, a bag-a hralh turin an dah tha ta a ni. Mipui chan tur kha a chhia an dah khawm a, kha kha an sem ta a ni tih hi kan Minister hian a hria em ? Chutiang Retailer te chu ka hria a ni Pu Speaker. Chuvangin hei hi sorkarin a hriatpui em ? Retailer-a Buhfai an pek chu mipui sem tur a ni a, chutah chuan Retailer ho in a Buhfai tha tha kha an thlang a, a hran in an dah a, a bag-a hralh turin, a chhe ho kha mipui sem turin an dah a ni.

Tin, a pahnihna ah chuan hemi Buhfai chhia an thlan khawm a kha, mipui an sem ta a, an bun ta a, chutah chuan a chhiat em avangin a bag ami kha min pe teh, an ti anih chuan, a bag ami an pek anih chuan a then ah Retailer hovin Kg 1 ah *50p *(duli) an la a. A then ah Rs. 1/- an la a ni. Chuvang chuan chutiang tih ching Retailer an awm a ni tih sorkar hian a hria em ? tih ka zawhna a ni a. Tin, hei hi corruption a ni, kan sorkar hian a hre lo anih chuan a check phawt a ngai a ni, mipui tan a harsa lutuk. Tin, Pu Speaker, BPL hei hi kan Minister kan zawt a, a family ho kan la thlang thei lo a ni a ti a. Tunah hei kum khat a liam ta a, tun thleng pawhin la tihfel loh a ni a, hei hi anih leh thlatin hian BPL atan hian Central, FCI atangin Buhfai quintal-a sang tel in kan hmu bawk si a. Hemi hi sorkarin engtin nge a tih tak ? BPL a sem bawk silo, a man chanve-a pek tur a kha sorkar hian engtin nge a tih tak tih hi kan Minister hian min hrilh thei sela a tha khawp in ka hria.

Tin, Pu Speaker, Gas Agent
hi Tuipang ah kan nei lova, Baiha leh Tuipang khi
a hla tham hle mai a. Chuvangin Gas Agen hi Tuipang
ah min hawn sak thei ang em ? chu chu ka'n ngen duh
bawka .

Tin, Pu Speaker, LAD tlem
kan sawi leh anga, LAD dumping ground hi, Aizawlah
hian nuaih hnih chuang mihring kan awm tawh a. LAD
hian bawhlhlawh paihtu Truck 12 chiah a nei a ni.
Chuvangin kan sorkar hian Motor a lei belh a ngai a
ni. Tin, Lorry Attendant hi 20 chiah a nei a. Anni
mai hian an tlin lovang tih chu Chiang sa a ni a,
sweeper hi 200 chiah kan nei bawka . Chuvangin heng
mite hi lakbelh an ngai dawn a, mipui kan tam a,
bawhlhlawh a tam chuan Aizawl khawpui hi a hrisel lo
em em dawn a. Sanitation wing hi tih len a tul hle in
ka hria a. Hei hi sorkar pawhin ngaihpaawimawh a tul hle
in ka hria. LAD Minister-in a lo hriat atana ka duh
chu contract tender-in an kova, sorkar hnathawkte zuk
pe a mawle. Sorker hnathawktute hi kan pe anih chuan
a thawk lo tute hi engtin nge kan tih ang ? Chuvangin
hei hi kan Minister hian en Chiang sela, eng party
pawh nirawh se. Sorkar hnathawk, thawk lo an tam teh
lul nen. Hnathawk lo te pe lovin sorkar hnathawktute
pek hi chu a dik thlawt lo a ni. Chuvangin, hei hi
kan Minister in lo en Chiang sela, a lawmawm viau in
ka hria Pu Speaker, ka lawm e.

PU SANGHMINGHANGA : Pu Speaker, ka lawm e.
H. PAUTU A tlangpui thu ah chuan han
en vang vangin 8 lai sawi
tur ka nei a, 1mins leh 25
secs hun chhunga Demand pakhat zel hi sawi tur a ni si
a, ka sawi duh chu hemi, Food & Civil Supply chhungahang
ah hian a ni a. A tlangpui ah, nikumah kan Minister khan
ti tha hle in ka hria a, a chhan chu tun hma a flying
challan awm thin kha awm sawh lovin, khatiang kha tih
tawp anih avang khan Buhfai stock tha takin a tling
chho a ni tih ka hriatin lawmawm ka ti a. Khatiang bawka
khan kuminlamah pawh thingtlang lamah a thleng chho
anah kan ring a. Helaiia kan sawi duh ve mai mai chu
kan Member te paw'n an hriat tho chu ka'n ring a, an
be ve em ka hre lova, hemi Public distribution system
Central Government, Minister of State lo kal tum khan,
Dinner-ah amah leh FCI Chairman, Guwahati FCI lama an
hotute, FCI Executive Director te leh mi hrang hrang
Secretary Government of India (lo kal a kha) te kan
kawm thuak thuak a, kan ti ti na ah chuan, hemi Buhfai
chhe lutuk te hi a sample in la em ? tiin ka zawt a,
kan la a, kan en a, Godown-ah kan kal leh dawn a, an
ti a. Khatih lai-a Buhfai chhe lutuk kan ei a pawl ka
tih thu te ka sawi a, an mi chhanna ah chuan khuti lam

ah kalkawngah te pawh dik lo awm ni ten kan ringhlel a ni tih te pawh kan sawi a. Chuta min khanna ah chuan Pu Speaker, engpawhnisela, Punjab Rice kan lei a, Punjab-a Farmers ho khu an influential em em mai a, kan ngam lo a ni. Chuvang chuan Buhfai chhia min lei luih tir a, chu chu in dawng ve hrim hrim a ni a. Chuvang chuan a kawng lakah chuanin khawimaw laiah carrying contractor ten tih dik loh an lo nei pawh chu lo ni teh reng mahse, a awm anih pawhin kan hre lova, nang pawn i rin thu a ni tho bawk a, keini pawh in kan han ring ve deuh tho a. Amaherawhchu, khuta-tanga lo kal hrim hrimah hian chutiang kan duh loh min lei tir si, tihngaihna kan hriat loh a awm si a, tiin min hrih a, a pawh tih thu leh hmun dangah heng Haryanate leh U.P ah te Buhfai a tha hle si a, chuti laia chu min pe thei lo em ni ? tia ka zawhna ah chuan thla 2 hnu velah chuan Buhfai tha chu in hmuh theih kan beisei e. Chutiang turin hma kan la ang tih min hrih a, a lawmawm ka ti hle , ama'rawhchu, engtin nge a lo thlen ang tih erawh chu ka hre lova, tichuan heti laiah hian chu chu ka'n sawi lang duh a.

Tin, hemi Buhfai tha lo hrim hrimah hian a vanduaithlak hle mai a, hetiang thil kan han tawng a hi. Helai Aizawl ah pawh keini veng velah pawh a ni tho a, Fair price shop-ah hianin ei tlak mang loh hi a ni deuh mai a, hei hi a pawh hle in ka hria a. Chuvang chuanin a tha kan hmuh theih dan tur kawng kan Minister ten nasa takin hma anla niin ka hria a. Chutah chuan kan beisei thuai turah ka'n ngaia, a tha a lo thlen a chu.

Tin, LGP chungchangah hian hman ni pawh khan ka sawi chhuak nual a, hemi ka hriat-na a soal loh chuan Pu Speaker, a tla.gpuj thu ah, Gas an rawn phur a, enroute khua ah chuan unload-a pek mai tur ni awm tak niin ka hria a. Ka hre soal anih chuan Minister-in wind-up na ah rawn chhang sela, entirnan, ka bial Kawnpui khua khu kal kawng a ni a, khulai khu mimal sawi loh theih loh a ni a. Pu V.Neihkunga te, IOC Company lam niin ka hria a, chumi te chuan an rawn pe a, an extension point atan, chutah chuan Aizawl, an dinna hmun main centre a ni si a, chuta-tang chuan phurh let leha pek a ni ta a. Khatiang ni lovin a danah en-route ami chu lak thlak theih a nisi a, Kawnpui khua chu a lo kalna kawng anih avangin Rs. 242/- bur khat man atana pe lovin Rs. 207.35p ang chuan an pe ve thei hrim hrim ah ka ngai a. Chutiang tur chuan kan Minister in hma min lak sak sela tih kan ngen duh a. Chutah chuan hemi a man chung-chang a Sub-Agentnge ni, a hming ka hre ve chiah lova, extension an han tih ah hian he thil hian harsatna min thlen niberin a lang a. Chumi avang chuan kan Minister hian Zoram mipui te tana theihtawpa Oil Company te pawh kan harsatna hria a extension point lam ai hian a distributor/agent thar tur te kha tih tam zawk dan kawng

min dap sak sela, tiin ka ngen zui bawk a ni.

Fisheries chungchang hi lawm-awm viau in ka hria a. Demand 38-na ah Khan hma an la chak chho viau a, Member pui te rawn sawi ang Khan, sawmi Bara Bazaar-ah sawn Sangha thar hi kan hmy thei deuh reng tawh a, sawi tak ang Khan Bazaar hmun an chan ve loh avang te, a dah thatna hmun hi kan storage facilities hi a la puitling chiah lo nge, sawtiangah te pawh sawn thingtlang lama Sangha neitu te an lo kal ah hian lo dah theih dan kawng a awm em? Chutiang khawpa sawlaia Bawngkawn tlak lam panga mi saw a tha anih chuan, khatiang te khan lo dah sela, an lo thar chhuah quintal 2,3 ang lek pawh kha lo dah that a, chutanga a tuk zinga an lak chhuah khan fresh deuh in an hralh thei anga, khati zawng khan sorkar ta ngau ngau ni lo pawhin, mimal ta: pawh khan... Sangha dah thatna, zan khat lek atan a awm phawt chuan, nasa tak in Sangha khamia eizawngtute tan malsawmna a tling ngei ang tih, Pu speaker, ka ring tlat a ni. Khati zawng khan sorkar ta ngau ngau nilo, mimal ta pawh kha lo tanpui dan a awm em? tih kha kan Minister-in min lo ngaihven sak sela, a lawmawm awm munge aw!! ka'n ti deuh va.

Tin, Demand No. 19-na LAD ah Khan ka han thailan ve duh zawk chu Member zahawm tak tak ten an rawn sawi tawh a. V/C hlawh chungchang ah Khan a beitham deuh awm mange, hei hi chu thil dang pawh pun chhoh zel a ni a, pun ve a awm e!! Mahse, a fixed zat awm du ka hre ve lova, a thawktu ten an hrethiam anga. Heng ang hi chu increase ve a hun alawm maw le tih ngaihvan chu ka nei we a."76 lakhs ang hi chu a beitham mang e" ka'n ti ve deuh va. Tin, nichin ah Khan Aizawl South II bialtu zahawm tak Khan a rawn sawi tawh a. Monsoon Damage tih chungchang kha a pawmawh hle in ka hria. Tunah ruah a lo sur ta thut a, khatah Khan PWD-in an take up mai thei silova, tin, Kawr bul hnaih deuh te a lo nih loh chuan PHE lamin an lo take up mai thei lo te ni awmin ka hria a, ka hriat sual anih chuan min rawn correct sela. Hetilaiah a rualrem lai deuh leh rem lo lai deuh a te (khatiang ang lai ni si lo te) in hmun tamna a ni si a. Khata lei lo min ve si, In tan pawha hlauhawm thei, kalkawng ti chhe zawng ten a lo awm ta a. Khang ah Khan LAD chuan a khawiah pawh Khan a va ti thei a ni a, chumi avang chuan R.E lamah chuan heng hi kan hotuten min lo tih tel sak sela a tha awm mang e aw!! tih kha ka rilruah a rawn awm lian deuh a. Monsoon Damage kan tidawn nge, a hming ka phuah thiam lova, khatiang lampang kha awm tel sela a lawmawm hle ang tih hi ka'n sawi tel duh a ni. Pu speaker, ka lawm e.

PU AICHHINGA
MINISTER

: Pu Speaker, hun min pek
avangin ka lawm hle a, vawina
ina kan Demand sawina kha
a ngaihthlak a nuam hle in

ka hria. Kan hotute thusawi kha kan chhinchhiah vek
a, kan rawn chhang kim thei lo anih pawhin min hre
thiam sela, kan chhinchhiah vek thova tih kha kan
sawi hmasa duh a ni. Tin, an sawi te kha a construc-
tive vekin ka hria a, an thahnem ngaihna kha a zahawm
hle in ka hria. An mi beisei kan thleng zo thei lo
chu lehlam takah a paw ka ti a, theihtawp chhuah a
hma lak chhoh zelna turah min fuihtu leh min ti tang
tu tur pawimawh tak a ni vekin ka hria. An sawina
zawng zawng kha ngun taka zu chhutin thahnemngaihna
aw vek a niin ka hria, ka lawm tak meuh a ni.

Tin, kan department hi Food
& Civil Supplies a ni emaw, Trade & Commerce a ni emaw
hei hi mihring mimal min khawih em em vek anih avangin
thil tih fel a har khawp a. Tun hma lama lo latu te
tan pawh thil tih fel kim sen loh tamtak a awm a,
chuvangin kan tum ber a hi chu Food & Civil Supplies
ah pawh mipuiten engtin nge harsatna tawh lova ei leh
bar kawng ah chhungtin mamawh ang kan pek theih ang
tih lai ngaihtuahna hi kan ngaihtuahna hlawm lian ber
a ni lo thei lo a ni. A tha zawka kan kal theihna tur
chuan hei department te pawh kan han insiam tha chho
hret hret a. New pattern te kan ti a, tun hmain kan
Supply Godown-ah te kan Inspector te engemaw zat an
thu a, Storekeeper te an awmna a awm bawh a, chutianga
in awm pawh nuk chu a nih avangin Inspector te leh
Sub-Inspector kan neih a te hi an hming ang ngei hian
Inspector ang hian thawh tawh sela. Tichuan Storekee-
per hi store-keeper an nih ang ngeiin store enkawl
sela, in check tawn sela. Tichuan he kan Public Distri-
bution system te leh kan procurement engkim kan receive
leh despatch engkim kan pek chhuah te hi mumal zawk leh
fel zawkin a awm thei ang tih beiseina atangin tunah
hian kan inruahman a. Tichuan, Directorate atangin DCSSO
te hi District tinah awm tur an nih lain ka sum harsatna
avangin DCSSO te hi District tinah kan la dah thei lo a.
Tunah hian Aizawl East leh West kan nei a, chumi piah
lamah chuan Saiha leh Lungleiah kan nei a. Heng Champhai
te, Lawngtlai te, Serchhip te Kolasib leh Mamit heng
hoah te hian DCSSO kan la nei thei lova, heng hi neih
theih thuai kan nghakhlel em em a. Amaherawhchu, chungah
chuan SDO kan ti mai a. SDF and CSO kan ti a, chungho
chu kan dah vek thung a, anni hian kawng tam takah hemi
kan public Distribution chungchang thu leh kan procure-
ment-ah te, leh kan Buhfai thiar kan pek chhuah, heng
zawng zawngah hian hma latu an ni a. Chumite kaihruai-
na hnuaiah chuan Inspector ten a hranpawh khami Distri-
bution Centre hrang hrang te leh kan Supply Centre te

enkawl pui turin bial neiin engemaw zat, 23 laiah kan then a ni. Chung chu Area Inspector te, kan ti a, khang khan kan supply Kudam an in sem theuhva. Chubakah chuan fair price shop, buhfai semna Retailer kan tih ho ang chi zawng zawng te pawh an en chhuak tawh anga. Chutiang tur chuan, kumin March thla tir atang khanin kan han function tan a, mahse kan la function fel chiah thei lo a ni. Chumi ina kan tum ber a chu, kan ei leh bar kawng fel zawk leh tha zawka kal theih na tur kan ruahmanna a ni a.

Tin, buhfai kan lak luh dan tlangpua hi kan thlatin mamawh a hi, BPL buhfai hi a bikin kan nei a, chumi piah lamah chuan APL buhfai kan ti bawka. Chutiang ang chi chu chi hndin kan nei a, tichuan, thla khat chhunga kan lak luh hi thlatin in 14230 Quintals kan la lut a ni. Ni e, kan sawi nghal anga, khalai BPL kha kan vei tlang a, a dik a. BPL list hi waviin ni thlenga kan la neih theih loh avangin BPL te hnenah hian an Ration tur a hi kan la pe thei lova, a chhan chu a list siamtu a hi kan ni lo tlat mai a. Keimahnin a list kan siam lova, GAD lam atanga siam tur a ni a. GAD chuan thingtlangah Rural Development Department an entrust a, tin, khawpui lamah LAD an entrust a. Chutiang ang chuan an siam a, keini hian heng hi pek chhuah thuai thuai kan duh a, kan nawr reng a. Mahseng waviin ni thlengin kha kha ka la neih theih loh avangin BPL te hnenah hian buhfai hi an quota angin ka la pe thei lo ta a, hei hi pawikan ti em em a ni. Hmana kan han sawi tawh kan buhfai man kan hmuh lo pung ta kan han tih a te pawh kha BPL buhfai mahnise a hniam a hralh ngawt dawn khan a hralh theih chuang silova. Chuvang chuan buhfai tha pangngai rate Khan kan hralh vek lo thei lova, chumi kan hralh vek chhoh tak zelna 1997 atanga kha thil kha lo kal Mizoram hian BPL Quota hi la reng kan ni a. A buhfai in kan la a, chu chu kan khulh tel vek a, kan khulhna man erawh chu a man chanve in kan khul a ni. Chumi kan khul a chu a man chanve a va hralh leh ngawt dawn khan BPL list ber kan neih siloh kha chuan a tih theih bawka silova. Buhfai dang rate khan kan hralh ta a, khami atang khan surplus, kan lakluh a pawh hi a lo kal chho lo thei lo a ni. Khatianga la lut si in a kan pung silo anih chuan kan ti dik lo fe tihna kha a kawka, chuvang chuan khang buhfai a man chanve a kan lei si rate pangngaia kan hralh si khan a chanve zel a kha BPL atangin kan hlep lo thei lo a ni. Chumi kan hlep atang chuan kumin chhunga kan buhfai man tur lakchhuah zawng zawng aiah

PU VANLALHLANA

:

Pu Speaker, khawngaihin thil pakhat a sawi laklawh lain min han clerify sak se. BPL list a kha GAD siam tur a ni

a ti a, supply lamin an la hmu ve silo niin a sawi a, RD ah te hian BPL list an nei a, mirethei inhlawh-fakna, engati nge ni supply khan an neih loh bik ? GAD buatsaih tho anih si chuan RD pawhin an hmang reng a ni si a.

PU AICHHINGA
MINISTER

: Pu Speaker, hei hi thing-
tlang lam a ni anga, khaw-
pui lam a kha an la peih lo
nge a chhan tak a hi kan

hre bik lo a ni iti mai ang. Keini chuan min pe rawh u tiin kan ngen peng a, mahse min pe mai thei bik lova. Chuvang chuan vawiin ni thleng hian BPL hi an Quota ang takin kan pe thei lo a ni, pek hi kan nghakhlel em em a. Keimahni in kan siam mai dawn em ni tih thleng te in kan ngaihtuah a, anih loh vek leh a siam zo tawh zawng hi pe ila, a siam loh zawng hi pe lo mai ila ti ang te pawhin ngaihtuahna hman a ni a. Aizawl District hian an siam zotawh a. Tin, Chhimituipui District lam sawn an la rawn siam zo lo a. Tin, Lunglei District hian an la rawn siam zo lo bawka. Hemi avang hian a pumpui angin a la compile hlei thei lova, vawiin ni thleng hi BPL list hi kan nei lo a ni. Khawilalah emaw department thenkhatin an lo hmang anih pawhin ram pumpui karah la hmang lo thei lo kan nihna laiah a then azar lo sem ngawt pawh kha a dik chuang em ni tiin kan ngaihtuah bawka, a buaithlak khawp mai. Kan ngaihtuahna ah hian a takin a kal a ni tih kha min hriat sak ka duh a. Tun atanga rei vak lovah chuan an list hi min rawn pe tawh em ang chu tiin kan thlir reng a ni e.

Buhfai mam tlawm lo kal a kha khatiang khan kan dah ngawt lova, nichiaa member zahawm tak Khawhai bialtu in arawn zawh ang khan kan sem tel vek lo thei lo a, kan dah ngawt chuan a chhe dawn bawksi a. Chuvang chuan kan sem tel ve a ni. Metric ton 5300 thla tinin kan la tel reng a ni.

(Speaker : Khalalah khan kan ngen lawk duh che u chu Chhimituipui MLA leh Lunglei MLA te khan theihtawp chhuah ula, hnathawktute kha tanpui ula, chuanin, mirethei ten a tlawmin buhfai an hmu thei dawn anih chu mawle.)

PU H. RAMMAWI

: Pu Speaker, BPL list hi siam a ni a, ka bialah pawh an siam a. Mahse, sorkar hnathawk, H/S zirtirtute kha an telh ta teuh

mai a. Chutihlai chuan thingtlangpa dik taka kha an telh leh si lova, nikum chhung khan fimkhur turin kan ti a.

Sorkar hmasa thil tih dik loh vang kha a ni, ka bialah chuan.

PU LALRINZUALA : Pu Speaker, 53000 1997
atanga lak tawh a kha a to
angin hralh a ni ta a. BPL
ta tura kha , kha kha nakin
ah BPL list kan neih hunah khan Arrear-in a pek leh theih
ang em ?

PU AICHHINGA : Pu Speaker, a kalhmang chu
MINISTER a ni lova, kan Arrear lo
vanga list kan neih veleh
atangin an chan tur ang tak
in kan pe chhuak mai dawn a ni. Tin, khami kha depart-
ment in a eiral a ni lova.

Tin, khami a kha department
in a eiral a ni lova, Treasury ah kan credit leh vek
(kan khung leh vek) a ni. Chu chu a kalphung a ni a.
Tin, kan buhfai hi tunhma chuan khutah Silchar atang
te, Guwahati atang te pawhin kan phur thin a. Mahse,
tunah erawh chuan FC ten Mizoramah Godown an rawn nei
tha ta viauva, Bairabi-ah khuan Metric ton singkhat
leng Godown Rail head-ah an nei a. Tin, hetah Kolasib
ah hian Rengte kawnah Metric ton sangnga leng an nei
a. Tin hemi, helai hnaite Tanhril-ah khuan tunah hian
Metric ton sangnga leng an nei bawk a, Mizoramah hian
a pumpuini Metric ton singhni dah theihna Godown an
neih tak avangin tunah hi chuan Silchar atangin emaw,
Guwahati atangin emaw kan phur ta em em lova. Helai
Mizoram chhunga an Godown-ah hian an rawn dah a. Chu
chu keinin kan lo lei a, tichuan kan buhfai dahkhawma
Godown hovah kan sem darh ta a. Chuvang chuan tunhma
ai khan tunah chuan tlemin buhfai phurh te pawh a lo
awlsam ta deuh hlek a. Tunah pawh hian nikum lam ang
bawk khan buhfai thal chhunga tam thei ang ber heng
fair weather road kan han tih ho Godown lam hla ho ah
hian chhek khah vek hman kan tum a. Ama'rawhchu hemi
kawngpui dung bik leh a fur a thal a kal theihna ang
hmun bikah hi chuan dah tam teuh reng hi a tha berah
kan ngai lem lova. Godown te a lo tha tawh lova, buhfai
a chhe belh ve zel a, nikumah pawh khan a that lohna
em em pakhat a chu kan buhfai hmuh a kha a tha vak lo
thova. Ama'rawhchu, Godown tha vak si lo fur ang reng
si ah te kan han dah rei khan a lo chhe vek zel a. Chu-
mi chuanin kan duhtusam loh kan hmuh rau rau chungah
pawh that loh lehna zual kha a siam tam em em a ni.

PU H. LALTANPUIA : Pu Speaker, Minister Khan
tuna a sawi ang khan buhfai
tha kha tun kar chung hian
chhek chhoh, chhek khawl ngah
kan tum a ni a ti a. Khang ho a chhia lo awm tawh sa ho
thingtlang Godown a mi, tam takah phei chuan a la khat
deuh tlangpui a ni. Khang kha engtin nge a tha lo kal
chho tur nen khan, a chhia kha dispose engtin nge tumna
an nei em ?

PU AICHHINGA
MINISTER

: Pu Speaker, hemi kan buhfai old stock nikum lamah chhia kan tih tlangpui kha nichin-ah kan sawi tawh ang khan

hmun tam takah tihchhiat ah pah ngawi ai chuan thap a bag khat ah khan 70Kgs. emaw 60Kgs. emaw chauh pawh lo chhuak sela, engpawhnise i thap fai ang pek tlakin i siam ang kan ti a, chutiang chuan Department inhlawhfa te la in an thap mek a. Tin, buhfai hlui ho kha chu nikum lamah a man tlawm a kan leite anih avangin tunah hian kan hralh dan rate pangngai Rs.9.55 in pek zawm zel nisela, a tha lo thleng a man sanga kan neih ho chin hi erawhchu a man sangin pek chhuah nise tiin tunah hian rawtna kan siam a ni.

Tin, kan buhfai thalo chu chu chu kan tihdan phung a ni a, engpawhnise, kumin kumtirah khan he kan buhfai chhiat thu hi Aizawl ah Advisory Council thutkhawmna Minister of State consumer affairs Central Minister hova kan neihah khan keini chang nilowin North East State ah kan Minister lokal zawng zawng khan buhfai an dawn kha kan dawn ang tho anih avangin an complaint ve theuh a, kan vaiin kan complaint a, chumi rual chuan an Secretary lian hote leh FCI a an hotu lian ho kha kan F.P.Shop ah te kan hruai a, buhfai kha kut ngeiin kan khawih tir a. Buhfai that lohzia leh min pek chhiat zia kha kut ngei- a khawihin hre rawh se kan ti a. Chu chu kan tih takah khan an Secretary lian ber khan, "Buhfai chhia hi chu kan rawn thawn tawh lovang", tun atang chuan buhfai tha kan rawn thawn ang che u" tiin assurance te min pe a. Chumi ang chuan tunah pawh hian buhfai lo thleng hi a tha ta deuh a, kan lawm hle a, a that zel pawh kan beisei viau nghe nghe a ni. Tuna kan buhfai tha lo thleng mek zel hi Zokhaw lamah thingtlang Godown lamah eng emaw zat kan thawn mek bawk a. Khang kan thawnchhuah kha a tha hlang a lo pek ngawt kha a fing ber leh dawn lovin kan hria a. Pek pawh dan te lo thiam turin kan ti a ni. A chhia leh tha kha pek pawh nise tih te kan ngaihtuahna ah a awm a. Chumi ruala ka sawi duh chu buhfai hi India Sorkarin quintal khat zela ip a thun hi labour tan a rih lutuk avangin tun atang chuan quintal chanve zelin thun ni rawh se tih order an rawn siam a. Keini pawhin chu chu kan accept thu kan hrih tawh a. Tichuan, tuna buhfai lokal mek hi chu quintal bag ni tawh lovin 50Kgs. ip in a lokal zel a, a lo thleng pawh hi a tha ta deuh- hlek in kan hria a ni.

Tin, report kan dawn danin tun maiah khan engemaw zat quintal bag a lo thleng leh a. Tanhril Godown ah, chumi chu kan complain mek a, kan Commissioner ten. Hei hi Central in a in norm leh in tihdan tur ang nilo lo thleng leh ta hi kan received thei lova hei chu kan la rih dawn lo tiin Central lamah FCI ah an zuk hriattir ve leh ta rih a, chu chu tuna kan dinhmun hnuhnung ber lai a ni.

Tin, hei sugar chungchang thu hi han sawi leh thuak ila, chini hi kumin kumtir atang khan kan chini quota hi min rawn tihpun sak ve a, hei hi kan Chief Minister pawhin Central lamah a, nawr a, chumi a thahnemngaihna zarah chuan kan chini quota a lo pung ta hrat a, tunhma khan metric ton 293 thla tinin kan hmu thin a. Mitinin kan dawn dan rate a kha pakhatin gram 400 angin kan dawng a, chuta tang a chhut chuan metric ton 293 kan hmu thin a ni. Mahse kun kumtir atang erawh chuan mitinin gram 700 in kan dawng tawh ang a, metric ton 483 thlatinin kan dawng tawh turin min rawn hriattir a, chumi hnuah chuan hei thil lawmawm tak lokal leh chu kha kan quota chhutna kha 1991 census base in an chhut a, tichuan, metric ton 483 hmu tura kha kan ni a, mahse hmanni lawk khan order thar kan hmuh leh chu tuna census hnuhung ber kum 2000 census ti mai ila, mihring population base angin pek in ni ang min rawn ti leh a. Tichuan mihring kan lo tam leh sauh thei ta a. A hma kha chuan khatiang ang khan min tihpun sak mahsela, gram 400 per head ang a kan dawn lai pawh khan kan sem theih chiah chu gram 200 a sem vek a ni. A chhan chu keimahni te leh kan former MLA te engemaw zat kan pek a lo tul a. Tin, CRPF te leh BSF te pawh pek ve te an lo ngai a. Tin, chhiatni thatni ah special permit pek a lo ngai bawk a. Kohhran leh YMA te leh MHIP Conference ah te hian special permit pek loh theih loh bawk a, gram 200 te te in kan sem ta a. Tunah pawh hian gram 700 in kan dawng na a, gram 400 hisap bak hi chuan kan pe hleithei lo ang. Amaherawhchu, kan population base dik tak a min rawn pe thei dawn tawh anih chuan kan quota pawh kha per head in a pek theih kan beisei. Chungte chu kan dinhmun thar kan inhriattir theih chu a ni.

Kan population a kha tuna kan bukna hi a sang hrim hrim a. Kan ration card atanga chhutin mihring nuai 9 kan awm ve hrim hrim a. CRPF etc. nen chuan. Mahse chungte nena belh chuan nuai 12-13 velah chho turah kan ngai a ni. Mahse la chhut loh ani helai hi chu. A enga pawh nisela, chutiang ang beiseina chu tunah hian kan nei a.

Tin, LPG chungchang thua hian sawi loh theih loh a ni a, LPG kan han tih Gas chungchang thua hian harsatna lian tak kan neih lai ani a. Tunah hian agency pangngai hi 11 kan nei mek ani a. Chung 11 kan neihte hman chuan Mizoram hmun hrang hrangah gas hi samdarh thin a ni a. Tichuan, hei hi Nodal Department ah chuan supply hi kan ti takna ah kan control phak loh thil tam tak a awm lo thei lova, hei hi company I.O.C. leh A.O.C. ho hnuai atanga thil lokal chho an nih avang hian kan indawrna ah pawh hian a hminga a Nodal Department ni mah ila kan thu lo angreng khawp a. Chuvangin, hemi a agency

siamna a distributing centre siamna ah pawh hian kan thupui em em lo, tih hi zep lovin sawi mai ila a dikin ka hria a. Theihtawpin min tihpun sak turin a hma pawh khan kan ngen a kan Serkar tirh phat lai atang khan, mahse harsatna eng engemaw I.O.C. leh A.O.C. te pawh hian an siam zel a. Amaherawhchu, vanneihthlak takin Chief Minister thahnemngaihna zarah Prime Minister te nena an inbiakna atangin nuai khat lai cylinder pek belh theih kan nih tur thu a kha kan han hria a. Chuta tang chuan hma kan la leh zual sauh a, Department ang pawhin kan Chief Minister pawhin theihtawp chhuahin min nawr pui bawk a. Tichuan rin aain a rawn zimar har a, kan tum leh kan beisei dan chuan nikumah te kha chuan engemawzat kan inbelh thei tawh ang chu kan tih lain kan sawi angin kan thu loh riauna lai a awm a, I.O.C. ho inpeih dana kha en zel a tul si a. Chuvang chuan, kuminah khan a pumpui a vawikhat a rawn ti lovin a mal te tein Agency pahnih chu tun February thla vel khan min rawn pe a, chu chu Vairengte ah leh Tlabung ah a ni a. Tin, tunah khan I.O.C. hotute lokal chhovin sawiho-na kan nei leh a, chutah chuan tun maiah hian Agency 8 dang min rawn hawn sak leh dawn a. Chu chu tender turin kan ngen a, kan rawn tender anga, tender copy pawh kan rawn pe ang che u, an ti a. Session lai hunchhung kha ani tawh a. Tin, chumi hnuah chuan hmun thum dang kan rawn pe leh ang che u, an ti a. Tichuan, min pek thar tur ho a hi February thla a min pek te nen khan a thar 13 min pe thar dawn a. Chumi hmun 13 pek nen kan neihsa hmun 11 nen chuan hmun 24 Agency kan nei thei dawn niin kan hria a. Chung chu kan nei theih chuan engemaw chenah kan problem zualpui chu a solve thei ang t̄h kan ring a.

Tin, nichinah an rawn tarlan extension point chungchang thu kha, hei hi kan duh leh th̄a kan tih loh em em ani chungin mipui mamawhna sang zelin a nawrna, nakina an tana harsa tur anih ngaihtuah hauh lovin, an lo duh em em zel a, theihtawp a kan dang tang tang chung pawhin I.O.C. te nen agency te ho kha lo inbe khawmin an lo inremsiam a, tichuan extended point hmun hrang hrang an lo siamthar ta a, chu chu tunah hian hman loh theih dan tur hi keini chuan kan duhthusam anih lain tunah rih chuan hman loh theih loh dinhmunah kan ding a, hei hi hun engemaw ti chung atana agency pangngai tak kan nei theih theih hma atana ruahmanna naran deuh mai pheih chu ani a, chumi rual chuan entirnan, Champhai kawngdung ah te pawh Champhai chu agency headquarter ani a, an phur chho a Champhai an han thlen a, an lo phur let leh a Khawzawl ah te Kawlkulh ah te, Saitual ah te khian a distance hisap khan an chawi a ngai that a. Chuvang chuan hei hi a dik lova tiin IOC hotute lokal hnenah khan kan lo sawi a, hetiang ang enroute ho reng reng hi chu an kal pah in dah vek sela, phurh kir leh a a man tihpun ngawt ni lovin an kalpah khan dah se, man pangngai Champhai rate in la mai rawh se tiin kan lo sawi rempui a.

Chutiang chuan hemi Silchar road-ah pawh Kawnpui te hmun hrang hrang Aizawl thlenga Kawnpui-a phurh thlen leh kha chuan Km.54 lai kal a ngai a, tah khan Km-ah Re.1/- zel an chawi chuan cheng 54/- pekbelh a ngai tihna a lo ni a. Chuvang chuan hetiang ang chi hrim hrim kha a awm loh na turin an route hova kha chu an rawn phurh pahin a hmun an thlen zelah khan dah mai rawh se tiin I.O.C. hotute nen chuan kan inremsiam a, tiang chuan a han thlen tawp piah lama lak tur extended point a kha chu a mel hisap pawhin lo chawi ta pawh nisela. Kawngdung khua te kha chuan an Agency Headquarter rate in an la tur a ni tih laia kha kan inrem dan tlangpui dauhhlek a chu a ni.

Tin, a man san chungchang thua hian hei hi pawl keini pawhin kan ti em em a, gas man lo sang te, buhfai man lo sang te, K.Oil man lo sang ta te hi kan control theih piah lam anih avang in, an san thu a hi kan hria a, notice kan chhuah ve lo thei lova a effective date tur nen leh a darkar tur nen lam an rawn puang si thin a. Chuvang chuan Central lamin an tihdan ang khan, keini chuan kan puang ve zel lo thei lova, engpawhnisela, hemi kawnga tan lak dan kal zel tura chu engnge kan tih theih kan hre lova, eng-le khaw le a sang ta a hi kan ram chuan kan tuar ani tih hi chu kan sawi tho tho turah chuan kan ngai a. Kan Session hynchunga thil lo thleng mek zel a ni a. Ala sawi lai mekin tih ang deuh khan kan beisei loh lain a lo thleng chho mek zel ani a. Hei hi pawl kan ti em em a ni.

Tin, petrol leh diesel te K.Oil chungchang thua hianin kan Sorkar tirh phat atang khan kan petrol te a thianglim tawk lo ani tih hriat a ni a. Tih thianglim dan kawng a awm em ? tiin tan kan han la a, tichuan a tirah chuan Vairengte leh Silchar inkar khulai vel bawr khu Adulteration an tihna lai niin kan hria a, kawng hrang hrangin tan kan han la a, Assam thuneitute leh I.O.C. leh A.O.C. hotute nen pawh tan kan han la a. Engngemaw chen chu khulai kawngdung chu kan ti fihlim thei deuhin kan hria a. Kan ram lamah an han insuan chho leh deuhin kan han hre leh a. Bilkhawthlir ah te Kolasib ah te a lo awm thar ve leh zel a. Kan police te nen theihtawpin an hmanrua te kan sheet sak chho a. Chuta tang chuan Legal Methodology a kan Inspector te hmangin petrol lo thleng zawng zawnga hi a bupuih an chhun hmain a density kan la zel a. Hei acceptable error an ti a, pawm theih chin an nei a, a density .0030 chin a hi error pawm theih chinah I.O.C. hian a lo nei ve tlat mai a. Chumi aia sang chu kan pawmsak thei lova, chumi aia hniam zelah a kal a, tunah chuan a tha tlangpuiin kan hria a. Petrol hi tunhma lam ai chuan ala tha chho zelin kan hria a. Saitual bialtu khan la thalo hle khan a sawi na a. Keinin a kan test naah chuan a tha tlangpui rih chuan kan hria. Hei aia thuk zawka petrol check theihna tur khawl a hi

I.O.C. lam atangin kan hmuchhuak thar a. Chu chu lei ve in mobile in hmang ila kan ti a. Chu chu petrol leh diesel te a chhum a chhum a adulteration a awm em ? awm lo em ? tih a tak taka hmuhchhuah theihna khawl ani a. Khawl man tam tak pawh ani lova. Chung chu lei kan tum a, tunah hian a phurh kualna tur motor nen Sorkar lamah lei phalna te kan dil mek a, min pek theih thuai kan beisei bawk a ni.

Tin, helaiiah hian kan petrol zuk phurhna ah hian harsatna neuh neuh a awm thin a, a tlangpuiin Ramnagar atang khuan petrol leh diesel hi kan phur ber ani a. Amaherawhchu, chulaiiah chuan eng-engemaw harsatna neuh neuh a lo awm a, tunah hian Lamding lama phur turin kan tanker te an nawr tlat mai a. Chumi chuan hmanni deuh lawk khan harsatna kan nei deuh thuak anih kha. Member zahawm tak ten in hre thova. Khani kha a bul niawm a kan chhui ah chuan hemi I.O.C. leh railway ho inkara harsatna awm ni pakhatin kan hmu a, chumi piah lamah chuan North East State hrang hrang ah hian hostile leh eng ilo tamna kan ni a. Hemi avang hian kan tanker zuk kal te pawh lung te a vawm in pawisa te an lo dil thin changte a awm a. Chumi avang chuan kan tanker driver ten kal an hrek a, chu chuan harsatna min siam a.

Tin, chumi piah lamah chuan Marketing Division hei hi I.O.C. hnuaiia petrol leh diesel hralh chhuak tute anni a. Tin, A.O.D. an ti a, chu chu A.O.C. hnuaiia petrol hralhchhuaktute anni a. Hemi te hi sumdawng ve ve an nih avangin an inkarah eng eng emaw inhriatthiam lohna boruak a awm a, chumi chuan kan petrol leh diesel phurh te kan K.Oil phurh te ah harsatna min siam deuh reng a, chung chu kan duh ang leh kan beisei ang a tha a kan kal hleihtheih lohna chhan te niin kan hria a, chungte pawh chu a solve dan turte helam atangin kan ngaihtuah zel a ni. Amaherawhchu, engchen nge kan kal theih dawn kan hre lova, churang chuan tunah hian hma kan la chho a, chumi piah lamah chuan hemi thil pakhat LPG chungchang thuah hian kan sawi tawh ang khan agency lo nei pungin hma lo sawn viau mah ila, hemi a cylinder lakna chungchang thuah hian harsatna eng emaw kan nei chho ve zel a. Kan lakna tam ber hi Silchar Cachar a Borkolan tih atang khuan pawh ani deuh ber a. A chang chuan khutah New Bangagoan atang te, Guwahati atang te pawhin phurh chang a awm thova. Helaiiah hian a bika quota a awm hranpa lova, kan agency ten pawisa an dah dan azir a awm leh awm lo mai pawh anihna lai a awm a. Chumi piah lamah chuan khulai Borfolo a kan zuk phurhna ber kha a kawng a tha tawh lova, hemi gas phur tur tanker lian pui an lo bottoling tur atana a phur lut tu kha a kal lut tha ngam lo a ni kawng chhiat avangin tih ang deuh tain phatna kan hmu a, chu pawh chu a tak ber pawh niin kan hre em em lova, engemaw AOD leh MD inkar boruak bawk niin kan hria a ni. Chulaiiah chuan

tunah kan ramah ngei hian bottling plan a hi neih ve a tha a hriatna tunhma atang khan a lo awm tawh a. Sor- kar hmasa atang khan bul an lo tan tawh a khulai Mual- kang ram, kawngpui leh Sairang ramah khuan tunah hian bottling plan hi ruahman mek a ni a. Chu chu keini lamin, (Mizoram Sorkar in) a tih tur chi zawng zawnga chu tunah hian kan tifai vek tawh a A.O.C. kutah kan vawmlut vek tawh a. Tichuan an nin an rawn lakchhuah thuai leh kan nei hma anga, a chak loh leh kan nei har dawn anih avangin tunah kan Chief Minister pawhin theihtawpin hei hi tichak turin min nawr sak mek zel a, anni pawh an tawngkam ringawt chu kan lawm viau a kumin chhung hian bultan a kum hnih chhung a zawh theih erawhchu kan beisei a ni. Engpawhnise, kum leh lamah chuan kan ramah hian cylinder pawh hi kan refill ve thei tawh ang tih beiseina lian tak kan nei a ni.

Chumi piah lamah chuan kan sawi leh duh chu - Public distribution system ah hian tha zawka kan kal theihna tur leh a buk te engkimah kan neih zawk theihna turin TDS, SDC te Godown lian deuh ho ah hi chuan bul tan nan weigh-bridge digital a hi dah vek phawt ila tih ngaihtuahna kan nei a, kum kalta chhungah khan hmun nga (5) ah dah turin ruahmanna kan siam a, tunah hian installation an ti mek a. Saw- tah Lawngtlai ah te, Lunglei ah te, Serchhip ah, Ai- zawl ah, Vairengte ah. Chung hmun nga ah chuan kan han dah phawt anga. Tin, sum kan nei thei anih chuan kumin kumthar chho ah hian hmun nga dangah dah leh ila kan ti a. Tuna kan retailer ten buhfai Godown atanga an lak te, diklo tak tak nia an report thin te, lehlamah kan va en a, "kan buk dik alawm", an ti si a. An bukna te kan han en sak a, a bukna ah chuan thil fello lutuk pawh chu kan hmu bawk silova, mahse buhfai inhlam chhawn- na ah khan buhfai kha retailer ten an laka kha a kim lo, a tha ani tih 10Kgs. an laka kha an han buk leh a, 8Kgs. chauh a lo ni si, tih angreng chite. Hetiang hi a tam em em mai a, heng hi nichina kan sawi tawh ang khan kan Supply Inspector ten an area an check laiin hemi kan weight bridge hi kan hman chuan a motorin kan buk luai luai tawh anga. Tichuan buhfai pawh hi dik zawkin Go- down atangin lak a ni ang a. Tin, Fair Price Shop ah pawh dik zawkin buk theih a nih kan beisei a. Chu- tiang ang ruahmanna chu tunah hian kan kalpui mek a. Kan ti mek mawlh mawlh tawh a ni.

Tin, chumi piah lamah chuan kan buhfai phurh zel a te hi a thlenna tur hmun fel taka a thlen zung zung theih nan leh engkim dik zawka a kal theihna turin W.T. hman ve hi a thain kan hria a. Hmang tur ber pakhat niin kan inhria a, mahse rin aiin licence neih kha a lo har a. Tun kum kalta khan sum pawh kan dah vek chungin, a licence a kha kan neih theih tak mai loh avang khan kumin chhung khan kan install hman ta lova. Mahse tunah hian a licence pawh neih mai theih ni ta in kan hria a, chutiang ang chuan tunah hian kan inbuatsaih mek a ni.

Tin, chumi piah lamah chuan kan account te engkim hi computerised hi a thain kan hria a, chuvangin, tunah hian kan Directorate atanga DCSO Office zawng zawnga kan account te leh kan hna-thawhna a hi, computerised vek nise tiin tunah hian khawl te pawh kan lei mek tawh a ni. Tin, chubakah chuan kan sawi tel leh hlek duh a chu, nia kudam chungchang thua kha, hei kudam kan neih that loh avangin kan buhfai te pawh a chhe chak a; tin, chubakah chuan kan kudam te hi tunhma U.T. hunlaia sak te kha a tam bera hi an lo ni tawh a, a tar tawh a. Chuvangin, sak-that te tulin kan hria a. Kumin chhung khan kudam 6 kan sa thar a, tin kan staff te quarter 31 kan sa hman bawh a. Tin, chubakah IV Grade quarter a hi hmun 17 ah kan sa a. Hemi bakah Central sponsored scheme atangin pawisa beisei kan nei a, kumhlui ah hman hman tura kan inggaih lain kan estimate min reject sak a, kan han saamtha leh mawlh mawlh a. Kan thlen thlak leh chuan kum tawpau min nang a, chuvangin kumthar atan rawn tichho leh mai rawh u min ti a. Tunah hian kumthar atan kan pe leh mek a. Chung chuan hmun hrang hrangah TDC te SDC te Godown lian zawkte pawh sakna tur ruahman kan nei a, tin, quarter engemawzat siam a ngai a. Tin, kan Inspector te Office function thar turte tana office sak te pawh a tul bawh a. Chutiang ang tur chuan tunah hian kan inbuatsaih a ni.

Tichuan, Supply chungchang thua chuan kan hotuten in han sawi tam tak kha ka chhang kim vek kher lovin ka ring a. Hei, kan budget a lo lang buhfai leina leh a phurhna subsidy ah khan nikum a phak ta lo em em a ni. Hei hi engtizia nge tihte kha a awm a. Sawm tawh angin kan budget hi a size hi kan kalpui tur ani lova, kan Finance Minister, kan Chief Minister ni bawkin a sawi tawh ang khan hei hi estimate mai ani a kan pawisa neihdan ang zir zelin he pawisa a hi chu kan mamawh ang zela min pe zel tur anih ve laiah khalai kha chu a awm ang khan alo awm phawt anga, a tul ang zelin supply chu a lo a kan awm theih loh thil vek anih avangin min la rawn fill up turah kan ngai a. Revise Budget ah pawh la neih turah kan ngai a.

Tin, hemi piahlam a phurhman lamah pawh leiba tam tak kan nei ve reng a. Tunah hian leiba 7 crore lai kan nei a, chumi chung chuan Budget ah khan nikum kum chanve vel khan a lo kal ta vek si a, amak viau a ni tih mai pawh a awl reng a. Kan leiba ho hi Peace Bonus ah khan pek tel ve tura thlen a ni a. Tuna Peace Bonus lo kal tur atang hian min rawn rulh sak thei turah kan ngai a. Tin, a tlem takna laia kha chu R.E. ah la hmuh belh leh turah kan ngai mai a ni.

PU R. LALZIRLIANA : Pu Speaker, buhfai old stock kha a man tlawm kan hmuh a ni a, a man tlawm tir nise tih kan la rel dawn a, a ti a, lehlahmah a tha nena chawh-pawlh tur ni khan a sawi bawh si a, nakinah kan bialah te kan kal anga, khalaiah khan kan buai thei a.

Tin, chulo chu tunlai hian gas kan va la a, gas nilo tuichhia thunkhah tlat mai kha a awm nual a, khatiang an han return khan a man dang an pek leh loh chuan gas bur dang an la thei silova. Khalai kha refilling station lamin an tihsual niin a lang si a. A thar pangngai khan a thleng leh theih mai lawm ni tih hi min han hrilhfiah thei la ka va duh em.

PU AICHHINGA MINISTER : Khalai kha report kan han dawng a. A hma khan a phai deuh tih angreng chi kha kan dawng zeuh zeuh a. Mahse, a phaina lai pawh kha khawilalah emaw thil fello a awm em aw kan ti a. Chu pawh chu kan han hre ru thuak thuak a. Tunah hian kan hmalak mek lai a ni. Khatiang tui ringawt lo thun a gas awm silova nih kha chuan khatiang te kha chu thleng theih awm takah chuan kan ngai mai a. Mahse kan lo enzui ange. Kha kha Supply Department lamah chuan ka han sawi theih nise.

Legal Metrology kan han tih Weights and Measures a hi aw, buhfai kha maw? Kha kha chu old stock kha a man hranin a kal anga. An chhun-pawlh ang ka tihna nilovin a ip hranin a kal dawn a ni. Lak pawlh loh theih loh tur ani a. Legal Metrology hi hmanah ka sawi tawh a. Kan ram hi ram nuam a siam tur chuan anni hi kan mi pawimawh te anni a. Mahse, tunah hian hnathawk tham kan nei lova, an tlem lutuk avangin sorkarah pawh kumin chhung khan kan dil a. Post eng-emawzat kan dilah 10 min phalsak a. Chu chu tunah hian fill up turin kan buatsaih mek. Clerical hi chu khawilai lai emaw atanga overstaff lakkhawm atanga min pek theih chuan he Department hi hnathawk theiin kan din thuai thei ang tih ka ring a, an ni hian tunlai hian buhfai bukna diklo tihte, bazar bukna diklo tihte. Tin, miin retail price in dawrkai in an bungrua an hralh em tihte. Hengho check a endiktu tur consumer protection atan mi pawimawh berte anni a. Chung chu tunah hian hnathawk thei turin ke kan han din tan ur a. Kan thawk chho zel anga, hma kan la chho zel dawn a. Hemi atana Demand kan han neih hrang hrangte pawh kha nikum size in siam kha ani a. Kha kha ni e ka lo chhinchhiah a, kan session a

sawi vek ai mahin a tih a tih kha a ngaiin ka hria a. Hei hi chu kanrawn en anga Lunglei kan DCSO te hmangin hma helaiiah chuan kanrawn ang.

Tin, Trade and Commerce hi kan Department hnathawhna chungchang thu hi han sawi leh hlek Pu Speaker ka duh a. Trade and Commerce Department hi 1987 lai vel atanga dinchhoh kha a ni a, din chhoh anihna lai hun ang reng khan vawiinni thleng hian la tih len chuan lovin a la kal chho zel a. Tin, an pawimawhna a lo thang chho mek zel a. Tin, hei kan Trade and Commerce Department hi engngeni kan tih, level pui te phak lo kan tih ang chi kha an ni a. Kan Joint Director te pawh hian mi Joint Director te hlawh pawh an pha ve lova. Tin, kan Deputy Director te pawhin an pha lova, chutiang anga a hniam bik a awm tlat mai hi ani a. Hei hi siamthat tura tuna Pay Revise Committee ah pawh kan thehluh ve te zinga mi anni a. A chhan chu pay revision kal chho, tu Commission emaw kan han tihah pawh khan revised sak ve lohin tihian an awm chho ve ngawt ngawt mai a, a ngai reng khan an kal a, tunah Fifth Pay Conversion han tih chhoh pawh khan a hlawh lo hniam na na kha chu tumah a pha thei chuang silova. Chuvangin vawiinni thleng hian Trade and Commerce Officer te hi level pui phak lovin an awm hi a diklo hlein ka hria a. Hei hi chu siamthat ngai lai berte zinga mi niin ka hria a. Tin, he Department a thawktu hi post thar siam belh a awm loh avangin a bula, siam ang tho khan an la kal chho zel a. Tunah hian hmalakna tur alo pung chho zel a, Myanmar nena border trade bul tan chhoh mek alo ni a. Tin, Bangladesh nena border trade hmalak mek te alo kalchho a, Myanmar nena Border Trade chungchang thua khan 1995 daih tawhah khan engkim Central order a awm tawh si a tih kha Khawhai bialtu zahawm tak khan arawn tarlang a, kha kha MOU an lo sign na lai kha alo ni a. Entirnan, kum 700 lai ala awm lain Isaia chuan, 'Kan tan naupang alo piang a, fapa pekin kan awm ta', tih ang deuhhlek khan anni pawhin thleng ngai turah ngaiin engkim order leh ilo kha an lo siam lawk niawm takin a lang a. A tak takna erawhchu tunah hian a kal dawn chauh a. Tunah khian Melbuk ah Trade Centre tur ruahman mek a ni a, Central Commerce Ministry atangin Rs.2 crores lai min pe in chu chuan Trade Centre tur buatsaih mek a ni.

Tin, a thlang deuh Zokhawthar ah khian Land Custom hovin keini hi chu ramri bula awm lo thei kan nilo an tih avangin Zokhawthar hmun zawkah khuan Customs ho awmna tur hmun pawh tihfel tawh a ni. Zokhawthar khua te pawh LAD a Town Planner te hmangin an awmna tur hmun ruahman fel tawh ani bawka. Tichuan, tunah hian khilai Trade Centre tihpuitlinna tur leh changtlunna tur, Prime Minister package atang khan Rs.5 crores lai kha min pe ve dawn a. Khang hmanna tur leh Zokhawthar leh Melbuk develop

na tur atan khan ruahmanna a kal mek a ni. Tin, hei hi Central Sorkar lam leh Burma Sorkar lam pawhin an ngai pawimawh em em a. Burma lam phei chuan an ramchhung thlenga kawngpui laihsak turin India Sorkarah an ngen a. Tin, chumi piah lamah Tiau leilawn dawhkaina tur te pawh India lamin an buaipui dawn niin a lang. Chuvang chuan khilai Trade Centre khi chu reiloteah kan ti- puitling thei dawnin kan hria a. Chumi rual chuan Bang- ladesh nena Border Trade chungchang hi kalpui mek zel a ni a, kan hriat theuh tawh angin kan Chief Minister thahnemngaihna azarah, nikuma Bangladesh a a zuk zinna Khan tunhma zawnga India nena insumdawn tawinna an inte- rest vak loh nia kan hruaitu hmasa ten an lo sawi thin kha a dik pawh a lo dik thawkhat reng a. West Bengal a an insumdawn tawinna ah India ram lam aiin Bangladesh ramin an tuar tlat a, chumi avang chuan insumdawn tawn zel kha an lo interest vak lo. Mahse kan Chief Minister zuk zin thla in kan ram atanga an lakluh tur thil reng reng chu raw material vek anih zawk zia te a zuk hrih- fiah tak na atangin Bangladesh Sorkar a phur that ta a.

Tichuan keini chang nilovin North East State dang zawng zawng atang pawhin insum- dawn tawinna Border Trade a hi a hlawk dawn ang tih rinna an lo nei ta a, chumi bawhzui chuan nikumah pawh khan Central a Commerce Minister in Guwahati ah North East State a Chief Minister zawng zawng leh Commerce Minis- ter te kokkhawmna neiin khilai kha kan sawiho kha a ni a. Chumi a chu tunah hian a kalchho zel a, keinin a kan hmanhmawh leh kan duhthawh ang hi chuan thil hi a kal chak thei lova, India Sorkar atawh leh Bangladesh Sorkar aiawh te vawi duai lo an lo inamukhawm tawh a, tunah pawh hian ngaihtuah chhoh mek zel a ni a. Tin, kan insumdawn tawinna tur item hrang hrang te pawh eng- emaw chen chu sawiho tawh a ni a. Tin, Bangladesh Sor- kar lam hi an phur hle ni a a lanna chu nikum maiah pawh khan delegation engemawzat lo kal in MOU kha an han sign a, tunah pawh hian keini lam atangin tirh thlak ve ruahmanna kan han nei a, North East pumpui a State tin aiawh te Bangladesh a trade delegation tirh thlak nise kan ti a. Chumi atan chuan kan ram Mizoram atanga kan tirh turte pawh mihring leh pawl ang pawhin engkim kan identified tawh a, chung chu tunah hian an inpuahchah mek a ni. Chu chu a taka a hlawhtlin theihna turin, tunah hian sawmi a hmun tur Trade Centre turte pawh, kan Revenue Director te leh kan Secretary te nen a hmunah va enin Trade and Commerce a kan Officer te nen an va thlir tawh a. Sawmi kawrpui lui an tih bulah sawn, sawmi thlang lamah sawn tunah hian a hmun tur pawh kan thlang fel tawh a. Tin, chumi develop na tur atan chuan Central Sorkar ah pawh cheng vaibel- chhe 5 kan dil mek a. Chu chu tunah hian a plan leh engkim sianfel mek a ni a. Chumi kan thehthlak rualin chumi vaibelchhe 5 pawh hi kan hmu mai turah kan in- ngai a. Central lam pawhin min tiam nghe nghe a ni.

Chutiang chuan sawmi Border Trade Development a pawh saw tunah hmalak chhoh mek zel a ni a. Central Sorkar leh Bangladesh Sorkar hmalakna a nih avangin keini chuan thui tak zuk tih theih kan nei em em lova. Amaherawhchu, a hun tak leh a hmun takah kan Chief Minister zahawm takin a lo thup zel a. Chu chuan thui tak ke a pentir a. Vawiinniah hian thui tak hma kan la chho tawh a ni.

Tin, chumi piah lamah chuan Trade & Commerce lamin hma a lakna pawimawh tak pakhat chu, hmanni lawk meeting ah khan Revenue leh LAD ten Bazar Market zawng zawngte hi hlawmkhatin kal se, tih ngaihtuahna Cabinet in a nei a. Tunhma pawha an lo ngaihtuah fo tawh a ni a. Hei hi tunah chuan a takin Trade and Commerce Department in a pumin la tawh sela, tih a lo ni ta a. Chumi a lo nih takah phei chuan mawhphurhna chhangchhe leh zual he Department hian a keng chho dawn a. A thawktu pawh kan in lak belh a tul anga. Engpawhnise, Revenue leh LAD lam ten he market lam hawia hnathawhte pawh Trade and Commerce ah rawn transfer in assets chi hrang hrang a neihte pawh rawn lalut in tiang chuan Trade and Commerce Department hian market bazar ho hi a enkawl chho tawh dawn a. He kan session zawh hnu reiloteah hian heng Department hrang hrang Officer lian te in hmu-khawm in an in hand-over chho dawn niawm tak a ni.

Tin, chumi piah lamah chuan MAMCO chungchang thu hi kan hotuten tihdan tur tha zawk nia an hriat te he House zahawm taka min kawhmuh chho zel te hi a lawmawm hlein ka hria a. MAMCO hmang hian kan ram thlai tharte, hralh leh tihral thin ani a, hun hmasa lam atangin, a pumpui a chhungril te zuk keu keu chian takah chuanin MAMCO ah hian sawisel tur leh eng-emaw tam tak a awm tih kan ring a, amaherawhchu tuna kan Sorkar a lo din hnuah an hmalakna leh thil tih hi a lawmawm hlein ka hria a. Nikumah khan sawhthing hralhna a buaipui a. Kan Sorkar policy hrim hrimah hian kan mipuite thlai thar leisak aiin a hralh sak lama hi kan tih theih chin niin kan hria a. Kan sum dinhmun harsatna te an bawkin leh kan kal zel dan hrim hrimah hian Sorkarina mipuite thlaithar lei leh ringawta, hi leh lamah corruption te pawh hi invade thei te pawhin kan hria a.

Chuvangin hralh sak zawk mai pawh hi kan Sorkar kalphung atana tha zawk turah kan ngai a. Chuvangin hralh sak dan tur kawng kan ngaihtuah a. Tin, kan thlaithar rate te hi control anih loh chuan intlansiak a kan phurh liam zut zut ringawt hi chuan reiloteah a rate hi a tlahniam thuai thuai thin, hun kal tawh lama kan hriat tawh avang khan, a rate controlna turin entirnan a minimum price ani zawk mah ang chu, a man tlawm lam

control a kha a tlawm dan theih ber kha tulin kan hria a. Chuvangin, tender te kan han ti a kan thiam dan tawkin kan han kal phawt a, nakinah chuan hei aia thui zawka kan kal te pawh a la ngai anga.

Tin, hei kan Chairman

Pu Thanzualla MLA zahawm tak pawh hi permanent zawka heng thil hralh theihna tur kawng hi dap nise tiin hmun hrang hrangah Pu Lalnghinglova kan mithiam pakhat nen kan zinkual tir a Bangalore lamah te, Calcutta ah te hetia vai hnenah tender a tih leh ngawt thin ai hian khulalah mumal zawka zuk peka ngelnghet zawka mipuite inghahna tlaka zawngchhuah hi a tulin kan hria a. Tiang chuan India rama Sawhthing te Hmarcha te an sawisakna ram hmun hrang hrangah kan tir kwal tawh a, chu chuan thil tak tak an rawn hmuchhuak tawh a. Mahse khang kha kumin chungah han dawr mai turin han leitir mai tur chuan kan capacity in a la tlin lo deuhin kan hre bawk si a. Kumin atan chuan khatiang ang zawng khan kan han kalpui phawt a. Tin, heng thlai hralhna chungchang thuah pawh hian nichina Pu Nirupama han sawi.

PU NIRUPAM CHAKMA

: Pu Chairman, khawngaihin min ngaithla sela, Sericulture Produce Marketing chungchangah Vairengte leh

Bagha a lei turin kan Sorkarin Contractor a appoint em ni? Producer hian Vairengte ah a zuar theih chuan Thingsul ah pawh a zuar thei a ni. Kuminah pawh Vairengte ah quintal ah 18 hunched in leitir an ti a, Sorkarin Thingsul ah 2200/- te 2300/- te a zuar theih lain Vairengte ah engatinge 1800/- in a zawrh? Hmun pakhat chauh lo hian collector Sorkarin a siam thei lo em ni?

PU AICHHINGA
MINISTER

: Pu Speaker, khalai kha ka rawn sawi chhoh tum lai a ni a, helalah hian kan duhdan berah chuan kan

thlaithar tute hian anmahni kawtkaiyah to thei ang berin hralh thei zel sela tih hi kan duhsakna a ni a. Chutiang ang kawng chuan nikum lamah khan a leina tur Centre te kan han buatsaih deuh thuak thuak lai khan. Mahse mahni kawtkaiyah hralhna tur Contractor in dawh se, kan han tih laiah pawh khan kharchhawng ho hnenah khan kan lo rethei tlang a, sum hmuh hmasakna zawka a

nih khan kan lo pe zo thuai ta mai a. Chuvang chuan nikum lamah an lo pe zo thuai ta mai a. Chuvang chuan nikum lamah kan ti hleitheh ta lova, kumin lamah pawh kharchhawng ho hi an tlan chak a, anni ho hmang hian sawhthing ani emaw hmarcha ani emaw, an kawtkai a Kg. ah cheng 10 te a an hralh theih chuan a tha hle tho alawm maw, hetah hian intlan leh rih phawt teh ang tiin Vairengte leh Bagha ah an duh zawk zawk a an hralh theih turin ruahmanna kan han siam sak a, mi tam takin Vairengte a hralh aiin Bagha a hralh te an lo duh leh lawi a, khar chhawng ho pawh hi an inang lova, a then chuan Vairengte ah ngei an hralh a, a thenin Vairengte a hralh duh lovin khulai a thlen in a awlsam zawk, a thian tur pawh Bagha ah chuan vai an tam zawk a. Chuvangin khulai thlen khu kan duh lo ti pawl an awm baw a. Chutiang chuan Vairengte leh Bagha ah hian kan lak tur ani a, engpawhnise kan tum ber chu mipui in hlawk zawk leh anmahni thlai thar ngei hi man tha zawka anmahni kawtkai a an hralh thei hi kan duh ber leh kan tum ani a, kan la thleng pha lo chauh a ni. Kan la tum mek zel a ni. Engpawhnise kharchhawng lama kha chu kan duhsak ber anni lova, kan duhsak ber chu a chingtu leh a thartute hi anni a. An hralh san theihtawp a an hralh theihna turin khulai rate pawh khu kan rep zel a, kan agreement ah hian englai pawhin a rate hi modify theih ani ang (siamthat theih ani ang), tiin kan contract agreement ah pawh hian kan dah a, chuvang chuan a tirah cheng 10.50 a kha 11 ah kan kai chho a, 12, 13 ah kan chhova, tunah hian 14 ah kan kai chhova, helai a hian mimal mahni tanghma tan a ngai ten he Sorkar hmalakna a hi Court lamah te an kalpui takna ah hian kan beisei/kan tum angin kan la thleng rih lova. Rs.15/- kan han kai thuak tawh na a, tunah hian Rs.14/- ah kan kal thla leh thei a. Tin, vawiinniah hian kan zuk appeal ve na a hi an ngaihtuah kan beisei a. Hetah hian hnehna kan la anih chuan naktuk naktup ah Rs.15/- ah kai mai turin inbiak lawk sa vek a ni.

Tin, chumi piah lamah chuan kan sawi leh duh a chu Relief and Rehabilitation chungchang hi kan sawi leh lawk anga. Hemi Natural Calamity atana inbuatsaihna ani tlangpui a, hemi Social Security ah hian pawisa tlem kan nei a. Chu chu mimal harsa leh chhawmdawl na lam ani a, hemi Relief and Rehabilitation kan han tih bik a mi a hi chu Natural Calamity atana inbuatsaihna ani vek a. Tichuan kuminah hian cheng vaibelchhe 147 helai a hian kan nei a, tichuan nikum lamah khan tizat tho hi kan nei a. Anaherawhchu, kum hmasa lama leiba ruh nan kan hmang ta a. Tin, chubakah chuan District tina kan D/C tena rehabilitation atana an lo inhmanral tawhna, va recovered na atan khan hman ani ta baw a. Tichuan kuminah hian kan neih tawh sa hi hemi hun lokal tura inventlawkna entirnan Silpoylin leina te pawh ani leh anga. Hengah hian hman tur ani leh a, hemi piah lamah hian nikumah khan Drought Relief atangin Prime Minister khan

cheng vaibelchhe 20 kha min han pe a. Hei hi kan sawi rik tan lai tak kha ani a, kan hrilhfiab deuhhleik ka duh a. Khami mi peka kha a takin a sumin kan la dawng ta lova. Kan Sorkar transaction ah alo lut ta lova, a hma a cheng vaibelchhe 6 kan lo hman a pawh kha fund dang atangin kan lo pawt lawk mai a ni. Kan lo pawh lawk a kha kan hman tur tho a ni. Engpawhnise, khami atan khan fund dang atangin cheng 6 1/2 crores hi kan hmangral a. Chu chu tam te inhlawhna tura ruahman vek ani a. D.C. tin te tiang hian pek a ni a, Aizawl D.C. ah 112 lakhs pek a ni a, Lunglei D.C. ah 105 lakhs, Saiha ah 78 lakhs, Champhai D.C. ah 78 lakhs, Mamit D.C. ah 86 lakhs, Serchhip ah 56 lakhs, Kolasib ah 64 lakhs, Lawngtlai ah 78 hetiang hian pek a ni a. Nikum kan tam mangan laia buhfai a kan pek ruh nan khan hman a ni tlangpui a ni.

Ka Demand No.16 na Civil Supply 118,10,00,000, Demand No.34 Social Security and Welfare 35,00,000, Relief on Account of National Calamities 147,00,000 other General Economic Services (Trade & Commerce and Weight & Measures), Demand No. 53-na 236,10,000 hi he House zahawm tak hian min pass sak turin ka ngen e.

S P E A K E R : Renti lo kan awm em ? He House in Pu Aichhinga Demand Rs.1,19,28,10,000 hi Lungrual takin a pass a ni.

Pu H.Vanlalauva Demand Wind-up leh pass kan la hmabak a, thingpui hi in theih chuan a awm a, kan chawl dawn nge kan tlang ang ?

Thingpui in ila, dar 6:00
ah kan lut leh dawn nia.

Recess 5:45 P.M.

SPEAKER : Tunah chuan Pu H. Vanlalauva
Minister, a Demand te wind
up a, passrawn dil nghal
turin i sawm ang.

PU H. VANLALAUVA : Pu Speaker, ka lawm e.
MINISTER Thingpui te kan in puar ta
bawk a, a tawpah tih tawk a
awm an tih kha maw. Pu Spea-
ker, vawiinah hian lawm thu sawi tur tam hle in ka hria
a. Member zahawm tak tak ten ka Demand te an sawina ah
thahnem min ngaihpui zia leh thinlung tak taka an vei
zia a langin ka hria a. An rilru zuk hre vek lo mahila,
an thusawi dan atang khan hmasawna kawng kan zawh
theihna tura thahnem min ngaihpui zia te a lang Chiang
in ka hria a. Hei Session bul lam han ngaihtuah phei
chuan vawiin chu Pu Speaker, i weilama mite hi an
hmel te pawh tha sawtin kan hria a, hlimawm hle in ka
hria. Tin, Member ten an ngaih-mawh siam that an duh
an sawi te, an ngaih pawimawh hmalakna atan leh kan
chin thin atana tul an tih zawng zawng te, tin, an
hriat fiah duh te, kan chhinchhiah ve vek a, kan sawi-
fiah vek lo a nih pawhin kan ngai pawimawh a. Kan
chhinchhiah a, keimah mai ni lovin hei, House pawh
kan hrilh duh a. Vawiin nia Member ten kan demand in
han sawi a, in thusawi pawimawh zawng te lo chhinchhiah
a, lo record vek turin kan insiam a ni a, session zawh
veleh hian, in ngaih-mawh te siam that dan te leh,
ingaihpawimawh te hma kan lak theihna tur ngaihtuah
kan tum a ni tih kha min lo hriat sak hmasak ka duh
a ni.

Tichuan, vawiin niah a hmasa ber
in demand 38-na Fisheries chungchang thu ah han lut
hmasa lawk ilangin, Fisheries Department hi kan hriat
angin kum 6 awrh ang chauh a la ni a. Agriculture atanga
a in danna a la rei lutuk lova, chuuvang chuan vawiin
ni thlengin kan la fahrah hle a. Kan Head of department
pawh Joint Director hovin tunah sorkar hmasa lamah khan,
ngaihpawimawh leh hriat kan hlawn em em lo tih pawh in
hria a. CM in a Cabinet Minister te hna champual an sem
tum te pawh a, hmaih palh, theihngilh nih chang te a
awm thin anih kha. Amaherawhchu, tunah hian Member zah-
awm tak tak ten, department pawimawh anih dan te hre
hle mahsela, in hriat chian avang leh ram mipui pawhin
an lo interest tak atang hian, hriat pawh a lo hlawn
tan chho ta hle a. Chungah chuan kan thlen chin atanga
hma kan sawn theihna turin kan at ang ang leh kan thiam
ang angin, thiam loh ang angin hma lakna kawng thar te
dapin tan kan la ve a. Chungah chuan mi thahnemngait
tanpuina, thurawn leh finchhuahna tam tak pawh kan dawng

a, lawmawm kan ti hle a ni. Chunga kan thahnemngaihna, kan hmalak mekna leh hma lak zel kan tumna ah chuan Sangha chi-a intodelh hi a pawimawh hle in kan hria a. Tunah hian Sangha khawitu hi an thahnem ve tawh hle a, record-a a lan dan chuan dil 4750 lai a awm ve tawh a. Heng a kan farmers ten an mamawh 100 ah 30 hi helaia tharchhuah atanga han in manage ve niin kan in hria. Hemi kawnga kan Budget sum phai lama luangliam fo thin a nuai tel a hi kan khuahhlain⁷theih na tur leh, a Sangha chi pawh kan ram atana tha tur Sangha no keimahni siam leh thar chhuah ngei hmanga kan intodelh hi a pawimawh hle in kan hria a. Theih-tawp kan chhuah a, Farmers ten an entawn atan Zawlnyam, Tamdil leh hmun hrang hrangah Fish Sews farm hi experiment atan siamin hna kan thawk a ni.

Tin, hemi atan hian training leh seminar te pawh buatsaihin area hrang hrangah kan theih ang angin hma kan la a, a sawt pawh a sawt hle in kan hria a. Inzirtirna a tam na na na chuan mi ril-ruah pawh a lutin kan hria a ni.

Tin, chubakah a dil siam dan hrim hrimah helai a Member ten an zawh angin sah huk policy ringawt ni lo hian, a fur a that a enge ni pawh a kan mamawh anga. Kan man theihna fur dil neih tula hriat a ni a. Zawhna chhanna ah pawh sawi tawh angin, tun hma a tihdan phung tam berah chuan kawrte dungah tuikhuah kan siam a, kawr kan hnawh a, tuihawk leh bawhlhlawh dang danna siam a lo har a. Tin, a tui khuah mawng tihfai tawk a lo har a. Tin, chubakah thuk lutuk te a lo ni a. Helaia Dil Sangha kan han tih thinah hian thuk lutuk lam aiin a mawng thlenga lum chhuak phak an ngeih zawk emaw chu le tih tur te a nih avangin Dil changkang zawk leh awmze nei siam dan kawng te inzirtir in hma kan la a ni.

Tin, Mizoram hmun hrang hrang ah tunah hian Sangha chi hi Farmer te hnenah a man 50% angin tun kum kal ta chhung khan Nuai 30 chuang zet pek chhuah a ni a. Tin, Fish Farmer Development Agency atanga kan sum hmuh te hmangin Sangha khawitu, Dil neitu a hmuna enfiah a tanpui tlak nia Department-in a hriat te hnenah tanpuina Grant-in-Aids pawh pek chhuah a ni a.

Tin, chubakah Sangha Dil kan han siam chawp mai ni lova, forest kut atanga Fishery Department-ah Mizoram luite enkawlina plan a lo nih atang khan, Mizoram lui lian deuh deuh te tangkai zawka hman anih theihna turin Central atanga advice kan hmuh angin Mizoram lui lian deuh deuh 13 ah tun kum kal ta chhung khan Sangha No Nuai 45 zet chhuah a ni a. Member zahawm tak Phuldungsei bialtu ina a rawn sawi leh zawhna ah te pawh an rawn sawi tawh angin heng luipuia kan chhuah ringawt hi a tih chi dawn em ni ? an puitling thei dawn em ni ? tih zawhna te pawh awm thei a ni a.

Amaherawhchu, heng hi kan technical miten phai lam tih dan phung leh phai lam pawhina thurawn min pek atanga heng hi tih a ni a. Brahmputra luia Sangha an man tam ber a khu kumina lui lian leh Mizorama lui lian hrang hranga kan han chhuan chi major carp leh common carp te an ni a. Heng hi lui puia khawsa chi leh luipuia an lo dah thin chutiang vek chu helai hmunah pawh chhuah a ni a. Heng hi a venhim hna leh a enkawl hna te thawh turin kan V/C te leh tlawmgai pawl YMA te leh pawl dang te kan sawm a.

Tin, kan chhuah dawn hian V/C leh tlawmgai pawl hrang hrang te hi sawm in kan programme ah phur takin an lo tel a. Chungah chuan a venhim zui dan te pawh kan sawi thin a ni. Kan beisei anga a kal chuan, dil siam belh leh insenso ngai hauh lovin kan ram lui, tuna kan han chhuahna 13 mai ni lo, lui dangah te pawh kum tharah tih zel a nih chuan eizawna nei lo mirethei chhungkaw tam takin heng Sangha te hi eizawn nan an hman thei dawn a ni tih hi kan beisei dan a nia. Chutiang chuan theih tawpin hma an la a ni.

Tin, Sangha dah thatna te kha kan hriat an in tun kum kal ta 1999-2000 chhung Khan Kolasib leh Bawngkawn ami local storage leh Bilkhawthlir a kan Plant te phe chu commission hman ngei kan tum a ni. Mahse sum harsatna avang leh technician lamah te harsatna a awm avangin commission hman a na ta lova, pawl kan ti hle a. Hei tih puitlin thuai anih kan beisei a ni.

Pu Sanga Kawngui bialtu zah-awm takina a han sawi, helai a Market-ah zawrhna mumal nei lo te mangang te tan chuan tunah hian Directorate office-ah a dahthatna quintal khat atanga quintal nga vel lek te han dah thatna mai tur fridge lian erawh chu neih a ni a. Chu chu mi mangang leh tanpui ngaite an awm anih chuan min han hriat tir ula a lawmawm khawpin ka ring a. A tam tham lutuk nilo, quintal nga thleng han stock thatna mai tur chu Directorate-ah hian a awm a ni tih kha hriat ni sela. Tin, nichina kan sawi ang Khan Sangha dil hi 4750 vel tunah hian awmin report a ni a. Chung zinga 400 vel zet chu tanpui an ni tawh a, a bak pawh tanpui chhoh zel tum a ni. Tin, Sangha zawrhna hmun a Market a hi kan mangang em em a, nuho hian min rawn hual nasa thin a, an mangang thei hle a ni. Kan revenue Minister hnenah kan manganna thu te kan thlen a, tunah hian new Market-ah Sangha zawrhna keimahni thar chhuah ngei kan zawrhna tur hmun min siam sak tawh a. Amaherawhchu, kan la tawng khawp lo hle a, nimin maiah pawh khan helai thar chhuah Sangha zuartu ho, mi sawm vel lain vawlin zingah session ka kal tur kha min rawn hual a. Theih ang anga heng hi ngaihtuah chhoh zel

Ipawh tum a ni a. Tin, tunah hian peace bonus atangin Rs. 2 crores kan beisei a. Hei hian theih tawp chhuah a kan thlen chin atanga hma kan sawn theihna tura tha pui chhuah a hmalak tumin tunah hian buatsaih a ni a. Reilote ah hengah hian kan hmalakapawh mita hmuh theih leh hriat theih anih thuai kan beisei tak meuh a ni. Kan hriat angin Mizo te hi kum 15 dawn vel thleng in naupang a, kan in ti a, kum 60 kan nih chuan tar a, kan inti deuh mai a. Mahse, Bengali hote kan hria a, tar at an nei lo tih kan hria a, Central ah kan hruai-tute pawh kum 80 chuang te an ni . Engvang nge tih a chhanna kha Sangha an ei tam vang tih a ni reng mai a. Chuvangin Mizoten tar at kan neih lohna turin kan fate, kan tute, thangthar zel te pawh ina zirna ah pawh hma an sawn theihna turin, kan fin theihna turin helai hi thahnem kan ngaih a tul in kan hria a, theihtawp chhuah in kan beidawn a ni. Chu chu eizawna tam takin an noih theihna bawk tur a ni.

Tin, LAD hi Department lian ni lo mahsela Department pawimawh tak chu a ni a. Sawi tur pawh a tam viauva, kan hriat duh te sawi kim vek lo mah ilangin, a tlangpui kan han sawi thuak thuak anga, chungah chuan kan hre maianga, khawpui enkawltu a ni a. Thingtlang, Rural Area kan han tihah pawh Village tin enkawltu a ni tel bawk a, chutah chuan Administration bakah development thlengin a keng a ni tih kan hria a. Chumi avang chuan a pawimawh dan hi a double a, a pawimawh tak zet a ni tih kha kan hre awm e.

Tin, khawpui leh thingtlang lama Village enkawlina tur hi dah te kan mamawh a, chung chu theih ang anga buatsaih a ni nual sawh a, tunah hian buatsaih chhoh mek a ni. Tin, chuta a hmasa bera ka sawi duh chu Aizawl khawpui, town tih thin hi kan CM duh ang in new millenium Pathianin min hruai thlen avangin New Millenium present-ah Aizawl Town tih thin kha Aizawl city ah puan a ni tawh tih kha House-ah ka sawi duh a ni. Aizawl city kan enkawlina turin The Mizoram Urban Regional Development Act 1990 thawhchhanin The Mizoram Urban Regional Development Rules siam a ni a. Nikumah House-ah pawh kan pharh tawh kha kan hria anga. Chung bawhzui tur chuan Mizoram Urban Planning and Development Board Chief Minister Chairman-na hnuaiah din a ni tawh bawk a. Chu chuanin Rules hmanga kan khawpui kan enkawl dan tur te ruahmanna siamin hma a la chho dawn a ni. Tin, chubakah Sub-Town kan tihah te Town Planning Development committee 9 din a ni tawh bawk a. Chung hmang chuan theih tawp chhuahin hma kan la dawn a ni. Hei hian Member te sawi Municipality tih leh Panchayati Raj tih te kha a khawih tel chho vekin a lang a. Kan hriat angin Municipality hi tunah a Draft Bill chu a

tlangpuiin kan zo thawkhat a ni. Tunah hian kan hotu-
ten an zir mek a ni. Amaherawhchu, he Municipality
Board leh Panchayati Raj te hmang tur hi chuan mamawh
leh hmabak a la tam viau a ni. 11th Finance Commission
ina he Municipality leh Panchayati Raj sum mamawh kan
dil te min phalsak a ngai anga, tin, State Election
Commission leh State Finance Commission te kan State
hian kan neih hmasak a lo ngai a. Tin, chumai ni lovin
kar kalta zirtawpni a private resolution lungruul tak
in kan passed a. Sixth Scheduled area-ah Municipality
hman theih an lo tih pawh kan hria a. Chuvang chuan
Municipality leh Panchayati Raj chungchang thu hi chu
engpawhnisela, kan kheh rih deuh leh Eleventh Finance
Commission kalpui dan te pawh kan en deuh chu a ngai
dawn in a lang a ni.

Tin, zokhaw lam enkawlina
chungchangah te pawh Village council amendment kan
siam tawh a. Chu chu he House-ah lungruul takin kan
passed a. Chumi ang chuan Village council inthlanna
pawh December, 16, 1999- ah neih a ni tawh a. Chumi ah
chuan tunhma kan inthlanna leh kan election neih tawh
thin te aiin a hahdam thlak hle a ni tih kha kan hre
awm e. Tunah chuan V/C dinhmun te pawh en chhoh zel
a ni dawn a. Member ten an sawi ang khan an dinhmun
pawimawhzia hi sorkarin a hrãa a.

Chumi atan pawh hmalak zel
a tum a ni tih kha vawiin nia kan hriat ka duh a ni.
Tin, an lawmman tlangpui pawh tunah hian V/C Association
pawhin rawtna te thehlutin sorkarah thu an rawn thlen
mek a. Heng hi department-in uluk taka chhuiin, a tul
anga Cabinet lamah la thlen turin ruahmanna a kal mek
a ni tih kha vawiin nia kan Member zahawm tak ten kan
hriat kan duh bawk a ni.

Tin, chubakah nichina Member
ten an han sawi zawk, model village han tih chungchang
thu ah khan tunah hian kan dil angin HUDCO- in Tuikual
leh Nisapui atan Nuai 38 leh singnga ve ve, min rawn
pe a. Tun financial year, liam ta ah khan first install
atan nuai 19 leh singnih leh sangnga draw a ni tawh
nghe nghe a ni tih kha in hriat ka duh a. Chubakah
Edenthar atan tunah hian dilna a kal mek a ni a, reilo-
te ah a hlawhtlinna kan hmuh thuai pawh kan inbetsei
bawk a ni.

Tin, kan ngaih pawimawh em
em chu, Sanitation chungchang hi Tawipui bialtu zah-
awm tak leh, Aizawl 'S' II bialtu zahawm tak khan a
ngai pawimawh hle a. Mizoram pumpui faina leh thiang-
hlinna kawnga hma la tura S.O-ho chauhva Sanitation
Wing kan la nei te hi a rualawh thlak a. Tunah hian
vawi tam tak kan sorkarah pawh kan D.D senior up-
grade-a kan S.O dinhman a hi Joint Director talin a

ho tulin kan hria a. Tunah hian Planning leh Finance lam pawhin min hriatthiamna thui tak an nei niin kan hria a. Chuvangin rei-loteah helaiiah hian hma la thei tura hlawhtlin kan in beisei a ni. A dik takin kan hmanraw neih chhun te leh hi kan MLA te leh kan hotuten ka pu, hei chu engmah dang a thawk thei lo, Sweeper-ah tal lo la teh u, an tih awmkhawm kha kan hmanraw neih chhun te an la ni mai lehngal a. Chuvangin, hemi kawng ah hi chuan tan kan laka theihtawp kan chhuah tak meuh meuh a ngai a ni tih kha vawiin niah kan hriat kan duh a.

Tin, chumiina a kaihhnawih bawlhhlawh paihna chungchang thu te pawh vawiin niah kan han sawi lang a. A pawimawh em em a ni. Hemi chung thuah hian kan hriat angin Tuirialah Bawlhhlawh paihna hmun Dumping Ground kan nei a. Enchhinna chi hrang hrang kan nei a, a halralna te, thil tam tak kan ti a ni. Mahse, duhthu a sam mawh hle, Bawlhhlawh a han nih tawh chuan tho hi a pung nasa em em mai a ni. Heta Member te leh he House ngei ina min lo hriatpui atana ka duh chuhmasawna chi khat nia kan hriat ve thil ropui takah in ngai lo a ni mai thei a. Neem atanga siamchhuah Damdawi tho hnawhbona an ti mai a. Tho thahna hlo kan siam, hemi kan hman atanga tunah Tuirial Dumping Ground ah pawh hmundangah pawh tho hi a tlem ta em em a ni.

Tichuan tunah hian Tuirial lam aia changkang zawk bawlhhlawh paihna siam tumin Sakawrhmutuai tlangah kan in buatsaih mek a, damdawi leh thil dang hmanga bawlhhlawh tih ralna, luipui ah mipui tana pawh tur a tla silova, tho leh thil dang ah khawpui tibuai lo tur si, a tih dan kawng dapin hma kan la tan mek a. Sihphir V/C khawtlang hruaituten an ram sorkar pawimawh atan-a phal taka min lo pek avangin vawiin niah hian lawmthu kan sawi duh a. Hei hi tun atang hian hma kan la tan dawn a ni a, reilotea tih hlawhtlin thuai pawh kan in beisei a ni tih kha min lo hriat sak kan duh a ni.

Tin, Market chungchang thu ah Member te pawh in, in sawi nual kha, hengah hian kan UT tirh atangin revenue subject a ni chho reng a, mahse chuti chung chuan LAD hian Market sak hi chy a tum chho reng a, vawiin ni thlengin. Nichina kan ngaihthlak angin kan sorkar in trade and commerce a enkawl tir chho dawn niin kan hria a. Tichuan hma kan lo lak tawhna kawng tam tak vawiin niah hlawhtling, Mizoram khawpui hmun hrang hrangah Market sak mek an ni a, a bik takin tun hnai maiiah Champhai atan nuai 200 dawn. Tin, Saiha leh Hnahthial atan 100 dawn lai ve ve tunah hian Market sakna tur te kan nei a. Tin, chung bakah chuan Peace Bonus atangin Vaibelchhe 15 project kan siam a, hetah

midang ruai hauh lovin, senior Town Planner hoin kan project engkim pawh hi buatsaih a ni a, chu chu central pawhin tun ah hian min pawm sak a, crore 5 phei chu tunah hian hmuh mai beisei a ni. Chungah chuan Aizawl khawpui Market te leh khawpui hrang hranga Market hi changkang zawk, ei tur zawrhna tlak, mikhsal te Foreign atanga lo kal ten an dawr a, Mizorama kan neih thuai theih na turin theih tawp chhuahin hma kan la ve mek a ni. Tin, chumi rual rual chuan Market terminal Building, parking Bus te leh truck te leh Car thlengin hetiang pawh hi kan Town Planner te hovin tunah hian hma lak mek a ni a. Tunah hian tam tak tihpuitlin pawh kan nei tawh tih kan sawi duh nghe nghe a ni.

Tin, khawpui plaster plan pawh theih tawp chhuahin kumin chung khan hma kan la a, khawpui 10 plan peih tawh anih bakah, approved tawh an ni nghe nghe a ni. Tin, tunah hian plan buatsaih mek te chu Aizawl, Champhai, Kolasib, Lunglei, Serchhip, Mamit leh Lengpui te an ni. Buatsaih peih tawh kha Mualpui, PTC, Complex, Saiha, Khawzawl, Hnahthial, Thenzawl, Bilkhawthlir, Bairabi, Sakawrdai, Reiek park leh Zokhawthar, Border Town te peih tawh leh approved tawh te an ni a. Hengah hian theitawp chhuahin thawktuten an thawk a, an fakawm hle a ni. Tin, hei bakah hian kan Building Center Zuangtui ami pawh tihpuitlin leh hman tlak zawka hman theih turin tunah hian buatsaih mek a ni a. An insakna hmanruate a thawktu Mistiri leh labour te pawhina hna an thawh theih dan tur te kan material tlo zawka kan neih theih ve dan tur te zirna leh, inkawh hmuhna tur atana tih a ni ber a ni. Tichuan vawiin niah Housing chungchang thu ah Member ten in sawi tam hle a. Housing leh LIC Loan Normal Housing Loan kan tih hi a recovery a mumal loh avangin LIC emaw, Hudco atangin a ni emaw a harsa hle a ni. A recovery thua hian tan kan lak a tuln ka hria a, LIC ah hian chuan an hlawh atanga cut mai anih avang in a ziaawm chhova. Chuvang chuan kuminah pawh mi 3746 hnenah pek kan beisei lain, Normal Housing lamah hi chuan mi 600 awrh hnenah chauh pek theih a ni. C.M in kan sorkar hnathawk leh mipuite mamawh hria in central lamah a rawn nawr a, Budget angin R.E-ah 50 crores a rawn hawn a. Kuminah mi 1200 hnenah LIC hi kan pe thei dawn a ni. Hemi chungchangah hian VIP lama titute pawh in sorkar ina a ngaih pawimawh service lo nei tlem tawh kha ngaipawimawh ila tih chu kan inzirtirna a ni. Board lam pawhin hetiang lamah hian thahnem ngain hma an la a ni. Chubakah chuan a mamawh te hnenah pek nisela tiin an rel a, mahse a zawng a zain hetah hian duh angin kan zawm kim thei lo a ni mai thei. Thahnem ngain helaiah hian hmalak zel sorkarin a tum a ni.

Kum 10 service nei te tal an nih loh chuan buaina lawih thin a ni. Tin, sorkar hian LIC atangin 11% -a pung a ni a, chumi ang chiah chuan Loanee te hnenah pek chhuah a ni. Kumin Housing loan dil

11327 an awm lain 620 vel hnenah kan pe thei dawn a ni, tin, HBA hi 13426 in an dil a, 3000 emaw hnenah kan pe thei dawn a ni.

Kuminah LIC Housing loan ah hian file thar 4000 vel hawn thar a ngai a ni. A thawk tu pawh an in daih lo hle a ni, tih hi vawiin niah min hriatpui kan duh a, churang chuan hemi chungchang thu ah hian kan mamawh computer te pawh hi kan mamawh a ni. Tin, a thawktu a MR tal pawhin heng hi pek belh kan nih loh chuan kan harsa hle a ni tih hi min hriatpui kan duh a. Tin, kan hna te lah hi nichina an sawi angin, step te te nuai khat hi group 12 ah te kan siam a ni a. A hna te a hautak em em a, a sum lam tam lo mahsela, churang chuan helai thu ah hian kan mamawh a sang hle a ni tih min hriat sak kan duh a. Tuna kan SAO post te pawh hi up-grade kan mamawh ngawih ngawih a. DD ah tal kan dah chhoh loh chuan harsatna kan nei lian tawh a ni.

Tin, Member ten in ngai pawimawh em em a in sawi hnathawh tura work order pek si, thawk silova, bill lak te pawh a awm ni awm tak te pawh a sawi a ni a. Khing zawng zawng kha thahnem ngai chutiang chu a taka hria kan awm anih chuan khawngaih taka min hriattir turin ka ngen che u a ni. Heng hi dik tak leh a hna pawh tha taka tih kan duh lain Engineer, technician te kan nei tlem em em mai a, Mizoram pumpui kan Bial si a. Churang chuan V/C te kan rin loh theih lohna lai a awm a, kan V/C te an rinawm tawk vek lo pawh a ni mai thei, chungah chuan min lo tanpui a min lo finchhuah turin kan ngen che u a. Tin, tlawngai pawl, YMA leh midang te pawh hetiang hian kan ngen bawk a ni tih vawiin niah kan sawi duh a.

Tin, chulovah kam hnih khat lek ka'n sawi kai duh, pay Anomaly chungchang te pawh han kai ve ta zawk ila. Heng chungchang ah pawh hian C.O post DLAO post te, civil service leh department mi in thawk ho kan ni a, 50% -50% in kan in sem a ni a, chungah chuan sorkar atanga C.O-a kan chhawr ten 8000/- ah an tan lain department miin 6000/- ah an tan si a. DLAO ah department miin 8000/- an tan lain MCS in 10,000/- ah tan a lo ngai a. Heng thil pawh hi Thang-kura thu khawchang ang maia level pui te phak loh ngawt hi hrehawm tihna a lo awm a, heng ah hian min hriat sak tur pawh a niin ka hria.

Vawiin ah BPL chungchang te kan sawi a hei hi SJSRY lam atanga thawh a ni a. Tun hma NRY UBSB leh SHASU kan tih te kha central lamin tih tawp anih avangin SJSRY hian a kal a ni a. A target

group chu BPL te an ni. Member thenkhat te sawi thin kha LAD chuan heng BPL Member te mawh kan phurhna leh kan zawn chhuahna chu Aizawl khawpyi leh Lunglei leh Saiha ah an ni. Member List hi tlawmgai pawl te hmang in V/C te pawh punin kan siam a ni a. Kan peihna a rei tawh a, a bu in kan siam a, a dik tawh vek lo ang tih kan ring. Hengah pawh hian theihtawp chhuah a kan in tanpui tawn pawh a ngai hle a. Heng BPL atang hian mirethei te inhlawhna Trysem training-na leh thil dang dang pawh buatsaih an ni a, heng ah hian a dik thei ang bera tih kan duh a, dik tawh lo tam tak a awm thei a, chungah chuan min finchhuah pawh ka ngen a ni. Hei Member ten an zawhna pawimawh zual deuh deuh ah khan V/C lawmman, tunah hian VCP - 300, Vice President-250, Secretary-200, V/C Member-150, Tlangau-125 a ni a. Nichina sawi tawh ang khan tunah hian department in uluk taka enin kan sum dinhmun, kan sorkar dinhmun te thlirin tunah hian ruahmanna kan han siam tan chho mek a ni a. Awmze nei a heng hi kan tih a tul viauin kan hria a.

Tin, Village Council Electoral Roll thu ah khan Tlabung bialtu zahawm tak N.K Chakma khan a rawn sawi a. He V/C Electoral Roll hi kan PRO te, AERO te, hmanga buatsaih a ni a. Heng hi a uluk thei ang bera buatsaih a ni a. Thawktuten a dik leh tha nia an hriat anga siam a ni a. (Pu N.K. Chakma a lo tawng)

BU N.K. CHAKMA : Pu Speaker, Dan lo taka an siam chu tha ka ti lo, an fair lo em mai, D.C office-a an thu chhuah a ni a. Hei Draft V/C ah pawh 6th Assembly, hei hi chu draft ah pawh an siam ta a. Chumi hnuah final kha 50% pawh na ni lo a, hemi hi chu India misa dik tak a ni a. Lawngtlai khua ah a awm a, a procedure lo hrim hrim a ni department ho chu.

BU H. VANLALAUVA
MINISTER : Pu Speaker, Awle, engpawhnise, V/C inhlanna zawh fel a ni a. V/C Electoral Roll.....

PU N.K.CHAKMA : Pu Speaker,Primary Zirtirtu a ni a, ama hming pawh a lang lo tlat, engvang nge ? zawh ka duh a, he House ah Pu Speaker, Minister-in min chhang mai rawh se, document pawh kan nei vek.....

PU H.VANLALAUVA MINISTER : Pu Speaker, Awle, tih sual palh a awm a ni mai thei a, kan lo enzui anga. Roll chungchang phei chu V/C Inthlan zawh fel a ni tawh a, Roll hi siam that leh a nih hunah tun aia dik leh zuala tih tum a ni anga. Tin, roll chungchang bawk, khi mi Phianghmun chungchang thu te pawh kha, uluk taka V/C te leh tlawngai pawl zawng zawng leh political party hrang hrang te rawn a, siam a ni a. Chumi ang chu kan kalpuia kha a ni rih mai a, dik lo palh a lo awm anih chuan roll siam leh ah khang kha tih dik turah ngai ila.

Tin, Tlabung bialtu zahawm takina Tlabung biala Lamkhai ah Village Market sak chhe lutuk a awm nia a sawi kha, keinin vawikhat kan hriatna a ni a. Hei hi lo enfiah kan tum anga, a dik ngei anih chuan dan angin heng hi kalpui ngei anih chuan dan angin heng hi kalpui kan lo tum dawn a ni tih kha waviin niah kan in hriattir duh a. Tin, chubakah kan hmalakna kawng hrang hrang ah tunah hian ka Member te, mipuite tawiawnna leh tanpuina kan mamawh tak meuh meuh va, nichina minor work chungchang thu ah te pawh. Tin, hemi Housing-ah te pawh duh khawp lohna a nasa hle a, heng hi R.E. lamah a pun chhoh leh ngei kan beisei a, engpawhnise, tuna kan beiseina leh kan rilru put hman ah chuan Budget-a kan sum tuna lo lang te hi, a chawtani(chutney)ang lek turah kan beisei a. Central sponsored scheme atanga theih ang tawka tam hai chhuah kan tum a ni tih kha ka'n sawi duh a. Pu Speaker,. Chuvang chuan tangkai taka heng Budget te hi kan ram tan hman anih theih na turin ka demand No.19-na Local Administration Department 4 crore, 25 lakhs, Demand No.28-na Housing 27 crore, 89 lakhs, Demand No.29-na Urban Development 7 crore, 39 lakhs 20 thousand, Demand 38-na Fisheries 2 crore, 46 lakhs and 30 lakhs te hi Mizoram tan tangkai tak a hman anih theihaa tur a lungruah taka min pass sak turin House ka ngen a ni e.

Ka lawm e.

SPEAKER : Awle, Pu H.Vanlalauva Minister in Demand No.19,28,29,38, Rs. 41,99,30000(Rs.41crore, 99lakhs, 30 thousand) he House-ah hian pass a rawn dil a, pass remti apiangin 'remti' ti rawh u le. Remti lo kan awm em ? Kan awm lo a, lungruah takin Pu H.Vanlalauva, Minister demand Rs. 41 crore, 99 lakhs 30thousand chu he Hojse hian a passed a ni.

PU H. VANLALAUVA : Pu Speaker, ka lawm e.
MINISTER

SPEAKER : Tunah chuan kan business
kan zo ta a, kan chawl hrih
anga. Naktuk April (Tuesday)
2000 Dar 10:30 AM ah kan thu
khawm leh ang.

Meeting Adjourned - 7:00 PM.